

**MEĐUNARODNA SKIJAŠKA PRAVILA
FEDERATION INTERNACIONAL DE SKI
INTERNATIONAL SKI FEDERATION
INTERNATIONALER SKIVERBAND**



**KNJIGA IV
ZAJEDNIČKA PRAVILA
SPUST
SLALOM
VELESLALOM
SUPER G
PARALEL TRKE
KOMBINOVANA ALPSKA TAKMIČENJA**

**PRAVILA
ZA
MEĐUNARODNA SKIJAŠKA TAKMIČENJA**

**ODOBRENA NA 44. KONGRESU
MEĐUNARODNE SKIJAŠKE FEDERACIJE
U PORTOROŽU (SLO)**

- IZDANJE 2004 -

1. Dio

200 Zajednička pravila za sva takmičenja

200.1 Sva takmičenja u FIS kalendaru se moraju održati prema primjenjivim pravilima FIS.

200.2 Organizacija i provođenje

Pravila i instrukcije za organizaciju i sprovođenje raznih takmičenja uzimaju se iz njihovih odgovarajućih pravila.

200.3 Učešće

Takmičenja koja su unesena u FIS kalendar otvorena su isključivo za sve propisno registrovane takmičare, prijavljene od strane njihovih Nacionalnih skijaških saveza u skladu sa trenutnim kvotama.

200.4 Posebne odredbe

Vijeće FIS može odobriti Nacionalnom skijaškom savezu da usvoje pravila i odredbe pri organizovanju domaćih i međunarodnih takmičenja sa različitim uslovima kvalifikovanja ali jedino ukoliko ne prelaze granice postavljene u ovim pravilima.

200.5 Kontrola

Svako takmičenje iz FIS kalendara mora nadzirati tehnički delegat FIS.

200.6 Bilo koja pravna izrečena i objavljena kazna koja se tiče takmičara, zvaničnika ili trenera biće priznata od FIS i Nacionalnih skijaških saveza.

201 Klasifikacija i vrste takmičenja**201.1 Takmičenja sa posebnim pravilima odnosno ograničenim učešćem**

Nacionalni skijaški savezi članovi FIS – ili klubovi koji pripadaju istim i uz njihovo odobrenje mogu pozvati susjedne nacionalne skijaške saveze ili njihove klubove na svoja vlastita takmičenja. Ali ova takmičenja ne smiju biti proglašena ili objavljena kao međunarodna takmičenja, i to mora biti jasno stavljeno do znanja.

201.1.1. Takmičenja sa posebnim pravilima, odnosno ograničenim učešćem ili ona koja uključuju ne-članice mogu se održavati pod posebnim uslovima takmičenja koja odobrava vijeće FIS. Sva takva pravila moraju biti zvanično objavljena.

201.2 Takmičenja sa nečlanovima

Vijeće FIS može ovlasiti jedan od nacionalnih saveza – članova FIS da pozove organizaciju koja nije član FIS, vojnu i sl. na takmičenja ili da prihvati poziv neke takve organizacije.

201.3 Klasifikacija takmičenja

201.3.1 Zimske olimpijske igre, FIS Svjetska prvenstva i FIS Svjetska juniorska prvenstva

201.3.2. FIS Svjetski kup

201.3.3. FIS Kontinentalni kupovi

201.3.4. Međunarodna FIS takmičenja (FIS Trke)

201.3.5. Takmičenja sa posebnim učešćem odnosno kvalifikacijama

201.3.6. Takmičenja sa nečlanicama FIS-e

201.4. FIS discipline

Disciplina je grana sporta i može se sastojati od jednog ili više događaja. Na primjer, skijaško trčanje je FIS disciplina, dok je sprint u skijaškom trčanju događaj.

201.4.1 Priznavanje discipline od strane FIS-e

201.4.1.1 Nova disciplina, koja se sastoji od jednog ili više događaja, praktcirana u najmanje 25 zemalja i na najmanje 3 kontinenta može biti i postati dio programa FIS-e.

201.4.2 Isključenje discipline iz programa FIS-e.

201.4.2.1 Ukoliko disciplina nije više u praksi u najmanje 12 nacionalnih saveza na najmanje 2 kontinenta, tada Kongres FIS-e može da istu isključi iz svog programa.

- 201.5 FIS događaji**
Događaj je takmičenje u sportu u jednoj ili više disciplina. On rezultira određenim poretom učesnika i dodjelom medalja i/ili diploma.
- 201.6.** Tipovi takmičenja
Međunarodna takmičenja se sastoje od:
- 201.6.1** *Nordijskih događaja*
Skijaško trčanje, Skijaško trčanje na rolama, Nordijska kombinacija, Skijaški skokovi
Skijaški letovi, Timska takmičenja u nordijskoj kombinaciji, Nordijska kombinacija sa skijaškim trčanjem na rolama, Timski skijaški skokovi, Skokovi na plastičnim skakaonicama, Narodno skijaško trčanje.
- 201.6.2** *Alpski događaji*
Spust, Slalom, Veleslalom, Super G, Paralel trke, Alpska kombinacija, Nokaut sistem, Timska takmičenja
- 201.6.3** *Skijanje slobodnim stilom*
Moguls, Dual Moguls, Aerials, Kombinacija, Half pipe, timska takmičenja
- 201.6.4** *Snowboard*
Slalom, Paralel slalom, Veleslalom, Paralel veleslalom, Super G, Half-pipe, Snowboard cross, Big Air, posebna takmičenja, slopestyle
- 201.6.5 Telemark
- 201.6.6 Firngleiten
- 201.6.7 Brzinsko skijanje
- 201.6.8 Skijanje na travi
- 201.6.9 Kombinirana takmičenja s ostalim sportovima
- 201.6.10 Dječija, Veteranska, Takmičenja za hendikepirane itd.
- 201.7 Program Svjetskog prvenstva**
- 201.7.1 Da bi bio uključen u program Svjetskog prvenstva, događaj mora imati priznate međunarodne standarde kako brojčane tako i geografske, i mora biti uključen najmanje dvije sezone u Svjetski kup prije nego što se odluka o uključenju u program može razmatrati.
- 201.7.2 Događaji se mogu uvrstiti u program najmanje 3 godine prije određenog Svjetskog prvenstva.
- 201.7.3 Pojedinačni događaj ne može istovremeno rezultirati individualnim i timskim poretom.
- 201.7.4 Medalje se mogu dodjeljivati na Svjetskim prvenstvima i Juniorskim svjetskim prvenstvima u svim disciplinama (alpsko, nordijsko, snowboard, Slobodno skijanje, Skijanje na travi, Rollerski, Telemark, Brzinsko skijanje), kada nastupi najmanje 8 nacija u timskim takmičenjima i 8 nacija predstavljenim u individualnom događaju. Ovo uključuje i dodjelu medalja na svjetsko prvenstvu.
- 202 Kalendarska konferencija i FIS kalendar**
- 201.1 Kandidatura i najava**
- 202.1.1 Svaki Nacionalni skijaški savez ima pravo da podnese svoju kandidaturu za organizovanje FIS Svjetskog prvenstva u skladu sa objavljenim pravilima za Organizovanje Svjetskih skijaških prvenstava.
- 202.1.2 Za sva druga takmičenja najave moraju biti usklađene sa Pravilima za kalendarsku konferenciju objavljenim od FIS.
- 202.1.2.1 Registracija Nacionalnih skijaških saveza mora biti poslata u FIS najkasnije do 30. aprila.
- 202.1.2.2 *Dodjela takmičenja*
Dodjela takmičenja nacionalnim skijaškim savezima se vrši svake godine na FIS kalendarskoj konferenciji koja se održava u maju/junu.
- 202.1.2.3 *Homologacije (alpske discipline)*
Takmičenja koja su uvrštena na FIS kalendar se mogu održavati samo na stazama koje su homologirane od strane FIS. Broj homologacijskog certifikata mora biti naznačen u prijavi takmičenja za FIS kalendar.
- 202.1.2.4 *Publikovanje FIS kalendara*

Finalni kalendar objavljuje FIS-a prije 1. jula na FIS web stranici www.fis-ski.com. On će se revidirati da reflektuje otkazivanja, odgode i druge promjene po prijemu takvih zahtjeva u FIS.

- 202.1.2.5 **Odgadanje takmičenja**
U slučaju odgadanja takmičenja koji je u kalendaru FIS-e, FIS-a mora biti odmah obavještena i nove pozivnice moraju biti poslane Nacionalnim skijaškim savezima, u suprotnom takmičenje se neće uzeti za bodovanje.
- 202.1.2.5 **Odgadanje takmičenja**
Pored godišnje članarine, fiksne cijena prijave takmičenja se plaća svake godine za svako takmičenje iz kalendara. Za dodatna takmičenja koja je odobrila FIS-a nakon 30. juna, 50% od fiksne cijene e plaća.
Sve uplate za prijave će se odbiti direktno sa FIS tekućih računa pojedinih zemalja članica.
- 202.1.3 Određivanje organizatora takmičenja**
U slučaju da Nacionalni skijaški savez određuje organizatora takmičenja, kao što je određeni ski klub, mora se koristiti formular "Registracijski formular između Skijaškog saveza i organizatora" ili koristeći sličan pisani ugovor. Prijava Nacionalnog skijaškog saveza FIS-i za registraciju takmičenja u FIS kalendar treb da znači da jedan takav dogovor postoji.
U slučaju da je Nacionalni Skijaški savez sam organizator takmičenja, njegova prijava za organizaciju vrši ulogu i garanciju da je on organizator takmičenja.
- 202.2 FIS Kalendarska konferencija će se održati svake godine u mjesecu maju/junu.
- 202.3. Vijeće FIS će objaviti FIS Kalendar na Internetu.
- 202.4. Organizacija takmičenja u drugim zemljama**
Takmičenja koja organizuju drugi nacionalni skijaški savezi mogu biti stavljena u FIS Kalendar samo ukoliko se s tim složi nacionalni skijaški savez zemlje u kojoj će se takmičenja održati.
- 202.5. Naknade za Kalendar**
- 202.5.1. Pored godišnje pretplate FIS Kongres određuje naknadu za svako takmičenje koje se objavi u FIS Kalendaru.
- 202.5.2. Aktuelne iznose naknade objavljuje FIS.
- 203 FIS licenca za učešće na FIS takmičenjima**
Licencu za učešće na FIS takmičenjima izdaje nacionalni skijaški savez takmičaru koji ispunjava uslove za učešće kroz registraciju takmičara u FIS-i u odgovarajućoj disciplini.
- 203.1 FIS Licencna godina počinje 1. jula i završava 30. juna sljedeće godine.
- 203.2 Da bi bio podoban za učešće na FIS takmičenju takmičar mora imati FIS licencu izdatu od njegovog nacionalnog saveza. Takva licenca će biti važeća u Sjevernoj i Južnoj hemisferi samo za tu licencnu godinu. Važenje licence može biti ograničeno na učešće u jednoj određenoj zemlji ili na jednom ili više određenih takmičenja.
- 203.2.1. Nacionalni savez mora garantovati da svi takmičari koji su registrovani u FIS za učešće na FIS takmičenjima prihvaćaju pravila FIS-e, posebno odredbu koja predviđa ekskluzivno pravo Suda za sportsku arbitražu kao sud za protest u slučaju dopinga.
- 203.3 Nacionalni skijaški savez može izdati FIS licencu za učešće na FIS takmičenjima samo onom takmičaru koji je potpisao Deklaraciju sportista na formularu koji je definisalo Vijeće FIS-a i vratio je svom nacionalnom skijaškom savezu. Svi formulari za malodobne aplikante moraju biti potpisani i od strane legalnih staratelja.
- 203.4 Za vrijeme FIS licencne godine takmičar može učestvovati na međunarodnim FIS takmičenjima samo sa licencom za učešće na FIS takmičenjima izdatom od jednog nacionalnog skijaškog saveza.
- 203.5 Takmičar mora biti državljanin zemlje čiji mu je nacionalni skijaški savez izdao licencu za učešće na FIS takmičenjima i dokazati to sa važećim pasošem.
- 203.5.1 U slučaju geografskih enklava Vijeće FIS može napraviti izuzetak na zahtjev oba nacionalna skijaška saveza kojih se to tiče.
- 203.5.2 Takmičari koji imaju više od jednog državljanstva mogu da se takmiče samo za nacionalni skijaški savez zemlje u kojoj imaju stalno mjesto boravka.
- 203.5.3 Takmičar koji je već nastupao na međunarodnim FIS takmičenjima za neki skijaški savez, u slučaju promjene državljanstva i nacionalnog skijaškog saveza ne može učestvovati ni na jednom međunarodnom FIS takmičenju u periodu od 12 mjeseci od datuma napuštanja prethodnog nacionalnog skijaškog saveza niti mu novi nacionalni skijaški savez može izdati licencu zas učešće na FIS takmičenjima u toku istog perioda.
Ova pravila važe i za takmičare koji imaju više od jednog državljanstva i koji bi željeli da takmiče za drugi nacionalni skijaški savez.

Vijeće FIS, nakon konsultacija sa svim stranama, može napraviti izuzetak za opravdane slučajeve, nakon pregleda pisanog objašnjenja sa razlozima za promjenu državljanstva dotsvljenog od strane nacionalnog saveza koji takvu promjenu zahtjeva.

- 203.5.4 Svaki takmičar automatski gubi svoje stare FIS bodove ukoliko promijeni nacionalni skijaški savez. FIS može napraviti izuzetak u slučaju dobro opravdanog slučaja.
- 203.5.5 Takmičaru čija licenca za učešće na FIS takmičenjima je suspendovana može se izdati nova licenca za učešće na FIS takmičenjima nakon što dokaže da su izvršene sve kazne koje se na njega odnose.

204 Kvalifikacije takmičara

- 204.1 Nacionalni skijaški savez neće podržavati ili priznati unutar svoje structure, niti će izdati licencu za učešće na FIS ili nacionalnim takmičenjima nijednom takmičaru koji:
 - 204.1.1 je bio kriv zbog nepoštivanja propisa ili nesportskog ponašanja ili nije poštovao ili zadovoljavao sve aspekte FIS medicinskih propisa;
 - 204.1.2 prihvata ili je prihvatio, direktno ili indirektno, bilo kakve novčane naknade;
 - 204.1.3 prihvata ili je prihvatio nagradu u vrijednosti većoj od one određene članom 219;
 - 204.1.4 dozvoljava ili je dozvolio da se njegovo ime, titula ili pojedinačna slika koristi za reklamiranje, izuzev ako je nacionalni skijaški savez kojeg se to tiče ili njegov ski-pul, je jedna od strana u ugovoru o sponzorstvu, opremi ili reklamiranju;
 - 204.1.5 se svjesno takmiči ili se takmičio protiv bilo kog skijaša koji nije podoban za takmičenje prema pravilima FIS, izuzev ako je:
 - 204.1.5.1 takmičenje odobreno od Vijeća FIS, direktno kontrolisano od FIS ili nacionalnog skijaškog saveza i najavljeno kao "otvoreno".
 - 204.1.6 nije potpisao Deklaraciju sportista.
 - 204.1.7 je pod suspenzijom.
- 204.2 Izdavanjem licence za učešće na FIS takmičenjima i prijave za takmičenje nacionalni skijaški savez potvrđuje da je takmičar na treningu i takmičenju pokriven važećim i zadovoljavajućim osiguranjem od nesreće i da time preuzima punu odgovornost.

205 Prava i obaveze takmičara

Takmičarima je zabranjeno kladenje na rezultate takmičenja na kojima oni učestvuju.

- 205.1 Takmičari su dužni da se upoznaju sa odgovarajućim FIS pravilima i moraju se ponašati sa dodatnim uputama žirija.
- 205.2 Takmičarima nije dozvoljeno da se takmiče pod dejstvom dopinga.
- 205.3 Takmičari moraju slijediti FIS pravila i odredbe, kao i upute žirija.
- 205.4 Takmičari koji ne prisustvuju ceremoniji dodjele nagrada bez opravdanja gube pravo na bilo kakvu nagradu uključujući i novčanu. U izuzetnim okolnostima takmičara može predstavljati drugi član njegovog tima, ali ova osoba nema pravo da zauzme njegovo mjesto na podijumu.
- 205.5 Takmičari se moraju ponašati korektno i sportski prema članovima organizacionog komiteta, zvaničnicima i javnosti.

205.6 Podrška takmičarima

- 205.6.1 Takmičar koji je registriran u FIS-i od strane njegovog nacionalnog skijaškog saveza za učešće na FIS takmičenjima može prihvatiti:
 - 205.6.2 punu kompenzaciju za troškove putovanja na trening i takmičenje;
 - 205.6.3 punu refundaciju troškova za smještaj tokom treninga i takmičenja;
 - 205.6.4 džeparac;
 - 205.6.5 kompenzaciju za gubitak prihoda prema odlukama nacionalnih skijaških saveza;
 - 205.6.6 socijalno osiguranje, uključujući osiguranje za trening i takmičenje;
 - 205.6.7 stipendije.

- 205.7 Nacionalni skijaški savez može formirati fond za školovanje i buduću karijeru takmičara poslije njegovog povlačenja iz aktivnog takmičarskog skijanja.
Takmičar nema zakonsko pravo na ovaj fond koji će biti na raspolaganju samo u skladu sa procjenama nacionalnog skijaškog saveza kojem takmičar pripada.
- 206 Sponzorstvo i reklamiranje**
- 206.1 Nacionalni skijaški savez ili njegov ski-pul mogu sklapati ugovore sa komercijalnim firmama ili organizacijama o finansijskom sponzorstvu i/ili o isporuci dobara ili opreme ako je određena kompanija ili organizacija priznata kao Službeni dobavljač ili Sponzor od strane nacionalnog skijaškog saveza. Reklamiranje korištenjem slika, sličnih stvari ili imena FIS takmičara koji nisu podobni prema pravilima o podobnosti FIS ili MOK, je zabranjeno. Reklamiranja duhanskih ili alkoholnih proizvoda ili narkotika sa ili na takmičarima je zabranjeno.
- 206.2 Sva plaćanja po ovakvim ugovorima moraju biti izvršena nacionalnom skijaškom savezu ili njegovom ski-pulu koji će primiti uplate u ime takmičara u skladu sa pravilima nacionalnog skijaškog saveza.
Takmičari ne mogu direktno primiti nijedan dio takve kompenzacije osim u slučaju navedenom u članu 205.6. FIS može u svako doba zatražiti kopiju ugovora.
- 206.3 Oprema isporučena i korištena od strane nacionalnog tima, po oznakama i trgovačkim etiketama, mora odgovarati specifikacijama navedenim u članu 207.
- 206.4 Takmičarska oprema na takmičenjima FIS**
Na takmičenjima FIS Svjetskog kupa i FIS Svjetskim prvenstvima može sa nositi samo odjeća obezbjeđena od nacionalnog skijaškog saveza koja odgovara FIS pravilima o reklamiranju i na kojoj se nalaze trgovačke oznake odobrene od nacionalnog skijaškog saveza.
- 206.5 Takmičaru nije dozvoljeno da skine jednu ili obje skije ili snowboard prije nego što pređe crvenu liniju u ciljnom prostoru koju je odredio organizator takmičenja.
- 206.6 Na FIS Svjetskim prvenstvima i svim takmičenjima iz FIS Kalendara, takmičaru nije dozvoljeno da nosi skije na službeni ceremonijal na kojem se svira himna i/ili podiže zastava.
Držanje skija na pobjedničkom podiju prije i poslije ceremonijala, a u svrhu novinarskih foto snimanja, je dozvoljeno. Tokom neslužbenog predstavljanja takmičarski startni brojevi se moraju nositi i biti vidljivi.
- 206.7 **Proglašenja pobjednika / Oprema na podijumu**
Na FIS Svjetskim prvenstvima in a svim takmičenjima iz FIS kalendar, takmičaru je dozvoljeno da na podijum ponese sljedeću opremu:
- Skije / Snowboard
- Cipele: Takmičari moraju nositi svoje cipele, ne smiju ih držati na drugom mjestu: npr. oko vrata itd., nije dozvoljena upotrebe obične obuće ili patika za trening.
- Štapove: ne zakačene na skijama nego ih držati u drugoj ruci.
- Naočale: Ili na očima ili oko vrata
- Kacigu: Samo ako je na glavi, ne smije biti zakačena na štapove ili na skije
- Skijaške vezice: Maksimalno dvije sa imenom proizvođača skija, eventualno jedna može biti sa imenom proizvođača maža.
Klipovi za štapove za skijaško trčanje: klip može biti korišten samo da drži štapove zajedno. Klip može biti širine dva šatapa, ali ne širi od 4 cm. Dužina (visina) može biti 10 cm. Duža strana klipa treba da je paralelna sa štapovima.
Komercijalne oznake proizvođača štapova može pokriti cijelu površinu klipa.
- Svi drugi proizvodi su zabranjeni na podijumu: torbice oko pasa, telefoni na ogrlicama, flaše ili bočice, ruksaci itd.
- 206.8 Neslužbeno predstavljanje pobjednika i ceremonija proglašenja pobjednika sa emitovanjem himni i prije isteka vremena za ulaganje žalbi dozvoljeno je na vlastiti rizik organizatora. Vidljivo nošenje startnih brojeva je obavezno. opreme Držanje (skije, bord, štapovi, cipele, kaciga, naočale) je dozvoljeno
- 207 Reklamiranje i komercijalne oznake na odjeći**
Tehničke specifikacije o veličini, obliku i broju trgovačkih oznaka određuje Vijeće FIS-a svakog proljeća za narednu takmičarsku sezonu i objavljuje FIS.
- 207.1 Pravila o reklamiranju opreme moraju biti poštovana.
- 207.2 Svaki takmičar koji prekrši ova pravila biće odmah prijavljen FIS-u.
- 207.3 Ukoliko nacionalni skijaški savez ne uspije u pokušajima da primijeni ova pravila ili iz bilo kojeg razloga radije prepušta slučaj FIS-u, FIS može preduzeti hitne korake na suspenziji licence takmičaru. Takmičar ili nacionalni skijaški savez kojeg se ovo tiče ima pravo da se žali prije donošenja konačne odluke.
- 207.4 Ukoliko reklamna agencija koristi ime, titulu ili pojedinačnu sliku takmičara u vezi sa reklamiranjem, preporukom ili prodajom dobara bez odobrenja ili znanja takmičara, takmičar može dati punomoć svom nacionalnom skijaškom savezu

ili FIS-u da im omogući da, ukoliko je to neophodno, preduzmu pravne mjere protiv te iste agencije. Ako takmičar to ne učini FIS će prosuditi situaciju kao da je takmičar dao dozvolu agenciji.

207.5 Kontrolni odbor će ocijeniti da li i u kojoj mjeri su prekršena pravila u pogledu kvalifikacije takmičara, sponzorstva i reklamiranja, pomoći takmičarima i izvijestiti FIS o svojim zaključcima.

207.6 Na svim takmičenjima FIS Kalendar (posebno takmičenjima FIS Svjetskog kupa) moraju se pratiti "FIS Smjernice za reklamiranje" u pogledu reklamnih mogućnosti u takmičarskoj, kao i u TV zoni. Ove "FIS Smjernice za reklamiranje", odobrene od Vijeća FIS-a, čine sastavni dio FIS ugovora sa organizatorima kupa.

208 Televizija

208.1 Prava članica nacionalnih saveza

Svaki od nacionalnih saveza učlanjenih u FIS i samo ovi savezi su ovlašteni da sklapaju ugovore koji se odnose na prenos skijaških takmičenja koje savez organizuje u svojoj zemlji. Takvi ugovori biće pripremljeni uz konsultacije sa FIS i moraju biti u najboljem interesu skijaškog sporta, snowboarda i nacionalnih skijaških saveza.

Ovo se odnosi kako na prenose u zemlji saveza tako i na prenose u drugim zemljama.

Izuzetak su Zimske olimpijske igre i FIS Svjetska prvenstva koja pripadaju MOK, odnosno FIS-u.

208.2 Najbolji i najširi publicitet kroz visokokvalitetnu televiziju

Sa zaključenjem ugovora između saveza ili organizatora navdeenih u članu 208.1 i televizijske organizacije ili agencije, mora se obratiti pažnja na kvalitet TV prenosa za sva skijaška i snowboard takmičenja – posebno za FIS Svjetski kup takmičenja koja su navedena u FIS Kalendaru s posebnom pažnjom na sljedećem:

- vrhunski kvalitet i optimalna produkcija TV signala u kojem je sport centralni događaj.
- adekvatno uzimanje u obzir i predstavljanje reklama i sponzora takmičenja;
- tamo gdje to dozvoljavaju trenutni uslovi tržišta u pogledu discipline i nivoa takmičenja, produkcija cijelog prenosa uživo uključujući predstavljanje svih takmičara, kao i razmjena prenosa;
- prenos na najboljim mogućim TV kanalima, što omogućava pokrivenost publike na što širem području, po veličini ili po naseljenosti;
- tamo gdje to odgovara prirodi TV tržišta u regionu ili zemlji-domaćinu trebao bi biti prenos uživo, barem u zemlji u kojoj se održava takmičenje i najzainteresovanijim drugim zemljama;
- prenos uživo mora sadržavati zvanični FIS logo, mjerenje vremena i informacije o rezultatima kao i grafike i zvuk.

208.3 Kontrola FIS Vijeća

FIS Vijeće kontroliše kao se nacionalni skijaški savezi i svi organizatori se pridržavaju principa iz člana 208.2. Ugovori ili njihove pojedinačne klauzule koji su u suprotnosti sa interesima FIS-a ili nacionalnog skijaškog saveza člana FIS-a ili sa njegovim organizatorom moraju biti na odgovarajući način ocijenjeni od strane FIS Vijeća.

208.4 Zimske olimpijske igre i FIS Svjetska prvenstva

Sva TV prava za Zimske olimpijske igre i Svjetska prvenstva pripadaju MOK, odnosno FIS-u.

208.5 Ugovori

Troškovi prihvata osnovnog signala (originalna slika i zvuk bez komentara) i provizija moraju biti dogovoreni između produkcijske TV mreže i TV mreža koje su kupile prava emitovanja.

208.6 Kratki izvještaji

Televizijski izvještaji i informacija koji ne traju duže od tri minute isključeni su iz gornjih uslova. Takve izvještaje će, ako je moguće praviti domaća TV kuća i staviti ih na raspolaganje drugim mrežama, pod uslovom da takav izvještaj ne može biti prikazan prije nego što imalac prava ne prikaže takmičenje i u svakom slučaju ne kasnije od 72 sata nakon takmičenja. Da bi pojačali ovo pravilo samo se imaocima TV prava dozvoljava pristup u ograničeno područje za medije.

209 Filmska prava

Dogovor između filmskog producenta i organizatora FIS Svjetskih prvenstava i drugih međunarodnih takmičenja koji se odnosi na filmsko snimanje ovih događaja mora biti odobren od FIS Savjeta ukoliko će se filmovi prikazivati u komercijalne svrhe u drugim zemljama osim one u kojem je takmičenje održano.

210 Organizacija takmičenja

211 Organizacija

211.1 Organizator

- 211.1 Organizator FIS takmičenja je osoba ili grupa osoba koja obavlja potrebne pripreme i neposredno provodi takmičenje na terenu.
- 211.1.2 Ako Nacionalni skijaški savez nije sam organizator takmičenja, on može odrediti klub učlanjen u savez da bude organizator.
- 211.1.3 Organizator mora obezbijediti da akreditovana osoba prohvata odredbe glede pravila takmičenja i odluka žirija, i u takmičenjima Svjetskog kupa organizator je dužan da dobije potpis svih osoba koji nemaju važeću FIS akreditaciju za tekuću sezonu.
- 211.2 Organizacioni komitet**
Organizacioni komitet sastoji se od članova (fizičkih ili pravnih) koje je delegirao organizator ili FIS. On nosi prava, zadatke i obaveze organizatora.
- 211.3 Organizatori koji održavaju takmičenja koja uključuju takmičare koji ne ulaze u kriterije čl. 203 – 204 prekršili su Međunarodna skijaška pravila i protiv njih će FIS vijeće preduzeti mjere.
- 212 Osiguranje**
- 212.1 Organizator trke mora obezbijediti obavezno osiguranje za sve članove Organizacionog komiteta. FIS će obezbijediti obavezno osiguranje za službenike i delegirana službena lica koja nisu članovi Organizacionog komiteta kada oni djeluju u ime FIS.
- 212.2 Prije prvog dana treninga ili takmičenja, organizator mora posjedovati policu osiguranja izdatu od priznate osiguravajuće kompanije i predložiti je Tehničkom delegatu. Organizacioni komitet zahtijeva obavezno osiguranje sa pokrićem od najmanje 1 milion CHF; preporučuje se da ova suma bude najmanje 3 miliona CHF; ova suma može biti uvećana u skladu sa odluka aVijeća FIS-e (Svjetski kup i sl).
- 212.3 Organizator ili njegov nacionalni skijaški savez može tražiti od FIS službe za osiguranja da sredi osiguranje za takmičenja (na trošak organizatora) ukoliko organizator nema odgovarajuće osiguranje.
- 212.4 Svi takmičari koji učestvuju na FIS takmičenjima moraju imati osiguranje od nezgode, u dovoljnim iznosima da pokrije troškove nezgode, troškove transporta i spašavanja uključujući i troškove rizika takmičenja. Nacionalni savezi su odgovorni za dostavljanje adekvatnih osiguranja svih svojih takmičara. Nacionalni skijaški savezi ili njihovi takmičari moraju biti u stanju da dokažu odgovarajućeg osiguranja u svako doba na zahtjev FIS, jednog od njenih predstavnika ili organizacionog komiteta.
- 213 Program**
Organizator mora objaviti program za svako takmičenje koje je navedeno u FIS kalendaru koji mora sadržavati sljedeće:
- 213.1 datum i mjesto takmičenja, zajedno sa informacijom o tome koji je najbolji način stizanja do istog;
- 213.2 tehničke podatke o pojedinim takmičenjima i uslovima za učešće;
- 213.3 ime ključnih zvaničnika;
- 213.4 vrijeme i mjesto prvog sastanka vođa ekipa i izvlačenja startnih brojeva;
- 213.5 satnica za početak zvaničnog treninga i vremena starta;
- 213.6 lokaciju oglasne ploče;
- 213.7 vrijeme i mjesto ceremonija dodjele nagrada;
- 213.8 Datum zadnjeg roka za prijavu i adresu na koju će se primati iste, uključujući telefon, telefax i e-mail adresu.
- 214 Najave**
- 214.1 Organizacioni komitet mora objaviti najavu takmičenja. Ona mora sadržavati informacije zahtijevane članom 213.
- 214.2 Organizatori su ograničeni pravilima i odlukama FIS u određivanju broja prijava. Daljnje smanjenje broja prijava je moguće u skladu sa članom 201.1, uz obavezu da se to jasno naglasi u najavi.
- 214.3 Odgađanja ili otkazivanja takmičenja i programske izmjene moraju biti odmah saopštene putem telefona, e-maila ili telefaksa uredu FIS, svim pozvanim ili prijavljenim Nacionalnim skijaškim savezima i delegiranom TD. Pomjeranje takmičenja na datum raniji od objavljenog u Kalendaru mora biti odobreno od FIS ureda.

215 Prijave

- 215.1 Sve prijave moraju biti poslane tako da ih Organizacioni komitet primi prije krajnjeg roka za prijave. Organizator mora imati konačnu i kompletnu listu najmanje 24 sata prije prvog izvlačenja startnih brojeva.
- 215.2 Nacionalnim skijaškim savezima nije dozvoljeno da prijavljuju istog takmičara za više od jedne trke na isti datum;
- 215.3 Samo nacionalni skijaški savezi mogu prijaviti takmičare za međunarodna takmičenja. Svaka prijava treba sadržavati:
- 215.3.1 broj koda, ime, prezime, godinu rođenja, Ime nacionalnog skijaškog saveza;
- 215.3.2 Tačnu definiciju discipline za koju je napravljena prijava.
- 215.4 Prijave za FIS Svjetska prvenstva (vidi Pravila za organizaciju FIS Svjetskih prvenstava).
- 215.5 Prijava takmičara za trku od strane nacionalnog skijaškog saveza uspostavlja ugovor samo između takmičara i organizatora koji će biti određen Deklaracijom sportista.

216 Sastanak vođa timova

- 216.1 Vrijeme prvog sastanka vođa timova i izvlačenja startnih brojeva mora biti dato u programu. Pozivi za sve ostale sastanke trebaju biti upućeni vođama timova na njihovom prvom sastanku. Hitni sastanci moraju biti blagovremeno najavljeni.
- 216.2 Predstavljanje putem zamjenika iz druge zemlje tokom rasprave na sastanku vođa nije dozvoljeno.
- 216.3 Vođe timova i treneri moraju biti akreditovani od strane organizatora prema kvoti.
- 216.4 Vođe timova i treneri moraju poštovati pravila FIS ili odluke žirija i moraju se ponašati propisno i sportski.

217 Izvlačenje startnih brojeva

- 217.1 Redosljed startovanja takmičara za svako takmičenje i svaku disciplinu određuje se prema specifičnoj formuli i/ili bodovnom redosljedu.
- 217.2 Startni brojevi za takmičare koje su prijavili njihovi nacionalni skijaški savezi biće izvlačeni pod uslovom da je organizator primio njihove pismene prijave prije krajnjeg roka.
- 217.3 Ako takmičar nije predstavljen na sastanku kapitena timova putem kapitena ili trenera, učestvovalaće u izvlačenju samo ako je prije početka sastanka telefonom, telefaksom ili telegramom potvrđeno da će prijavljeni takmičari učestvovati na takmičenju.
- 217.4 Takmičari koji su izvlačeni na sastanku a nisu bili prisutni na samom takmičenju moraju biti navedeni u izvještaju TD-a, uključujući i, ukoliko je to moguće, razloge ne nastupanja.
- 217.5 Predstavnici svih zemalja koje učesnica moraju biti pozvani na izvlačenje startnih brojeva.
- 217.6 Ukoliko takmičenje mora biti odgođeno za najmanje jedan dan, izvlačenje startnih brojeva mora biti ponovljeno.

218 Objavljivanje rezultata

- 218.1 Neslužbeni i službeni rezultati biće objavljeni u skladu sa pravilima za određene discipline.
- 218.2 Rezultati (podaci sa mjernih instrumenata) sa svih takmičenja FIS su isključivo vlasništvo FIS. Nacionalni skijaški savezi i organizatori takmičenja mogu koristiti ove podatke u svojim publikacijama, dok je objavljivanje podataka na Internetu uslovno i predmet razmatranja odredbi FIS za objavljivanje na Internetu.

218.3 FIS politika objavljivanja na Internetu i razmjene podataka u vezi sa FIS takmičenjima

- 218.3.1 *Općenito*
kao dio promocije skijanja i snowboarda, FIS-a ohrabruje i cijeni napore koje čine Nacionalni skijaški savezi na obezbjeđenju informacija i poruka svojim članovima i navijačima. Sve veći značaj u ovom procesu kao medij ima Internet.
Sljedeća procedura je uspostavljena s ciljem da pomogne nacionalnim skijaškim savezima krzo obezbjeđenje podataka sa FIS takmičenja, i da pojasni uslove u vezi sa korištenjem i objavom podataka sa FIS takmičenja.

- 218.3.2 *Podaci o FIS kalendaru*
Poseban program za FIS kalendar je razvijen za upotrebu Nacionalnih skijaških saveza i trećih strana. Revidirani Fiscal.zip fajl koji sadrži revidirane informacije o kalendaru će biti dostupan svake sedmice sa <ftp.fis-ski.ch> za upotrebu sa FIS programom za preled kalendara. Pored toga može se koristiti i sa programima koje mogu imati Nacionalni skijaški savezi za planiranje itd. Ovi podaci se ne mogu ustupiti trećoj strani za komercijalne svrhe.
- 218.3.3 *Rezultati i plasmani*
Nacionalni skijaški savezi mogu dobiti zvanične rezultate nakon što su isti odobreni kroz FIS-inu proceduru za verifikaciju FIS bodova. Ovi podaci će biti dostupni FIS IT menadžeru koji će dati neophodne upute/ puteve od slučaja do slučaja. rezultati FIS Svjetskog kupa će uključivati i doprinose zvaničnim mjeriocima vremena. Plasmani različitih kupova će takođe biti dostupni nakon prijema rezultata od strane zvaničnih mjerioca u slučaju Svjetskog kupa ili ako se unesu manualno.
1. rezultati i podaci sa FIS takmičenja semo koristiti samo na zvaničnim web stranicama savaza, organizatora ili učesnika i ne smiju se davati trećim stranama za komercijalne svrhe. nacionalni skijaški savez može skinuti podatke svoj vlastiti program za potrebe evaluacije i slično.
 2. Nacionalni skijaški savezi koji žele da objave rezultate na svojim web stranicama ali nemaju bazu podataka tako strukturiranu da može primiti te podatke mogu staviti link na FIS-inu stranicu sa tim rezultatima.tačna adresa web stranice se u tom slučaju može dobiti od FIS IT menadžera.
 3. postaviće se linkovi na sv web stranice Nacionalnih skijaških saveza, kao i do ski industrije i relevantni stranica određenih medija. Recipročno, link bi trebao biti kreiran prema FIS-inoj stranici na ti stranicama.
- 218.3.4 *Pristup podataka organizatoru*
Organizatori FIS Svjetskog kupa mogu dobiti zvanične rezultate njihovih takmičenja nakon što su bila odobreni putem FIS-ine procedure za verifikaciju FIS bodova. Prijenos podataka je automatizovan putem kompjutera za takmičenja FIS Svjetskog kupa i odvija se odmah nakon završetka takmičenja.
- PDF fajl koji sadrži rezultate i plasmane može se skinuti sa www.fis-ski.com i sa <ftp.fis-ski.ch> dodavajući adresi kod discipline i naziv mjesta: AL (alpsko), CC (Trčanje na skijama), JP (Skijaški skokovi), NK (Nordijska kombinacija), SB (snowboard), FS (Slobodni stil) itd. pojedina takmičenja se mogu pronaći preko CODEX-a takmičenja kao što je objavljeno na detaljnoj stranici na kalendaru na www.fis-ski.com.
- 219 Nagrade**
- 219.1 Detaljna pravila koja se tiču dodjeljivanja nagrada objaviće FIS. Nagrade se mogu sastojati od suvenira, diploma ili čekova ili keša. Nagrade za rekorde su zabranjene. Svake jeseni FIS Vijeće odlučuje o minimumu i maksimumu novčanih nagrada otprilike godinu i po prije takmičarske sezone. Organizatori moraju obavijestiti FIS Ured o visini nagrade do 15-tog oktobra.
- 219.2 Ako dvojica ili više takmičara završe sa istim vremenom ili osvoje isti broj bodova, imajuće isti plasman. Oni će biti nagrađeni istim nagradama, titulama ili diplomama. Dodjela titula ili nagrada žrijebom ili dodatnim takmičenjem nije dozvoljena.
- 219.3 Sve nagrade se moraju dodijeliti najkasnije završnog dana takmičenja ili serije takmičenja.
- 220 Servisno osoblje, isporučioци opreme i predstavnici firmi**
U principu ovi propisi se odnose na sve discipline, imajući u vidu posebno objavljena pravila.
- 220.1 Organizacioni komitet takmičenja mora Tehničkom delegatu dostaviti listu isporučilaca opreme i servisnog osoblja za u opremu akreditovanog na tom takmičenju.
- 220.2 Isporučiocima opreme i osobama koje je servisiraju zabranjeno je reklamiranje unutar zone ograničenja ili nošenje odjeće sa vidljivim komercijalnim oznakama na odjeći ili opremi koji ne odgovaraju članu 207.
- 220.3 Akreditovano servisno osoblje i isporučioци dobijaju od FIS Ureda službene FIS akreditacije i moraju izvršavati svoje specifične funkcije. Pojedinačni organizatori imaju pravo da akredituju dodatne predstavnike kompanija ili druge važne osobe.
- 220.4 Svo akreditovano servisno osoblje i isporučioци koji posjeduju službenu FIS akreditaciju ili specijalnu akreditaciju ood organizatora za stazu ili skakaonicu imaju pristup stazi i skakaonici (u skladu sa specifičnim pravilima za disciplinu).
- 220.5 Različiti tipovi akreditacija**
- 220.5.1 Tehnički delegati, žiri, i osobe pomenute u članu 220.3 sa jasno vidljivom akreditacijom imaju pristup stazi i skakaonici.

220.5.2 Serviserima timova dozvoljen je ulazak u startni prostor i servisni prostor na cilju. Njima nije dozvoljen ulazak na stazu ili na skakaonicu.

220.5.3 Predstavnicima kompanija akreditovanim po diskrecionom pravu organizatora koji nemaju FIS akreditacije nije dozvoljen ulazak na staze ili u servisne prostore sa ograničenim pristupom.

221 Medicinski pregledi i doping

221.1 Nacionalni skijaški savezi su odgovorni za spremnost njihovih takmičara za učešće u trci. Svi takmičari, muškarci i žene se moraju podvrgnuti procjeni njihovog zdravstvenog stanja. Ova procjena se vrši interno unutar svake nacije iz koje dolazi takmičar.

221.2 Na zahtjev Medicinskog komiteta FIS ili njegovog predstavnika, takmičar se mora podvrgnuti medicinskom pregledu prije ili poslije takmičenja.

221.3 Doping je zabranjen. Bilo kakva povreda FIS Anti-doping pravila će biti kažnjena prema istim.

221.4 Doping kontrole se mogu sprovesti na bilo kojem FIS takmičenju (kao i izvan takmičenja). Pravila i procedure su objavljene u FIS Anti-Doping pravilima i FIS Proceduralnim smjernicama.

221.5 Pol takmičara

Ako se postave bilo kakva pitanja ili upute žalbe u pogledu pola sportiste, FIS će preuzeti odgovornost za poduzimanje neophodnih koraka s ciljem definisanja pola sportiste.

222 Takmičarska oprema

222.1 Takmičar može učestvovati na FIS takmičenju sa opremom koja odgovara FIS Propisima. Takmičar je odgovoran za opremu koju koristi (skije, snowboard, vezovi, skijaške cipele, odjeća itd). Njegova je dužnost da provjeri da oprema koju koristi odgovara FIS specifikacijama i opštim sigurnosnim zahtjevima i da je ispravna.

222.2 Termin takmičarska oprema obuhvata sve dijelove opreme kojue takmičar koristi na takmičenju. To uključuje odjeću kao i aparate sa tehničkim funkcijama. Ukupna takmičarska oprema čini funkcionalnu jedinstvo.

222.3 Sva unapređenja na polju takmičarske opreme moraju u principu biti odobrena od strane FIS. FIS ne preuzima nikakvu odgovornost zbog odobravanja novih tehničkih unapređenja, koja u vrijeme uvođenja mogu sadržavati nepoznate opasnosti po zdravlje ili uzrokovati povećanje rizika od nesreće.

222.4 Nova unapređenja moraju biti prijavljena najkasnije do 1 maja za sljedeću sezonu. Prve godine nova unapređenja mogu biti odobrena samo privremeno za narednu sezonu i moraju biti konačno potvrđena prije takmičarske sezone koja slijedi.

222.5 Komitet za takmičarsku opremu objavljuje Pravilnik o opremi nakon odobrenja FIS Savjeta (definicije ili opisi pojedinih dijelova opreme koji su dozvoljeni).

U principu, neprirodna ili vještačka pomagala koja mijenjaju vrijednost sportskih mogućnosti sportiste i/ili omogućavaju tehničku korekciju individualnih fizičkih predispozicija, kao i takmičarska oprema koja ugrožava zdravlje takmičara ili povećava opasnost od nesreće, su isključeni.

222.6 Kontrole

Prije i tokom takmičarske sezone ili na osnovu protesta Tehničkom delegatu, na takmičenju na koje se protest odnosi, članovi Komiteta za takmičarsku opremu ili zavnični kontrolori FIS-e za opremu mogu provesti različite oblike kontrole. Ukoliko postoji dobro potkrijepljena sumnja da su pravila prekršena, kontrolor ili Tehnički delegat će odmah, u prisustvu svjedoka, zaplijeniti dijelovi opreme i u zapečaćenom paketu uputiti je u FIS Ured, koji će ga podvrći konačnoj kontroli u nekoj službeno priznatoj instituciji. U slučaju protesta zbog takmičarske opreme, strana koja izgubi snosiće troškove ispitivanja.

Na takmičenjima gdje je tehnički ekspert FIS-e proveo kontrolu, nije moguće tražiti testiranje od strane neovisnog laboratorija, osim ukoliko se ne dokaže da testiranje nije provedeno prema pravilima.

222.6.1 Kontrole opreme

Na svim FIS događajima gdje je FIS odredio zvanične eksperte za mjerenje koji koriste odobrene alate za mjerenje, rezultati mjerenja su važeći i finalni, neovisno od prethodnih mjerenja.

222.7 Kladenja na takmičenju

Takmičarima, trenerima, zvaničnicima iz timova i tehničkim zvaničnicima je zabranjeno kladenje na rezultate takmičenja u koje su uključeni.

223 Sankcije**223.1 Opšte odredbe**

- 223.1.1 Prekršaj za koji se mogu odrediti kazna je definisana kao ponašanje koje je:
- kršenje ili ne prihvatanje pravila takmičenja
 - nepoštivanje odluka žirija ili individualnih članova žirija prema čl. 224.2) ili
 - nesportsko ponašanje
- 223.1.2 Sljedeće ponašanje se takođe može smatrati kao prekršaj:
- pokušaj izvršenja prekršaja
 - prouzrokuje ili pomaže druge da načine prekršaj
 - nagovara druge da načine prekršaj
- 223.1.3 Prilikom odlučivanja o tome da li je neko djelo prekršaj ili ne sljedeće treba uzeti:
- da li je djelo bilo namjerno ili ne
 - da li je takvo djelo rezultat spleta okolnosti nastalih u hitnim situacijama.
- 223.1.4 Sve FIS priznata društva, uključujući članove registrirane za akreditacije, trebaju prihvatiti i znati ova pravila kao i preduzete kazne, koje mogu biti osporene i na koje se može uložiti žalba prema FIS statutu i ICR pravilima.

223.2 Primjenljivost**223.2.1***Osobe*

Ove kazne se mogu primjeniti na:

- sve osobe koje su akreditovane od strane FIS ili Organizatora takmičenja koje je u FIS kalendaru unutar ili van granica zone održavanja takmičenja i bilo koje lokacije koja je u vezi sa takmičenjem, i
- sve osobe koje nisu akreditovane, unutar zone održavanja takmičenja.

223.3 Kazne

- 223.3.1 Ukoliko neka osoba izvrši prekršaj može biti kažnjena na sljedeći način:
- Opomena (pismane ili usmena)
 - Povlačenje akreditacije
 - Poništenje akreditacije
 - Novčana kazna do 100000 CHF
- 223.3.1.1 Svi savezi članovi FIS su dužne platiti FIS svaku kaznu koja je određena osobama koje su oni prijavili za registraciju, uključujući i plaćanje svih relevantnih administrativnih troškova.
- 223.3.1.2 Sve osobe koje nisu predmet člana 223.1.1 su takođe predmet alternativnih kažnjavanja od strane FIS i plaćaju kazne i administrativne troškove. Ukoliko ne plate kaznu povući će se svaka dozvole za apliciranje za akreditovanje za FIS takmičenja na period i do jedne godine. Ovo organizatori budućih takmičenja treba da imaju u vidu.
- 223.3.1.3 Plaćanje kazni se mora izvršiti u roku od 8 (osam) dana od izrečenja kazne.
- 223.3.2 *Dodatno kazne za sportiste koji se takmiče, mogu biti:*
- Diskvalifikacija
 - Pomjeranje startne pozicije
 - Oduzimanje prava na nagrade i dobiti, koje nakon toga mogu biti zadržane od strane organizatora
 - Isključenje sa FIS takmičenja
- 223.3.3 Takmičar ne smije biti diskvalifikovan ukoliko je učinio prekršaj koji mu nije donio nikakvu prednost kod završnog rezultata.
- 223.4 Žiri može odrediti kazne prema 223.3.1 i 223.3.2 ali isto tako ne može odrediti novčanu kaznu veću od 5000 CHF ili suspendirati takmičara na više od trke na kojoj se prekršaj desio.
- 223.5 Sljedeće odluke o kaznama se mogu saopštiti usmeno:
- opomene
 - oduzimanje akreditacije za tekući događaj od osobe koja nije bila registrirana preko njenog nacionalnog saveza
 - oduzimanje akreditacije za tekući događaj od FIS akreditovane osobe.
 - Uskraćivanje akreditacije za tekući događaj osobi koja je unutar granica zone takmičenja ili bilo koje lokacije koja je u vezi sa takmičenjem.
- 223.6 Sljedeće odluke o kaznama se moraju saopštiti pismeno:
- novčane kazne
 - diskvalifikacija
 - pomjeranje startne pozicije
 - suspendiranje takmičara

- oduzimanje akreditacije od osobe koja je registrirana preko svog nacionalnog saveza
- oduzimanje akreditacije od FIS akreditovane osobe.

- 223.7 Pismena objava kazne moraju biti u pismenoj formi i poslane osobi na koju se odnose, njegovom/ njenom savezu i generalnom sekretaru FIS.
- 223.8 Sve diskvalifikacije moraju biti zabilježene u izvještaju glavnog sudije i/ili izvještaju TD-a.
- 223.9 Sve kazne moraju biti zabilježene u izvještaju TD-a.

224 Proceduralne smjernice

224.1 Ovlaštenje žirija

Na takmičenju žiri ima pravo da odredi kazne prema gore navedenim pravilima većinom glasova. U slučaju neodlučenog glasanja presuđuje glas predsjedavajućeg žirija.

- 224.2 Na mjestu održavanja takmičenja, posebno za vrijeme trajanja treninga i takmičenja, svaki član žirija sa pravom glasanja ima pravo da izrekne usmenu opomenu i povuče akreditaciju koja je u vezi sa tekućim takmičenjem.

224.3 Kolektivni prekršaji

Ukoliko nekoliko osoba načini prekršaj u isto vrijeme i pod istim okolnostima, odluka žirija se smatra obavezujuća za sve prekršioce. Iako odluka u pisanoj formi mora uključivati imena svih osoba, i način kažnjavanja za svaku od njih. Odluka će biti dostavljena svakoj osobi na koju se odnosi ova odluka.

224.4 Ograničenja

Osoba ne smije biti kažnjena ukoliko odluka o njegovom/ njenom kažnjavanju nije donešena u roku od 72 sata nakon počinjenog prekršaja.

- 224.5 Svaka osoba koja je svjedok prekršaja mora svjedočiti na bilo kojem saslušanju koje sazove žiri, i žiri mora uzeti u obzir sve te dokaze.
- 224.6 Žiri može konfiskovati predmete za koje se sumnja da su korišteni pri kršenju pravila o opremi.
- 224.7 Prije donošenja odluke o kažnjavanju (izuzev u slučajevima opomena i povlačenja akreditacije prema čl. 223.5 i 224.2), optuženom se mora dati šansa da objasni svoje ponašanje na saslušanju, usmeno ili u pisanoj formi.
- 224.8 Sve odluke žirija moraju biti zabilježene pismeno i moraju sadržavati:
- 224.8.1 Prekršaj koji se smatra da je dokazano počinjen
- 224.8.2 Dokaz o prekršaju
- 224.8.3 Pravilo ili odluku žirija koja je prekršena
- 224.8.4 Utvrđenu kaznu
- 224.9 Kazna treba da odgovara prekršaju. Težina kazne koju donosi žiri mora uzeti u obzir svaku olakšavajuću i otežavajuću okolnost.

224.10 Pravo na žalbu:

- 224.10.1 Izuzev slučaja u čl. 224.11 na odluku o kazni žirija može se uložiti žalba u skladu sa odredbama ICR.
- 224.10.2 U slučaju da žalba nije podnesena u zadatom vremenu, kaznena odluka postaje konačna.

224.11 Na sljedećih odluka žirija nije moguće uložiti žalbu:

- 224.11.1 Usmenih kazni prema čl. 223.5 i 224.2.
- 224.11.2 novčanih kazni koje ne prelaze 1000 CHF (hiljadu švicarskih franaka) za pojedinačni prekršaj pa sve do 2500 CHF za ponovljene prekršaje.

- 224.12 U svim preostalim slučajevima, žalbe treba slati komisiji prema ICR pravilima.

- 224.13 Žiri ima pravo da prosljedi komisiji za žalbe preporuke za kazne koje prelaze 5000 CHF i suspenzije koje traju duže od takmičenja na kojem se prekršaj desio (223.4).

- 224.14 Vijeće FIS ima pravo da pošalje komisiji za žalbe komentare koje su u vezi sa bilo kojom pisanom odlukom žirija.

- 224.15 Troškovi vođenja slučaja**
 Naknade i novčani troškovi, uključujući troškove transporta (troškovi procedure) se moraju računati prema cjenovniku usluga TD-a i njih snosi optuženi. U slučaju oslobađajuće presude, uključujući i djelimično oslobađanje, FIS pokriva sve troškove.
- 224.16 Zakonsko utjerivanje novčanih kazni**
- 224.16.1 FIS nadgleda zakonsko utjerivanje novčanih kazni i troškova vođenja slučaja. Ovi troškovi se takođe smatraju troškovima vođenja slučaja.
- 224.16.2 Svaka neplaćena novčana kazna od strane osobe za koju je odgovoran njen nacionalni savez smatra se dugom saveza čijeg je ta osoba član. U slučaju ne plaćanja, isti savez će izgubiti pravo glasa na kongresima.
- 224.17 Fond pomoći**
 Sve novčane kazne se uplaćuju na fond FIS za promociju mladih.
- 224.18 Ova pravila nisu primjenljiva na bilo koju povredu pravila FIS o dopingu.
- 225 Komisija za žalbe**
- 225.1 Imenovanja
 Vijeće FIS će imenovati iz podkomiteta za primjenu pravila predsjedavajućeg i zamjenika komisije za žalbe. Zamjenik će predsjedavati kada predsjedavajući nije na raspolaganju ili je diskvalificiran zbog pristrasnosti i predrasuda.
- 225.1.2 Predsjedavajući će imenovati 3 člana, uključujući njega u komisiju za žalbe iz podkomiteta za primjenu pravilaza svaki slučaj i čije odluke moraju biti većinom glasova. Dok djeluju unutar komisije za žalbe članovi su neovisni od Vijeća FIS.
- 225.1.3 Da bi se izbjegli stvarne pristrasnosti ili predrasude ili njihovo pojavljivanje, članovi imenovani u komisiju za žalbe ne smiju biti članovi nacionalnog saveza iz kojeg je prekršilac čiji se slučaj razmatra. Pored toga, članovi imenovani u komisiju za žalbe moraju izvještavati dobrovoljno predsjedavajućeg o bilo kakvoj pristrasnosti ili predrasudi koja bi mogle biti protiv prekršioca. Osobe koje su prostrasne ili koje imaju predrasude će biti diskvalifikovane od službe u komisiji za žalbe od strane predsjedavajućeg ili, u slučaju kada je predsjedavajući diskvalifikovan, od strane zamjenika.
- 225.2 Odgovornost**
 Komisija za žalbe treba saslušavati samo u slučaju dostavljene žalbe od strane prekršioca ili Vijeća FIS na odluke žirija, ili u slučaju da su kazne koje žiri odredio izvan njihovog domena.
- 225.3 Procedure**
- 225.3.1 O Žalbi se mora odlučiti unutar 72 sata od prijema žalbe od strane predsjedavajućeg, osim ukoliko se sve strane u procesu drugačije ne dogovore pismeno:
- 225.3.2 Sve žalbe i odgovori moraju biti u pisanoj formi, uključujući sve dokaze koje strane u sukobu namjeravaju predložiti tokom vođenja žalbenog procesa.
- 225.3.3 Komisija za žalbe odlučuje o formatu i lokaciji žalbe.
 Članovi Komisije za žalbe su dužni da poštuju povjerljivost žalbe sve dok se odluka ne objavi javno i da se konsultuju samo sa drugim članovima komisije tokom odlučivanja. Predsjedavajući Komisije za žalbe može zahtijevati dodatne dokaze od bilo koje strane u sporu, imajući u vidu da ne dođe do neproporcionalnosti kod iznošenja dokaza.
- 225.3.4 Komisija za žalbe treba raspodjeliti troškove prema čl. 224.15.
- 225.3.5 Odluke Komisije za žalbe mogu biti saopštene usmeno na kraju saslušavanja. Odluka, zajedno sa razlozima za donošenje iste, treba biti dostavljena u pisanoj formi u FIS, koja će dostaviti stranama u procesu, njihovim nacionalnim savezima i svim članovima žirijana čije se odluke odnosi žalba.
 Pored toga, pisana odluka treba biti dostupna u FIS.
- 225.4 Dalje Žalbe**
- 225.4.1 Na odluke Komisije za žalbe može se podnijeti žalba Sudu FIS-e u skladu sa članom 52.2 Statuta.
- 225.4.2 Žalbe sudu FIS trebaju biti u pisanoj formi i dostavljene generalnom sekretaru FIS u roku koji je u skladu sa vremenskim rokovima opisanim u članu 52.2 Statuta od dana objave odluke Komisije za žalbe.
- 225.4.3 Žalba komisiji za žalbe ili sudu FIS neće odgoditi izvršenje kazne koju je odredio žiri ili komisija za žalbe.

- 226 Povreda kazni**
Tamo gdje postoji povreda kazni koje su bile određene od strane FIS Vijeća, žirija ili komisije za žalbe, Vijeće može donijeti dodatne kazne za koje ono smatra da su odgovarajuće.
U takvim slučajevima, nešto ili sve od slijedećeg se može primjeniti:
- 226.1 Kazne protiv uključenih pojedinaca:
- u pisanoj formi
i/ ili
- novčana kazna ne veća od 100.000 CHF
i/ ili
- Sljedeći stepen suspenzije od nastupanja – na primjer ukoliko je određena kazna od tri mjeseca suspenzije zbog upotrebe dopinga, kršenje takve kazne će prouzrokovati dvogodišnju suspenziju; ukoliko je dvogodišnja suspenzija određena, kršenje takve kazne voditi će doživotnoj suspenziji;
i/ ili
- oduzimanje akreditacija od uključenih pojedinaca.
- 226.2 Kazne protiv nacionalnih skijaških saveza:
- povlačenje FIS finansiranja nacionalnog saveza;
i/ ili
- poništenje budućih FIS takmičenja u toj zemlji;
- oduzimanje nekih od prava nacionalnog savezu po principu članstva u FIS-i, uključujući učešće na svim takmičenjima u FIS kalendaru, pravo glasa na FIS kongresu i članstvo u komitetima.

2. Dio**Zajednička pravila za alpske discipline**

Za tehničku organizaciju Zimskih olimpijskih igara i FIS Svjetskih prvenstava (Alpske discipline) vrijediće pravila FIS Svjetskog kupa u aplskim disciplinama, tamo gdje nije drugačije specificirano u Međunarodnim skijaškim pravilima.

600 Organizacija

Veza je sa članom 211

601 Organizacioni komitet**601.1 Sastav**

Organizacioni komitet sastoji se od onih članova (fizičkih ili pravnih lica) koje je delegirao organizator i Međunarodna skijaška federacija. On preuzima prava, dužnosti i obaveze organizatora.

601.2 Delegiranja međunarodne skijaške federacije

Za svako takmičenje Međunarodna skijaška federacija delegira Tehničkog delegata i:

601.2.1

U trkama Svjetskog kupa

- Sudiju (Glavnog direktora trke)
- za spust i super G pomoćnog sudiju (Direktora trke)

601.2.2

U trkama na ZOI i FIS Svjetskim prvenstvima:

- sve članove žirija (vidi 601.4.1)

601.2.2

U svim drugim trkama Tehnički delegat određuje

- Sudiju i
- za spust i super G Pomoćnog sudiju.

601.2.3

Ovim delegiranjem ove osobe postaju članovi Organizacionog komiteta.

601.3 Delegiranja organizatora

Organizator imenuje sve ostale članove Organizacionog komiteta. Predsjednik ili njegov predstavnik predstavlja komitet u javnosti, vodi sastanke i donosi odluke po svim pitanjima o kojima nisu odlučile druge osobe ili grupe. Prije, tokom i poslije takmičenja on tijesno saraduje sa Međunarodnom skijaškom federacijom i njihovim imenovanim službenim osobama. On obavlja sve dužnosti koje su potrebne za provođenje takmičenja. Sljedeći zvaničnici moraju biti imenovani:

601.3.1

Šef trke

Šef trke rukovodi svim pripremama i nadgleda sve aktivnosti u tehničkom području. On saziva sastanke za razmatranje tehničkih pitanja i vodi sastanak kapitena timova nakon konsultacija sa Tehničkim delegatom.

601.3.2

Šef staze (Sekcijski šef)

Šef staze je odgovoran za pripremu staza u skladu sa direktivama i odlukama Žirija. On mora biti upoznat sa lokalnim snježnim uslovima na terenu na kojem se provodi takmičenje.

601.3.3

Sudija na startu

Sudija na startu mora biti prisutan na startu od početka zvaničnog ogleada do kraja treninga/ događaja.

- On mora osigurati da se propisi za start i organizaciju starta ispravno primjenjuju.
- on određuje zakašnjele i pogrešne startove.
- on mora biti u mogućnosti da komunicira sa žirijem cijelo vrijeme
- on saopštava Sudiji imena takmičara koji nisu startovali, i informiše žiri o svim povredama pravila kao što su zakašnjeli ili nepravilan start ili učinili druge povrede propisa o opremi.

601.3.4

Sudija na cilju

Sudija na cilju mora biti prisutan u ciljnom prostoru od početka zvaničnog ogleada do kraja treninga/ događaja.

- on mora osigurati da se svi propisi za organizaciju cilja, ulaska u cilj i izlaska iz ciljnog prostora ispravno primjenjuju.
- on nadgleda kontrolore u cilju, mjerenje vremena i kontrolu publike u ciljnom prostoru.
- njemu mora biti omogućeno da direktno komunicira sa žirijem svo vrijeme.
- On izvještava glavnog sudiju o imenima takmičara koji nisu prošli kroz cilj i informiše žiri o svim povredama pravila.

601.3.4.1

Nacionalni skijaški savez organizator šalje svoj prijedlog za Šefa trke na odobrenje FIS vijeću.

601.3.5

Glavni sudija na vratima

Glavni sudija na vratima organizuje i nadgleda rad sudija na vratima. On određuje ko će koja vrata nadgledati i postavlja ih na pozicije. Na kraju prvog teka i na kraju trke on će prikupiti kontrolne kartice sudija na vratima i i predati ih Sudiji.

- On mora blagovremno dostaviti svakom sudiji na vratima materijal koji mu je potreban (kontrolna kartica, olovka, startna lista itd.) i mora biti spreman da ponudi pomoć u spriječavanju gledalaca da uđu na stazu ili u održavanju staze, itd. On mora osigurati da se na vrijeme obavi označavanje vrata brojevima i njihovo obilježavanje.
- 601.3.6 *Šef mjerenja vremena i obračuna rezultata*
 Šef mjerenja vremena i obračuna rezultata je odgovoran za koordinaciju rada službenih osoba na startu i cilju, uključujući mjerenje vremena i obračun rezultata. U slalomu, on ili posebni pomoćnik odlučivaće o intervalu između startova. Pod njegovim rukovodstvom su sljedeća službena lica:
 - starter,
 - pomoćnik startera,
 - zapisničar starta,
 - glavni mjerilac vremena,
 - pomoćni mjerilac vremena,
 - kontrolor u cilju,
 - šef obračuna rezultata i njegov pomoćnik.
- 601.3.7 *Sekretar trke*
 Sekretar trke je odgovoran za sav sekretarski posao u vezi sa tehničkim aspektima takmičenja i između ostalih za pripremu izvlačenja startnih brojeva. On mora osigurati da službeni rezultati sadrže informacije tražene u članu 617.3.4. On je odgovoran za dnevni red sastanaka tehničkih službenih lica, kapitena timova i žirija. On mora osigurati da svi obrasci za start, cilj, mjerenje vremena, obračun rezultata i suđenje na vratima budu pripremljeni i blagovremno dostavljeni službenim licima kojih se to tiče. On prima službene žalbe i predaje ih onima kojih se to tiče. On mora olakšati obračun rezultata odgovarajućom pripremom i osigurati da se rezultati umnože i objave što je moguće prije nakon završetka takmičenja.
- 601.3.8 *Šef medicinske i spasilačke službe*
 Šef medicinske i spasilačke službe je odgovoran za organizovanje adekvatne prve pomoći i medicinske zaštite tokom službenog treninga i samog takmičenja. On mora obezbijediti odgovarajući objekat u koji povrijeđeni takmičar može biti primljen i liječen. Službeni ljekar trke koordinira svoje planove sa planovima timskih ljekara prije početka službenog treninga. Za vrijeme treninga i trke on mora biti u telefonskoj ili radio vezi sa svojim saradnicima. On mora koordinirati svoje planove sa šefom trke prije početka službenog treninga. Ljekar, koji bi trebao biti dobar skijaš, mora biti spreman na startu kako bi mogao intervenisati u slučaju potrebe i mora biti u kontaktu sa žirijem i članovima spasilačke službe. Ovaj zadatak može biti dodijeljen timskom ljekaru.
- 601.3.9 Drugi zvaničnici unutar Organizacionog komiteta
 Sljedeći zvaničnici mogu biti imenovani :
- 601.3.9.1 *Šef obezbjeđenja*
 Šef obezbjeđenja poduzima potrebne mjere za ograđivanje staze tako da se gledaoci drže dalje od staze. U tu svrhu mora biti upotrijebljen dovoljan broj ljudi u skladu sa detaljnim planom. Mora se obratiti pažnja da iza ograda ima dovoljno mjesta za kretanje gledalaca.
- 601.3.9.2 *Šef opreme na stazi i tehničke opreme*
 Šef opreme za trku je odgovoran za nabavku sve opreme i svih alata za pripremu i održavanje staza, za vođenje trke i komunikacijsku opremu, u slučajevima kada ove dužnosti nisu posebno dodijeljene drugim službenim licima.
- 601.3.9.3 *Šef pres službe*
 Šef pres službe je odgovoran za sve izjave i informacije za novinare, fotografe, TV i radio reportere u skladu sa instrukcijama Organizacionog komiteta.
- 601.3.9.4 *Sljedeća lica su preporučena:*
 - Šef finansija (blagajnik),
 - Šef smještaja i ishrane,
 - Šef protokola.
 Organizator ima pravo da uključi i druga službena lica u Organizacioni komitet.

- 601.4 Žiri**
 Sljedeći članovi žirija, koji su članovi Organizacionog komiteta, su odgovorni za tehnička pitanja unutar zatvorenog takmičarskog prostora (ZOI, Svjetska prvenstva, Svjetski kup: vidi pravila Svjetskog kupa):
- Tehnički delegat,
 - Sudija,
 - Šef trke,
 - Pomoćni sudija za Spust i Super G.
 - Sudija na startu (ZOI i SP)
 - Sudija na cilju (ZOI i SP)
- 601.4.1 Delegiranja u žiri za Zimske olimpijske igre i FIS Svjetska prvenstva**
- 601.4.1.1 FIS Savjet delegira:**
- Tehničkog delegata,
 - Sudiju,
 - Pomoćnog sudiju,
 - Sudiju na startu,
 - Sudiju na cilju.
- 601.4.1.2 Podkomitet za pravila i kontrolu takmičenja predlaže kvalifikovane tehničke delegate kao članove žirija Alpskom komitetu koji dostavlja ova imena FIS Savjetu na saglasnost, koji zauzvrat šalju imena vijeću FIS na odobrenje. Da bi bio kvalifikovan, predloženi član mora posjedovati važeću licencu za Tehničkog delegata FIS.
- 601.4.1.3 Nacionalni ski savez koji organizuje takmičenje imenuje Šefa trke.
- 601.4.1.4 Žiri za trke žena mora uključiti najmanje jednu ženu.
- 601.4.1.5 Svi članovi žirija moraju biti sposobni da se razumiju među sobom na jednom i istom zvaničnom FIS jeziku.
- 601.4.1.6 Osobe, koje rade za nacionalni skijaški savez sa odgovornostima za skijaški tim ne mogu biti članovi žirija.
- 601.4.1.7 Za ZOI i FIS Svjetska prvenstva gostujuća reprezentacija može biti zastupljena u žiriju samo sa jednim članom kojeg je odredilo FIS Vijeće.
- 601.4.2 Delegiranja za žiri za međunarodne trke (Svjetski kup: vidi Pravila Svjetskog kupa)**
- 601.4.2.1 Podkomitet za pravila i kontrolu takmičenja određuje Tehničkog delegata.
- 601.4.2.2 Tehnički delegat određuje:**
- Sudiju,
 - u slučaju Spusta i Super G, pomoćnog sudiju.
- 601.4.3 Izuzimanja**
- 601.4.3.1 Takmičar ne može biti član žirija.
- 601.4.3.2 Za Zimske olimpijske igre i FIS Svjetska prvenstva zemlje koje gostuju mogu biti predstavljene u žiriju samo sa po jednim članom kojeg određuje FIS Savjet. (ne uključujući Tehničkog delegata).
- 601.4.3.3 Šef trke mora biti iz nacionalnog skijaškog saveza koji organizuje trku.
- 601.4.3.4 U međunarodnim trkama za žene žiri mora, gdje je to moguće, uključiti žene.
- 601.4.4 Rad Žirija**
- 601.4.4.1 Delegirani članovi žirija okupljaju se na prvi sastanak prije prvog sastanka vođa ekipa.
- 601.4.4.2 Aktivna dužnost Žirija počinje sa njegovim prvim sastankom, a završava, ako nema žalbi, istekom krajnjeg roka za podnošenje žalbi, u protivnom, nakon razmatranja svih podnešenih žalbi.
- 601.4.5 Izborna pravo i glasanje (ZOI, SP i Svjetski kup: vidi Pravila FIS Svjetskog kupa)**
 Tehnički delegat je predsjednik Žirija. On rukovodi sastancima.
 Svako od sljedećih ima jedan glas u Žiriju:
- 601.4.5.1 Za Zimske olimpijske igre i FIS Svjetska prvenstva, svi članovi Žirija.
- 601.4.5.2 Za međunarodne trke Tehnički delegat, Šef trke, Sudija i u slučaju spusta i super G Pomoćni sudija.
- 601.4.5.3 Odluke se donose prostom većinom glasova članova koji su prisutni i glasaju (izuzetak član 646.3).

- 601.4.5.4 U slučaju jednakog broja glasova, odlučuje glas Tehničkog delegata.
- 601.4.5.5 O svim sastancima i odlukama Žirija vode se zapisnici koje potpisuje svaki član Žirija, uz evidentiranje svakog pojedinačnog glasa o odlukama, kao što je navedeno u članu 601.3.7).
- 601.4.5.6 Zapisnici moraju biti pisani na jednom od službenih FIS jezika (engleski, francuski ili njemački).
- 601.4.5.7 U slučajevima kada je neophodno hitno donijeti odluku i nije moguće okupiti cijeli Žiri, svaki član Žirija ima pravo da prije i tokom trke, u skladu sa pravilima donosi odluke koje inače donosi cijeli Žiri; ali samo privremeno uz obavezu da takvu odluku potvrdi Žiri što je prije moguće.

601.4.6 Dužnosti Žirija

Žiri nadgleda poštivanje pravila tokom cijele trke, uključujući i službeni trening.

601.4.6.1 Sa tehničkog gledišta dužnosti Žirija posebno su:

- Provjera staze i postavljanje staza,
- Provjera snježnih uslova,
- Provjera priprema staze,
- Odobravanje korištenja učvršćivača snijega i drugih hemikalija,
- Provjera sistema za kontrolu publike,
- Provjera starta, cilja i isteka cilja
- Provjera službe prve pomoći,
- određivanje postavljača staza,
- određivanje vremena za postavljanje staze,
- nadgledanje rada postavljača staza,
- provjera zastavica na vratima,
- otvaranje ili zatvaranje staza za trening imajući u vidu tehničke pripreme i prevladujuće vremenske uslove,
- utvrđivanje načina inspekcije staza,
- inspekcija staze prije trke,
- određivanje broja predvozača za svaku trku i određivanje redosljeda startovanja predvozača,
- kratko informisanje predvozača,
- mijenjanje startnog redosljeda s obzirom na stanje staze i vanredne uslove,
- davanje uputstava sudijama na vratima i prikupljanje informacija od njih.

Za spust:

- priprema dodatne inspekcije u slučaju neuobičajenih vremenskih uslova,
- skraćivanje službenog treninga,
- postavljanje zona za žutu zastavu,
- provjera postavljanja vrata,
- mijenjanje pozicije i razmaka među vratima, dodavanje vrata na osnovu iskustava stečenih tokom službenog treninga. U slučaju značajnih promjena, tamkičarima mora biti dozvoljen najmanje još jedan trening na stazi.

601.4.6.2 Sa organizacionog stanovišta dužnosti Žirija posebno su:

- rangiranje takmičara za izvlačenje startnih brojeva,
- podjela takmičara bez bodova u grupe prema nekom definisanom kriteriju,
- davanje mogućnosti ponovne vožnje,
- otkazivanje trke (prije početke),
- ukoliko snježni uslovi neodgovarajući,
- preporuke iz Izvještaja Tehničkog savjetnika nisu provedene,
- prva pomoć i medicinska služba nisu adekvatne,
- je kontrola publike nedovoljna.
- skraćivanje staze, ako snježni uslovi to zahtijevaju,
- prekidanje trke ako su ostvareni preduslovi iz člana 624,
- završavanje trke ako su ostvareni preduslovi iz člana 625.

601.4.6.3 Sa disciplinskog stanovišta dužnosti Žirija posebno su:

- donošenje odluke, na prijedlog Tehničkog delegata ili člana žirija, o isključenju takmičara iz trke zbog fizičke ili tehničke nespremnosti,
- pojačavanje kontrole primjene propisa o reklamiranju na opremi i odjeći u takmičarskom prostoru,
- ograničavanje kvote službenih osoba, tehničkog i medicinskog osoblja koje ima pravo pristupa na stazu,
- Izvršenja sankcija,
- odluke u vezi sa protestima,
- izdavanje posebnih uputstava tokom cijelog takmičenja.

601.4.7 Pitanja koja nisu pokrivena Pravilima

U principu, Žiri odlučuje o svim pitanjima koja nisu pojašnjena u Međunarodnim skijaškim pravilima.

- 601.4.8** **Radio veza**
Na svim takmičenjima navedenim u Međunarodnom skijaškom kalendaru, članovi Žirija, kao i sudije na startu i cilju moraju biti opremljeni radio uređajima. Radio veza mora funkcionisati na jednoj rezerviranoj frekvenciji i mora biti zaštićena od ometanja.
- 601.4.9** **Dužnosti Tehničkog delegata na svim takmičenjima**
- 601.4.9.1** **Prije trke**
Tehnički delegat
- pregleda homologizacijski dosije i konsultuje organizatora o mogućem postojanju posebnih potvrda o stazi. Ukoliko utvrdi da ne postoji homologizacija, Žiri mora otkazati trku (vidi član 650).
 - On čita izvještaje Tehničkih delegata sa prethodnih takmičenja održanih na tom skijalištu i provjerava da li su učinjena poboljšanja predložena u ovim izvještajima.
 - provjerava certifikat o obaveznom osiguranju kao što to zahtjeva član 212 i izvještava FIS ako je potrebno,
 - provjerava staze za trening i takmičenje,
 - provjerava usaglašenost sa članom 704, a u vezi sa službenim treningom. Kontroliše zastavice na vratima.
 - saraduje u administrativnim i tehničkim pripremanjima,
 - provjerava službenu listu prijave, uključujući i FIS bodove,
 - provjerava postojanje dovoljnog broja radio uređaja na različitim frekvencijama za sve članove Žirija,
 - vodi evidenciju o akreditacijama i ovlaštenjima za ulazak na stazu.
 - provjerava staze sa aspekta pripreme, označavanja, kontrole publike, kao i uređenja startnog i ciljnog prostora,
 - nadgleda postavljanje staze zajedno sa Žirijem,
 - provjerava lokacije TV tornjeva i adekvatnost njihove zaštite ako je potrebno,
 - nadgleda razmjestaj službe prve pomoći duž staze, kao i organizaciju medicinske zaštite,
 - provjerava sve tehničke instalacije, kao što su uređaji za mjerenje vremena, ručno mjerenje vremena, transport ljudi itd.,
 - prisutan je u prostoru trke tokom cijelog treninga,
 - učestvuje na svim sastancima Žirija i sastancima kapitena timova,
 - blisko saraduje sa službenim osobama Organizacionog komiteta i FIS tehničkim savjetnikom,
 - predsjedava radom Žirija i ima odlučujući glas u slučaju neodlučenog glasanja,
 - ako je potrebno, određuje članove Žirija,
 - ima pravo, ako se slalom ili veleslalom ne mogu održati na homologiziranoj stazi zbog "više sile", da premjesti trku na pomoćnu stazu koju predloži organizator. Ovo je moguće pod izričitim uslovom da se mogu ispuniti potrebne homologizacijske mjere. Za spust i super G postoji samo mogućnost skraćivanja vožnje na homologiziranoj stazi. U svakom slučaju mora biti poštovan propisani minimum visinske razlike starta i cilja.
- 601.4.9.2** **Tokom trke**
Tehnički delegat
- mora biti prisutan na području staze,
 - blisko saraduje sa Žirijem, kapitenima timova i trenerima.
 - nadgleda da li se poštuju važeća pravila i uputstva u vezi sa reklamiranjem na odjeći i opremi za trku,
 - nadgleda tehničko i organizaciono rukovođenje takmičenjem,
 - savjetuje organizatora sa aspekta poštivanja FIS Pravila i uputstava, kažnjava kršenje pravila.
- 601.4.9.3** **Poslije trke**
Tehnički delegat
- pomaže u prikupljanju materijala za Sudijski izvještaj o diskvalifikacijama,
 - obračunava bodove za trku i kaznene bodove za pojedine trke.
- Ako se ovi bodovi obračunavaju kompjuterski, dužnost Tehničkog delegata je da provjeri bodove i da svojim potpisom potvrdi njihovu tačnost. Prije svega, on provjerava ispravnost korištenja odgovarajuće F vrijednosti za svaku disciplinu,
- dostavlja propisno podnešene žalbe Žiriju na odlučivanje,
 - potpisuje listu sa službenim rezultatima koju utvrđuje sekretar trke i i daje dozvolu za početak ceremonijala dodjele priznanja,
 - pravi izvještaj Tehničkog delegata, uključujući i dodatne izvještaje i odgovoran je za dostavu dosijea FIS Uredu i na druga odgovarajuća mjesta u u roku od tri dana,
 - dostavlja FIS Uredu primjenjive prijedloge promjena u takmičarskim pravilima na osnovu praktičnih iskustava sa takmičenja koja su u pitanju.
- 601.4.9.4** **Općenito**
Tehnički delegat
- odlučuje o pitanjima koja nisu pokrivena ili nisu dovoljno pokrivena FIS Pravilima, ukoliko o njima nije odlučio Žiri ili ne spadaju u odgovornost drugih,
 - vrlo blisko saraduje sa Sudijom i Pomoćnim sudijom.
 - ima pravo da predloži Žiriju isključenje tamičara iz učešća u trci,
 - ima pravo na podršku Organizacionog komiteta i svih službenih lica pod njegovom jurisdikcijom u svemu što je potrebno da bi u potpunosti izvršio svoje dužnosti.
- 601.4.9.5** **Na Zimskim olimpijskim igrama i FIS Svjetskim prvenstvima.**
Tehnički delegat priprema detaljan završni izvještaj koji se šalje FIS i Organizacionom komiteu.

- 601.4.10 *Dužnosti i prava Sudije*
 - Izvlačenje startnih brojeva
 - Pregled staze neposredno nakon što je postavljena, sam ili u pratnji članova Žirija
 - Izmjena staze ukidanjem ili dodavanjem novih vrata; ukoliko Sudija sam pregleda stazu njegova odluka je konačna. Postavljač staze mora biti informisan o takvim izmjenama ukoliko nije bio prisutan pri pregledu staze.
 - Primanje izvještaja od sudija na startu i cilju i drugih službenih lica o povredama pravila i greškama na vratima na kraju prve vožnje, i ponovo na kraju trke.
 - Provjera, potpisivanje i postavljanje Sudijskog zapisnika, liste sa imenima diskvalifikovanih takmičara, brojevima vrata na kojima su se greške desile, imenima sudija na vratima koji su uočili greške koje su dovele do diskvalifikacija, i tačno vrijeme izricanja diskvalifikacije.
 - Slanje izvještaja FIS u svim posebnim slučajevima ili u slučaju razlike u mišljenjima među članovima Žirija ili u slučaju ozbiljne povrede takmičara.

- 601.4.10.1 *Saradnja sa Tehničkim delegatom*
 Sudija i Pomoćni sudija moraju vrlo blisko saradivati sa Tehničkim delegatom.

- 601.4.11 *Tehnički savjetnik*
 Komitet za alpsko skijanje može odrediti Tehničkog savjetnika za sve kategorije trka, kao podršku Žiriju. Tehnički savjetnik ima pravo da izrazi svoje mišljenje u Žiriju, ali bez prava glasa.

- 601.5. FIS može preduzeti sankcije prema žiriju ili pojedinim njegovim članovima.

602 Tehnički delegat (TD)

602.1 Definicija

- 602.1.1 *Osnovne dužnosti Tehničkog delegata su*
 - da osigura poštivanje pravila i uputa FIS,
 - da poduzme sve da se takmičenje odvija bez problema,
 - da savjetuje organizatore u okviru njihovih dužnosti,
 - da bude službeni opredstavnik FIS

- 602.1.2 *Odgovornosti*
 Funkcija Tehničkog delegata spada u odgovornost Alpskog komiteta. Potkomitet za pravila i kontrolu takmičenja je neposredno nadležan.

- 602.1.3 *Preduslovi*
 TD mora imati važeću licencu tehničkog delegata (za izuzetke vidi član 602.3).

Razvojni put TD

- 602.1.4.1 *Razvojni put TD je sljedeći:*
 - aplikant,
 - posmatrač na FIS trkama nacionalnog nivoa,
 - usmeni prijemni ispit,
 - pismeni prijemni ispit
 - kandidat
 - praktični ispit za tehničkog delegata,
 - tehnički delegat.
 FIS preporučuje nacionalnim skijaškim savezima da prijavljuju kandidate do maksimalno 40 godina starosti za podnosiocima zahtjeva i 65 godina za TD (relevantni datum 1. juli).

- 602.1.4.2 Svaki nacionalni skijaški savez može imenovati sposobno lice da se priprema za TD. Potkomitet za pravila i kontrolu takmičenja donosi konačnu odluku o njihovom prihvatanju.

Obuka

- 602.1.5.1 Osnovna obuka za podnosiocima zahtjeva je odgovornost svakog nacionalnog skijaškog saveza.

- 602.1.5.2 Aplikant mora biti nominiran od strane svog nacionalnog skijaškog saveza.

Prva godina

Aplikant mora prisustvovati godišnjem seminaru TD-a. Mora prisustvovati pod supervizijom TD komesara ili njegovog izaslanika na najmanje 2 FIS trke održane u njegovoj zemlji s ciljem sticanja iskustva. Mora kompletirati zvanični izvještaj s ovim argumentima i poslati isti TD komesaru sa kopijama FIS-i (na nekom od zvaničnih jezika). Na kraju sezone Nacionalni skijaški savez aplicira FIS-i za zvanični prihvatanje aplikanta i kopira TD komesara.

Druga godina

Aplikant mora prisustvovati godišnjem seminaru TD i mora položiti usmeni i pismeni test na jednom od zvaničnih jezika FIS-e.

Kao kandidat

je dodijeljen na nadzor TD ispitivaču (iz bilo koje zemlje) na:

- praktični test (brza disciplina)
- praktični test (tahnička disciplina i vrši dužnost TD-a)
- Kompletira zvanični izvještaj i šalje ih TD komesaru i kopira FIS-u
- FIS-a će verifikirati sve informacije i različite izvještaje od kandidata i ispitivača i dostaviti te podatke potkomitetu za TD-e.
- Podkomitet može odlučiti da ne izda TD licencu ukoliko kandidat nije ispunio sve uvjete ili neodgovara na sve zahtjeve. U ovom slučaju potkomitet može odlučiti da li da kandidat prođe dodatnu obuku i koje dijelove procedure obuke treba ponoviti.
- ukoliko se ocijeni da je kandidat pogodan on/ona će postati zvanični FIS TD za alpske discipline nakon sljedećeg godišnjeg saminara TD-a.

602.1.5.3 Na bilo kom takmičenju samo jedan kandidat za TD može raditi sa TD. Potkomitet za pravila i kontrolu takmičenja može odobriti izuzetke.

602.1.5.4 Delegiranja kandidata za TD provodi, na prijedlog službenih lica iz nacionalnih skijaških saveza zaduženih za pitanja TD, FIS Ured, koji provodi i kontrolu individualnih učinaka kandidata.

602.1.5.5 Kandidati za TD nemaju pravo na povrat troškova.

602.1.5.6 Rad kandidata provjerava i odgovoran je za njegovu obuku službeni Tehnički delegat trke.

602.1.6 *Licenca*

Licenca je numerisani identifikacioni dokument koji važi 12 mjeseci. Mora biti obnovljena svake godine i svaki TD je obavezan da je posjeduje.

602.1.7 *Dalja obuka i prestanak važenja licence*

Svaki licencirani TD mora svake godine učestvovati na kursovima daljnje obuke koje organizuje FIS. TD koji bez valjanog razloga propusti kurseve u dvije uzastopne godine, gubi licencu. Da bi je ponovo dobio on mora ponovo proći kvalifikacije i zadovoljiti zahtjeve za kandidata za TD.

602.2 **Delegiranja**

602.2.1 Za Zimske olimpijske igre i FIS Svjetska prvenstva delegiranje vrši FIS Savjet na preporuku Alpskog komiteta.

602.2.2 Za sva ostala takmičenja delegiranja vrši Potkomitet za pravila i kontrolu takmičenja.

602.2.3 Izuzetak su trke djece, omladine, građana, veterana, CISM, carinika i studenata, za koje delegate predlažu odgovarajući komiteti, a potvrđuje Potkomitet za pravila i kontrolu takmičenja.

602.2.4 TD ne može biti član saveza koji organizuje takmičenje.

U izuzetnim slučajevima Potkomitet za pravila i kontrolu takmičenja može delegirati TD iz iste zemlje. Međutim, on ne smije biti član kluba koji organizuje takmičenje ili regionalnog saveza.

602.3 **Zamjena TD**

602.3.1 Ako TD za Zimske olimpijske igre ili FIS Svjetska prvenstva nije u mogućnosti da izvršava dužnost, FIS Savjet i nacionalni skijaški savez kojem TD pripada moraju biti obavješteni. FIS Savjet mora odmah delegirati drugog TD.

602.3.2 Za sva druga takmičenja, nacionalni skijaški savez, kojem TD pripada, odgovoran je za hitno delegiranje zamjene. Organizacioni komitet takmičenja o kojem se radi i FIS ured moraju o tome biti odmah obaviješteni.

602.3.3 Ako iz nepredvidivih razloga, TD za Zimske olimpijske igre i FIS Svjetska prvenstva ne stigne ili zakasni na takmičenje i time djelimično ili u potpunosti nije u mogućnosti da ispunji svoju funkciju na takmičenju, FIS Savjet će imenovati zamjenika iz redova članova Žirija takmičenja prisutnih na mjestu takmičenja.

602.3.4 Na svim ostalim međunarodnim trkama, zamjenika odsutnog TD će na licu mjesta imenovati kapiteni timova na svom sastanku. Zamjenik mora ispunjavati uslove iz člana 602.1.6.

U slučaju krajnje nužde, TD može biti i neko ko ne ispunjava sve uslove, ali je kompetentan da osigura nastavak trke. Kod izbora ove osobe moraju biti korišteni strogi kriteriji.

602.3.5 Zamjena TD ima ista prava i dužnosti kao i prvobitno delegirani TD.

602.4 **Organizacija pri delegiranju**

602.4.1 Organizator mora blagovremeno uspostaviti kontakt sa TD.

- 602.4.2 Otkazivanje ili odgađanje takmičenja mora odmah biti saopšteno TD i FIS Uredu, uzimajući u obzir sve prihvatljive krajnje rokove.
- 602.4.3 Za takmičenja FIS Svjetskog kupa sa spustom, super G i tehničkim disciplinama mogu biti delegirana dva TD.
- 602.4.4 Za spust i Super G, TD mora stići na mjesto takmičenja najmanje 48 sati prije izvlačenja startnih brojeva za prvi trening. Za sve ostale discipline na mjestu takmičenja TD mora biti najmanje 24 sata prije izvlačenja brojeva za disciplinu o kojoj se radi.
- 602.5 Troškovni računi**
 TD ima pravo na nadoknadu putnih troškova maksimalno do iznosa od 600 CHF ¹⁾ (uključuje troškove putarine), kao i besplatan smještaj i ishranu tokom zadatka. Ovo pravilo se takođe primjenjuje na preglede, ako i na putovanja na trke (voz, prva klasa; na dužim relacijama avion, turistička klasa ili plaćanje po kilometru 0.70 CHF ili odgovarajući iznos u drugoj valuti).
 Pored toga za svaki dan se isplaćuje suma od 100 CHF za put do i iz mjesta takmičenja, kao i svaki dan boravka na takmičenju, uključujući i poštanske troškove za slanje izvještaja itd. Duple naplate (npr. putovanje kući na dan zadnje trke) nisu dozvoljena. Ukoliko je potrebno prenočiti u putu u odlasku ili dolasku, ovo mora biti pokriveno i posebno isplaćeno. Ako je potrebno da TD prenoči, ti troškovi će biti posebno nadoknađeni.
¹⁾ Maksimalna isplata od 600 CHF je važeća za ve trke osim Svjetskog kupa i Kontinentalnih kupova.
- 603 Postavljač staze**
- 603.1 Preduslovi**
- 603.1.1 *Za Zimske olimpijske igre, Svjetski kup i FIS svjetska prvenstva:*
 - prijedlog radnoj grupi trenera od strane vođe tima nacionalnog skijaškog saveza i
 - dokaz o odgovarajućem iskustvu u postavljanju staza za Svjetski kup, ZOI i SP.
- 603.1.2 *Za sva ostala takmičenja navedena u Međunarodnom skijaškom kalendaru:*
 - Kontinentalni kup - predlaganje od strane nacionalnog saveza koordinatorima kupa ili radnoj grupi. Za sve ostale FIS trke: Imenovanje rkoz žiri ili organizacioni komitet.
- 603.1.3 Za spust, postavljač staze mora biti upoznat sa određenom stazom za trku.
- 603.2 Imenovanje postavljača staze**
- 603.2.1 Za Zimske olimpijske igre i FIS Svjetska prvenstva i Svjetski kup, određuje se nakon ispitivanja od strane Glavnog Direktora trke.
- 603.2.2 Za Evropski kup, koordinator evropskog kupa imenuje postavljače staza.
- 603.2.3 Za sva druga takmičenja navedena u Međunarodnom skijaškom kalendaru, Žiri određuje postavljača staze. Za takmičenja sa dvije vožnje, staze za svaku vožnju postavljaju različiti postavljači. Jednog od dva postavljača staza može imenovati organizator.
- 603.3 Nadgledanje postavljača staze**
- 603.3.1 Rad postavljača staze nadgleda Žiri.
- 603.4 Organizacija rada postavljača**
 Za trke ZOI, SP i Svjetskog kupa organizacijom rada postavljača staze rukovodi Glavni direktor trke. Za trke Evropa kupa njegov rad rukovodi koordinator za evropa kup. Na svim ostalim takmičenjima radom postavljača rukovodi žiri.
- 603.5 Zamjena postavljača staze**
- 603.5.1 Za zimske olimpijske igre i FIS svjetska prvenstva, FIS Savjet, Alpski komitet, kao i nacionalni skijaški savez kojem pripada postavljač, staza moraju biti obavješteni. Glavni direktor trke odmah imenuje njegovu zamjenu.
- 603.5.2 Za sva ostala takmičenja koja se nalaze u FIS kalendaru, žiri imenuju zamjenu postavljača staza.
- 603.5.3 Zamjena postavljača staza mora imati iste kvalifikacije kao i prvobitno imenovani postavljač staze.
- 603.6 Prava postavljača staze**
- 603.6.1 Da preporučuje uvođenje izmjena na takmičarskom terenu i primjenjenim sigurnosnim mjerama.
- 603.6.2 Da zahtjeva raspolaganje dovoljnim brojem pomagača za postavljanje staze, tako da se on može koncentrisati samo na postavljanje staze.

603.6.3 Da od šefa opreme trke zahtijeva obezbjeđenje svih potrebnih materijala.

603.6.4 Da zahtijeva hitno završavanje radova na pripremanju staze za trku.

603.7 Dužnosti postavljača staze

603.7.1 Da bi ispravno postavio stazu, poštujući teren, snježni pokrivač i sposobnosti takmičara koji učestvuju, postavljač staze provodi prethodni pregled terena za trku u prisustvu TD, Sudije, Šefa trke i šefa staze.

603.7.2 Pri postavljanju staze Postavljač mora imati u vidu i provodive sigurnosne mjere.

603.7.3 Za sva takmičenja, postavljač staze mora postaviti vrata u skladu sa pravilima.

603.7.4 Staza mora biti kompletno postavljena i spremna na vrijeme, tako da takmičari ne budu uznemiravani tokom pregleda staze.

603.7.5 Postavljači staza moraju voditi računa da razlika u pobjedničkim vremenima pojedinih vožnji u slalomu i veleslalomu ne bude suviše velika.

603.7.6 Postavljanje staze je zadatak samo postavljača staze. On je odgovoran za poštivanje pravila ICR i prima savjete od članova Žirija i tehničkog savjetnika u spustu i super G, ako je prisutan.

603.7.7 Postavljači staze moraju prisustvovati svim sastancima kapitena timova na kojima izvještavaju o svojim stazama.

603.8 Dolazak na mjesto trke

603.8.1 Za spust i super G trke, najkasnije vrijeme dolaska je jutro u danu kada se održava prvi sastanak kapitena timova, tako da se mogu, ako se zahtijeva, provesti sve dodatne pripreme staze i sigurnosne mjere.

603.8.2 Za slalom i veleslalom trke mora se doći dan prije, ako je moguće, ali uvijek prije prvog sastanka kapitena timova.

604 Akreditovanje učesnika / Prava i dužnosti članova ekipa

604.1 Službena lica, medicinsko* i tehničko osoblje

Kvota osoba sa pravima pristupa zatvorenoj stazi trke:

- do 3 takmičara:

3 trenera 2 ljekara* 2 tehnička lica

- 4 ili 5 takmičara

4 trenera 2 ljekara* 3 tehnička lica

- 6-10 takmičara

5 trenera 2 ljekara* 4 tehnička lica

- kao i predstavnici FIS sa službenim ovlaštenjima.

Ove kvote uključuju službena lica u nacionalnim timovima (kapiteni timova, itd.)

Ove osobe moraju biti označene trakama na rukama ili nekom drugom vidljivom markacijom. Ako je potrebno, Žiri može smanjiti ove kvote. Pravila na kupovima mogu biti drugačije regulisana.

Osobe akreditovane po članovima 220.3 i 220.5, kao i službeno tehničko i medicinsko osoblje moraju se ponašati uputama službenih osoba koje je organizator zadužio za opštu sigurnost (redari, policija, itd.).

Upute koje daje Žiri imaju prioritet u svim slučajevima kada su u pitanju akreditovani novinari, treneri i kapiteni timova.

*) Medicinsko osoblje uključuje ljekare, fizioterapeute, prvu pomoć itd.

604.2 Vođe timova i treneri

Vođe timova i treneri moraju biti akreditovani od strane organizatora prema kvoti. Akreditacija im daje sljedeća prava i dužnosti;

- da budu članovi žirija;
- da budu imenovani kao neki od zvaničnika takmičenja ukoliko iste nije odredila FIS, ili ukoliko isti nisu prisutni;
- da im se izda dozvola ili traka za ruku tokom treninga ili takmičenja (ili odgovarajuća nadoknada ako nije obezbjeđena karta za vertikalni transport);
- da im se izda dozvola ili traka za ruku koja jasno govori o njihovoj funkciji ili nazivu staze na koju imaju pristup.

604.2.1 Vođe timova i treneri moraju poštovati ICR ili odluke žirija, i moraju se ponašati pristojno i sportski.

604.2.2 Vođa tima ili trener mora izvršiti dužnosti koje je prihvatio kao član žirija, ili kao postavljač staze.

605 Predvozači

- 605.1 Organizator je obavezan da obezbijedi najmanje tri predvozača koji ispunjavaju uslove definisane u ICR. U spustu, predvozači oraju učestvovati u svim trening trkama. U izvanrednim okolnostima, Žiri može povećati broj predvozača. Žiri može odrediti različite predvozače za svaku trku.
- 605.2 Predvozači moraju nositi predvozačke startne brojeve.
- 605.3 Imenovani predvozači moraju imati skijaške sposobnosti da provezu stazu na takmičarski način.
- 605.4 Predvozačima nije dozvoljen start na takmičenju.
- 605.5 Žiri određuje predvozače i redosljed njihovog startovanja. Nakon prekida trke mogu se odrediti dodatni predvozači ako je potrebno.
- 605.6 Vremena predvozača ne smiju se objavljivati.
- 605.7 Na zahtjev, predvozači će podnijeti izvještaj članovima Žirija o snježnim uslovima, vidljivosti, liniji trke, kako slučaj zahtijeva.

606 Takmičarska oprema

606.1 Startni brojevi

Oblik, veličina, tip slova i način pričvršivanja ne smiju se mijenjati. Broj mora biti najmanje 8 cm visok i lako čitljiv. Startni brojevi mogu nositi komercijalno ime ili komercijalni znak, ako svaki startni broj ima iste oznake. Slova ili brojevi na ovim oznakama ne smiju prelaziti visinu od 10 cm. Ne smiju se stavljati imena koja se pojavljuju na skijaškim proizvodima (skijama, vezovima, štapovima, cipelama, kacigama).

606.2 Takmičarska odijela

Za takmičenja u spustu, veleslalomu i super G na zimskim olimpijskim igrama, FIS svjetskim prvenstvima, FIS svjetskim kupu, FIS kontinentalnim kupovima i FIS svjetskim juniorskim prvenstvima odijela moraju biti plombirana.

- 606.2.2 Ako iz bilo kog razloga nedostaje plomba na odijelu koje je već kontrolisano, uslovni start može biti dozvoljen.
- 606.2.3 U slučaju kada postoji sumnja u naknadne izmjene trkačkog odijela ili ako je uložena žalba, mora se provesti sljedeći postupak:
- U slučaju jedne od gornjih pretpostavki, odijelo mora biti odmah označeno. Na kraju trke TD mora konfiskovati ovo takmičarsko odijelo i poslati ga FIS na kontrolu.
- 606.2.4 Službena lica prisutna na takmičenju i određena za kontrolu odijela od strane Komiteta za takmičarsku opremu, imaju pravo da vrše ponovni pregled odijela na licu mjesta.
- 606.2.5 **Stoperi na skijama**
Na takmičenjima i službenim treninzima mogu se koristiti samo skije sa stoperima. Takmičarima bez stopera na skijama start nije dozvoljen.

606.4 Kacige

Na svim događajima svi takmičari i predvozači moraju nositi kacige koje su u skladu sa pravilima o opremi.

606.5 Pravila o opremi

Za sve detalje vidi član 222 i FIS Specifikacije za takmičarsku opremu i komercijalne oznake

606.6 Reklamiranje

Reklamno oglašavanje na materijalu i opremi koja se nosi tokom trke i treninga mora biti usklađeno sa specifikacijama FIS-e.

607 Starosna ograničenja

- 607.1 Takmičarska godina traje od 1. jula do 30. juna sljedeće godine.
Da bi se takmičio na međunarodnim takmičenjima (izuzev dječijih) takmičar mora navršiti 15 godina prije kraja kalendarske godine koja je u pitanju. Pravo takmičenja počinje sa početkom takmičarske godine (1. juli) čak i ako takmičar tada još nije napunio 15 godina.
- 607.2 Na međunarodnim juniorskim takmičenjima pravo nastupa imaju takmičari čiji 20-ti rođendan pada u ili poslije kalendarske godine koja je u pitanju.

607.3 Klasifikacija na međunarodnim takmičenjima

	Dozvoljene godine rođenja	
Takmičarska godina	06/07	07/08
Djeca I	1995	1996
	1994	1995
Djeca II	1993	1994
	1992	1993
Juniori I ¹⁾	1991	1992
	1990	1991
Juniori II	1989	1990
	1988	1989
	1987	1988
Licencirani takmičari	1991 i ranije	1992 i ranije
Veterani A (muškarci)	1976 do 1952	1977 do 1953
Veterani B (muškarci)	1951 i ranije	1952 i ranije
Veterani C (žene)	1976 i ranije	1977 i ranije

¹⁾ Prva godina juniora I, maksimalni broj startova u sezoni na takmičenjima koja se boduju za FIS bodove = 25. Bilo koji rezultat sa trka koje prelaze maksimum od 25 nastupa za prvu godinu juniora I, će se poništavati i tako neće biti uzimani u obzir za proračun FIS bodova. Nema ograničenja kada su u pitanju takmičenja u Super G i Spustu. Podkomitet za klasifikaciju će informisati o povredama ovog pravila Vijeće FIS-e.

608 Dječija međunarodna alpska takmičenja

608.1 Odobrenje FIS

Međunarodna omladinska i dječija takmičenjima mora odobriti FIS i objavljena u Međunarodnom skijaškom kalendaru uz normalnu taksu.

608.2 Ograničenja na takmičenjima

608.2.1. Maksimalno deset međunarodnih dječijih takmičenja može biti organizovano za I i II dječiju starosnu grupu u Evropi i maksimalno dvije u Skandinaviji (izuzetak su SAD, Kanada, Azije i zemlje južne hemisfere).

608.2.2. Takmičar iz kategorije Djeca 1 ne smije učestvovati na više od 2 FIS CHI takmičenja izvan svoje zemlje. Takmičar u prvoj godini u kategoriji Djece 2 može učestvovati na 3, a u drugoj godini na 4 FIS CHI takmičenja izvan svoje zemlje. Pridržavanje ovim pravilima treba da nadgleda Predsjedavajući podkomiteta za pitanja djece i omladine.

608.3 Takmičenja za Djecu I

Takmičenje za Djecu I može se sastojati od jednog Veleslalom takmičenja i jednog paralel takmičenja.

608.4 Regije koje graniče

Omladinska i dječija takmičenja koja se održavaju preko granice susjednih regija, sve dok ona uključuju samo skijaške saveze susjednih zemalja, moraju se pismeno registrovati u FIS.

608.5 Klupska takmičenja

Klupska takmičenja, sve dok ona zaista uključuju samo timove iz različitih klubova, trebaju se pismeno registrovati od strane kluba organizatora u svom nacionalnom skijaškom savezu.

608.6 Ograničenja starosti

Starosne granice za djecu na ovim takmičenjima se prema čl. 609.

Svaki takmičar na dječijem takmičenju mora dokazati svoje godište rođenja sa zvaničnim dokumentom (lična karta, pasoš). Godina rođenja mora biti navedena na prijavi za takmičenje.

- 610 Start, cilj, mjerenje vremena i obračun**
- 611 Tehničke instalacije**
- 611.1 Komunikacije i kabliranje**
 Na svim međunarodnim takmičenjima, jako se preporučuje da postoje višestruke komunikacijske veze (telefon ili radio, itd.) između starta i cilja. Na zimskim olimpijskim igrama i FIS svjetskim prvenstvima komunikacija između starta i cilja mora biti osigurana fiksnim ožičenjem ili putem radija. U slučaju veze radiom, ona mora biti na drugom kanalu od onog koji koriste ostali članovi organizacionog komiteta.
 Na ZOI i FIS SP sva komunikacija i konekcije mjerenja između starta i cilja moraju biti obezbjeđena fiksnim ožičenjem.
- 611.2 Oprema za mjerenje vremena**
 Na svim takmičenjima FIS kalendara, elektronski mjerači, startna vrata i fotočelije homologirani od FIS moraju se koristiti. Lista ovih dozvoljenih uređaja biće objavljena. Takmičenja na kojima se bude koristila neka druga oprema neće biti razmatrana kod obračuna FIS bodova.
 Specifikacije i procedure mjerenja su detaljnije objašnjene u posebnom uputstvu FIS za mjerenje.
- 611.2.1 Električno mjerenje vremena**
 Na međunarodnim takmičenjima, FIS Svjetskom kupu, FIS kontinentalnim kupovima i FIS takmičenjima, moraju se koristiti dva izolovana električna sistema za mjerenje vremena koji rade u realnom (dnevnom) vremenu. Prije takmičenja, jedan sistem će biti označen kao sistem A (glavni sistem), a drugi kao sistem B (pomoćni sistem). Sva dnevna vremena moraju biti odmah i istovremeno bilježena na trakam štampača najmanje preciznosti od 1/1000 (0.001) sekunde. Oba sistema moraju omogućavati obračun vremena matematičkim poređenjem startnog i ciljnog vremena svakog takmičara. Krajnji rezultat za svaku vožnju skijaša je onda izražen u 1/100 (0.01) sekunde odbacujući treću decimalu u ukupnom vremenu provedenom na stazi.
 Sva vremena koja se objavljuju kao završna moraju biti sa sistema A. U slučaju da se sistem A pokvari, obračun vremena sa sistema B mora se koristiti koristeći proceduru kao što je to definisano članom 611.3.2.1. Nije dozvoljeno zamjeniti dnevna vremena iz sistema B za upotrebu sa sistemom A i obračun ukupnih vremena.
 Na svim takmičenjima, sistem A mora biti spojen sa svojom startnom rampom. Sistem B mora biti odvojeno spojen sa drugom elektronski izolovanom startnom rampom.
 Koristite *FIS Uputstvo za mjerenje vremena* gdje možete pronaći više detalja glede užičenja i kompletnih instrukcija za spajanje, dijagrame i uputstva za postavljanje startnih rampi.
 Sva oprema za mjerenje vremena i tehničke instalacije trebaju biti postavljene i zaštićene tako da je izbjegnuta opasnost za takmičare koliko je god to moguće.
 Sinhronizacija sistema mjerenja mora se desiti unutar 60 minuta prije starta svake vožnje. Sinhronizacija svih sistema mora biti održavana tokom svake vožnje. Instrumenti za mjerenje ne smiju biti ponovno sinhronizirani tokom bilo koje vožnje.
- 611.2.1.1 Startna rampa**
 Startna rampa mora imati odvojena i elektronskii izolovana prekidača kontakta za okidanje strtnih signala za oba sistema A i B.
 Ukoliko se startna rampa ili startna palica mora zamjeniti tokom vožnje, ona mora biti zamjenjena sa identičnom opremom na istoj poziciji.
- 611.2.1.2 Fotočelije**
 Za sva takmičenja, moraju biti dva sistema fotočelija koje je FIS homologirala na ciljnoj liniji. Jedan je spojen sa sistemom A. Drugi je spojen sa sistemom B.
 Procedure i pravila za startna vrata i fotočelije se nalaze u *FIS Uputstvu za mjerenje vremena*.
- 611.2.1.3 Startni sat**
 Za DH, SG i GS, upotreba startnog sata koji obezbjeđuje barem zvučni signal odbrojanja prema fiksnom startnom intervalu određenom od strane žirija trebala bi postojati kao vid pomoći upravljanju takmičenjem. Ovo je uslov za takmičenja 0, 1, i 2. kategorije.
- 611.2.2 Ručno mjerenje vremena**
 Manuelno (ručno) mjerenje vremena, potpuno odvojeno i nezavisno od elektronskog, se mora koristiti na svim takmičenjima navedenim u FIS kalendaru. Štoperiće i ručni uređaji za mjerenje na baterije postavljeni na startu i na cilju i sposobni da mjere vrijeme do preciznosti od najmanje 1/100 (0.01) sekunde smatraju se odgovarajućim. Oni moraju biti sinhronizovani prije starta svake vožnje, poželjno sa istim dnevnim sistemom kao i sistemi A i B. Štampani rezultati, bilo automatski ili pisani rukom, zabilježenih ručnih vremena moraju biti odmah dostupni na startu i na cilju.
- 611.2.3 Objava rezultata**
 Organizator mora obezbjeđiti odgovarajuću kontinuiranu prezentaciju svih registrovanih vremena svih takmičara.
- 611.2.4 Mjerenje bez žičane veze**
 Samo za FIS takmičenja nivoa 3 (FIS i dječije trke), dozvoljeno je koristiti homologiranu opremu na takav način da žičana veza starta i cilja nije neophodna. Više o tome na koji način je ovo moguće u FIS Uputstvu za mjerenje vremena (FIS Timing Booklet).

611.3 Mjerenje u cilju

611.3.1 Elektronskim mjerenjem, vrijeme se uzima u trenutku kada takmičar pređe liniju cilja i presječe zraku između fotočelija. U slučaju pada u cilju, ako se takmičar nije potpuno zaustavio, vrijeme se može uzeti i ako nisu oba stopala takmičara prešla ciljnu liniju.

Da bi registrovano vrijeme bilo važeće, takmičar mora odmah potpuno preći ciljnu liniju sa ili bez skija. U slučaju ručnog mjerenja vrijeme će se uzeti kada bilo koji dio tijela takmičara pređe liniju cilja. Kontrolor na cilju određuje ispravnost prolaza preko ciljne linije.

611.3.2 U slučaju kvara na glavnom sistemu A, rezultati sa pomoćnog sistema B će biti važeći prema čl. 611.2.1. Na zimskim olimpijskim igrama, FIS svjetskim prvenstvima i FIS svjetskom kupu, sinhronizovani elektronski mjerni sistem sa štampačima, spojen sa startnom rampom i fotočelijama na cilju je obavezan.

U slučaju pada linija startnog sistema između starta i cilja, ovaj pomoćni sistem će omogućiti obračun vremena u tačnosti od 1/100 (0.01) sekunde. U slučaju da ni jedno od vremena sa sistema A i B nisu na raspolaganju za određenog takmičara, obračun ručno mjerenog vremena će se primjeniti prema čl. 611.3.2.1.

611.3.2.1 Korištenje ručno mjenjenog vremena

Ručna vremena se mogu koristiti u zvaničnim rezultatima nakon što je obračunata korekcija.

- Obračun korekcije

Izračunajte razliku između ručnih vremena i elektronskih vremena 5 takmičara prije vremena koje nedostaje i 5 koji su startali poslije ili ako je potrebno 10 najbližih takmičara. Zbir 10 razlika vremena se podijeli sa 10 što daje korekciju koja mora biti uzeta u obzir kod vremena takmičara kojem nije zabilježeno elektronsko vrijeme.

611.3.3 Zvanične trake sa štampača će biti predata Tehničkom delegatu na pregled. Organizator takmičenja će čuvati trake sve do zvaničnog priznanja takmičenja i nakon što su prošle sve žalbe koje se tiču mjerenja vremena na takmičenju.

Formular za Tehnički izvještaj o mjerenju vremena kao što to zahtjeva FIS mora se dostaviti u prilogu rezultata takmičenja i moraju biti pregledana i potpisana od strane šefa mjerenja i pregledana i potpisana od strane tehničkog delegata kao njegovo priznanje takmičenja. Svi štampani rezultati sa sistema A, sistema B i ručnog mjerenja moraju biti zadržani od Organizacionog komiteta takmičenja na period od tri (3) mjeseca po završetku takmičenja ili nakon bilo kakve žalbe koja se tiče mjerenja vremena na takmičenju.

611.3.4 U slučajevima kada zvanični štampač vremena dozvoljava ručni unos ili korekciju vremena, neka vrsta indikatora (zvjezdica, asteriks ili slično) za vremena koja su bila korigovana mora biti štampana na svim zvaničnim dokumentima o mjerenju vremena.

611.3.5 Kompjuterski program koji obračunava vremena mora koristiti preciznost dnevnog vremena kao što to radi i uređaj za mjerenje.

611.4 Privatna oprema za mjerenje vremena pojedinih timova

Svaki zahtjev za instaliranje opreme za mjerenje vremena mora biti podnesen žiriju od strane vođe tima, i žiri odlučuje o odobrenju za postavljanje. Na zimskim olimpijskim igrama, FIS svjetskim prvenstvima i FIS svjetskom kupu samo oprema za mjerenje vremena organizatora je dozvoljena.

612 Službena lica na startu i cilju**612.1 Starter**

Starter mora sinhronizovati svoj sat sa satom pomoćnika startera i putem telefona ili radija sa glavnim mjeriocem unutar deset minuta prije starta. Starter je odgovoran za znak upozorenja i startnu komandu, kao i za tačnost intervala između ovih znakova. Nadgledanje takmičara on povjerava pomoćniku startera.

612.2 Pomoćnik startera

Pomoćnik startera je odgovoran za pozivanje takmičara na start prema tačnom redosljedu.

612.3 Zapisničar na startu

Zapisničar na startu je odgovoran za bilježenje stvarnog startnog vremena svih takmičara.

612.4 Glavni mjerilac vremena

Glavni mjerilac vremena je odgovoran za tačnost mjerenja. On sinhronizira satove sa starterom što je kraće moguće prije i poslije trke. On mora objaviti neslužbena vremena što je prije moguće (na tabli sa rezultatima, i sl.). Ako otkáže električno mjerenje vremena, glavni mjerilac mora odmah uspostaviti vezu sa startnim sudijom i TD.

612.5 Pomoćnik mjerioca vremena

Dva pomoćnika mjerioca rade sa štopericama prema članu 611.2.2. Jedan pomoćnik vodi kompletan zapisnik sa registrovanim vremenima svih takmičara.

612.6 Kontrolor u cilju

Kontrolor u cilju ima sljedeće dužnosti:

- Nadgledanje dijela staze između zadnjih vrata i cilja.
- Nadgledanje ispravnosti prelaska ciljne linije.
- Bilježenje redosljeda dolaska u cilj svih takmičara koji završavaju trku.

612.7 Šef obračuna rezultata

Šef obračuna rezultat je odgovoran za brz i tačan obračun rezultata. On nadgleda trenutno umnožavanje neslužbenih rezultata i objavljivanje službenih rezultata nakon isteka vremena za žalbe, ili nakon što su žalbe razmotrene.

613 Start

613.1 Startni prostor

Startni prostor mora biti zatvoren za sve izuzev za takmičara koji starta, praćenog jednim trenerom i službena lica na startu.

Startni prostor mora biti zaštićen na odgovarajući način protiv lošeg vremena. Specijalni ograđeni prostor mora biti obezbijeđen za trenere, kapitene timova, servisno osoblje i sl., u kojem oni mogu brinuti o takmičarima koji čekaju na start, a da ne budu uznemiravani od publike. Mora se pripremiti odgovarajuća zaštita za takmičare koji čekaju poziv na start.

Takmičari ulaze u definisanu startnu kućicu sa obje skije na nogama, koje ne smiju biti pokrivene bilo čime.

613.2 Startna rampa

Startna rampa mora biti pripremljena tako da takmičari mogu stajati opušteno na startnoj liniji i mogu brzo dostići punu brzinu nakon napuštanja starta.

613.3 Startna procedura

Iza takmičara koji starta ne smije biti nijedno službeno lice niti pratilac koji bi mu mogli pomoći ili ga ometati. Svaka pomoć izvana je zabranjena. Po naredbi startera, takmičar mora postaviti štapove ispred startne linije ili gdje je označeno. Starter ne smije dodirivati takmičara na startu. Odgurivanje od startnih stubova ili druga pomoć su zabranjeni i takmičar mož startovati pomažući se jedino skijaškim štapovima.

613.4 Startni signali

Deset sekundi prije starta, starter kaže svakom takmičaru "Deset sekundi". Pet sekundi prije starta on broji "Pet, četiri, tri, dva, jedan" i zatim daje startnu naredbu "Idi" (Go - Partez - Los). (Za slalom vidi član 805.3).

Ako je moguće, koristi se automatski zvučni signal. Starter će omogućiti takmičaru da vidi startni sat.

613.5 Mjerenje vremena na startu

Mjerenje vremena na startu mjeri tačno vrijeme kada takmičar prelazi startnu liniju nogom ispod koljena.

613.6 Zakašnjeli start

Takmičar koji nije spreman da startuje na vrijeme biće diskvalifikovan. Sudija na startu može oprostiti takvo zakašnjenje ukoliko je ono izazvano "višom silom". Naprimjer, lom lične opreme ili manja slabost takmičara ne spadaju u "višu silu". U slučaju sumnje, žiri može dozvoliti privremeni start.

613.6.1 Sudija na startu donosi odluku nakon konsultacija sa žirijem (prema članovima 613.6.2 i 613.6.3) i mora zabilježiti imena takmičara kojima nije bio dozvoljen start zbog kašnjenja, i onih kojima je bio dozvoljen start uprkos kašnjenju ili onih kojima je start bio dozvoljen uslovno.

613.6.2 U slučaju fiksnih intervala startovanja, takmičar koji kasni može startovati u fiksnom intervalu, nakon što se prijavio startnom sudiji, u skladu sa odlukom žirija. Sudija na startu informiše žiri nakon kojeg će broja startati takmičar koji je zakasnio.

613.6.3 U slučaju nepravilnih startnih intervala, takmičar koji je zakasnio na start startati će prema čl. 805.3. Sudija na startu informiše žiri nakon kojeg će startnog broja startati takmičar koji je kasnio.

613.7 Važeći i pogrešan start

U takmičenjima sa fiksnim startnim intervalima takmičar mora startovati na startni signal. Startno vrijeme je važeće ukoliko se desilo u unutar sljedećeg raspona: 5 sekundi prije i 5 sekundi nakon službenog startnog signala. Takmičar koji ne starta unutar ovog vremenskog prostora biće diskvalifikovan. Sudija na startu mora obavijestiti Sudiju o startnim brojevima i imenima takmičara koji su pogrešno startovali ili prekršili startna pravila.

614 Staza i takmičenje**614.1 Staza***614.1.1 Tehnički dijelovi takmičarske piste*

Startne i ciljne instalacije, televizijski tornjevi, mjerna oprema, oprema za reklamiranje sponzora itd., su potrebna sredstva za takmičenje.

*614.1.2 Postavljanje staze**614.1.2.1 Pomoć*

Postavljaču staza mora biti obezbijedena pomoć, u vrijeme koje odredi Žiri, tako da se on može koncentrisati na stvarno postavljanje staze, a da mu pažnju ne odvlači postavljanje štapova i sl.

Šef opreme za stazu mora obezbijediti dovoljne količine sljedećeg:

- dovoljno plavih i crvenih slalomskih štapova,
- odgovarajući broj zastavaica podijeljenih po bojama,
- macola, bušilica, klinova itd.,
- dovoljno brojeva za kapije,
- sredstava za bojenje za označavanje pozicije štapova.

614.1.2.2 Označavanje kapija

Pozicije štapova moraju biti označene lako prepoznatljivim sredstvima za bojenje koje ostaju vidljive tokom cijele trke. Ako su štapovi učvršćeni korištenjem širokih drvenih ili plastičnih postolja sredstva za bojenje nisu potrebna.

614.1.2.4 Označavanje kapija brojevima

Vrata moraju biti označene brojevima od vrha prema dnu staze i brojevi pričvršćeni za vanjski štap. Start i cilj se ne broje.

614.1.2.4 Označavanje staze i terena

U spustu i super G, na dijelovima staze koje odredi Žiri, u snijeg se mogu pobosti grančice sa unutrašnje strane vozne linije prije i poslije kapije. Dodatno, kada je veoma slaba vidljivost iglice jele ili neki slični materijal se mogurazasuti po stazi. Takođe mogu se koristiti boje za nojenje kojima se označavaju linije kretanja kao i poprečnim linijama prilazi promjenama terena, skokovima i sl.

614.1.2.5 Rezervni štapovi

Šef staze je odgovoran za raspoloživost i korektan smještaj dovoljnog broja rezervnih štapova. Štapovi moraju biti smješteni tako da ne smetaju takmičarima.

614.1.3 Staza za zagrijavanje

Odgovarajuća staza za zagrijavanje treba biti na raspolaganju takmičarima.

614.1.4 Zatvaranje i izmjene staze

Staza je zatvorena od trenutka početka postavljanja vrata. Nikome, izuzev Žiriju, nije dozvoljeno da mijenja vrata, zastavice, oznake itd., ili da mijenja strukturu staze (skokovi, grbe i sl.) koja je zatvorena.

Takmičarima nije dozvoljeno da uđu na zatvorenu takmičarsku stazu.

Žiri određuje trenere i servisere kojima je dozvoljen ulazak na zatvorenu takmičarsku stazu.

Fotografima i kameranskim timovima dozvoljen je ulazak na zatvorenu stazu zbog potrebnog dokumentiranja takmičenja. Žiri može ograničiti njihov ukupan broj. Oni će biti smješteni na prostor koji će odrediti Žiri i mogu ostati samo u tom prostoru.

Žiri ili Organizacioni komitet mogu zatvoriti stazu ili dijelove staze za takmičare, trenere, novinare i servisno osoblje izvan stvarnog vremena takmičenja i inspekcije u cilju pripreme i održavanja staze.

614.1.5 Ne-esencijalne promjene

U slučajevima trenutnih ne-esencijalnih ali potrebnih promjena na stazi, kao što su mala pomjeranja vrata, nije potreban dodatni ogled staze.

Detalji o promjeni moraju biti komunicirani svim vođama ekipa i takmičari moraju biti informisani o ovome od sudije na startu.

614.2 Takmičenje*614.2.1 Prolazak kroz vrata*

Kapije se moraju prolaziti u skladu sa članom 661.4.1.

614.2.2 Zabrana nastavljanja trke nakon greške na vratima Ako takmičar promaši vrata, ne smije da prolazi kroz sljedeća vrata.

- 615 Cilj**
- 615.1 Ciljni prostor mora biti u potpunosti vidljiv takmičarima koji se približavaju cilju. On mora biti širok sa blago naetim ravnim istekom.
- 615.1.2 Kod postavljanja staze sa vratima posebna pažnja mora biti posvećena usmjeravanju takmičara kroz cilj po prirodnoj liniji prilagođenoj terenu.
- 615.1.3 Ciljni prostor mora biti kompletno ograđen. Neovlašteni ulasci nisu dozvoljeni.
- 615.1.4 Ciljne instalacije i ograda moraju biti postavljeni ili osigurani odgovarajućim zaštitnim mjerama, tako da su takmičari što je moguće bolje zaštićeni.
- 615.1.5 Organizator mora odrediti jasno vidljivom crvenom linijom “unutrašnji ciljni prostor” i mora osigurati da takmičari mogu lako doći u ovaj prostor na skijama.
- 615.1.6 Za takmičare koji su završili svoju trku mora se obezbijediti poseban prostor, odvojen od stvarnog cilja. U ovom protoru mora im se omogućiti kontakt sa novinarima (štampa, radio, TV i film).
- 615.1.7 Takmičar mora napustiti ciljni prostor kroz zvanični izlaz sa kompletnom takmičarskom opremom koju je koristio na takmičenju.
- 615.2 Ciljna linija i njeno označavanje**
Ciljna linija je označena sa dva stuba ili vertikalnim trakama koji su povezani sa horizontalnom trakom sa znakom “Cilj”. U spust i super G trkama, cilj mora biti širok najmanje 15 m, a u slalomu i veleslalomu najmanje 10 m. U izuzetnim slučajevima, žiri može smanjiti ovo rastojanje na licu mjesta zbog tehničkih razloga ili zbog terena. Pod širinom cilja podrazumjeva se razmak između stubova ili traka. Držači za montiranje uređaja za mjerenje vremena takođe moraju biti razdvojeni na ovoj udaljenosti. Držači uređaja za mjerenje vremena obično se postavljaju iza ciljnih stubova ili traka, na nizbrdnoj strani. Ciljna linija mora biti jasno označena sa sredstvom za bojenje.
- 615.3 Prelazak ciljne linije i snimanje vremena**
Ciljna linija mora biti pređena:
- na obje skije ili
- na jednoj skiji ili
- sa obje noge u slučaju pada u samom ciljnom prostoru. U tom slučaju uzima se vrijeme kada bilo koji dio takmičarevog tijela ili opreme zaustavi sistem za mjerenje vremena.
- 615.4 Izvještaj**
Ciljni sudija mora napraviti izvještaj Sudiji odmah nakon trke ili službenog treninga.
- 616 Mikrofoni na startu i cilju**
Unutar startnog i ciljnog prostora kao i u prostoru ograđenog dijela, zabranjeno je korištenje mikrofona instaliranih bez odobrenje organizatora (tzv. “vješala”, mikrofona ugrađenih u kamere i druge tehničke instrumente) tokom treninga i trke.
- 617 Obračun i objavljivanje rezultata**
- 617.1 Neslužbena vremena**
Vremena koja izmjeri mjerioci vremena smatraće se neslužbenim vremenima. Ona moraju biti postavljena na tablu sa rezultatima koja je čitljiva iz prostora obezbijedenog za takmičare koji su završili trku i iz prostora za novinare. Kad god je to moguće, neslužbeni rezultati treba da budu saopšteni publici preko zvučnika.
- 617.2 Objavljivanje neslužbenih vremena i diskvalifikacije**
- 617.2.1 Što je prije moguće nakon završetka trke, neslužbena vremena i diskvalifikacije moraju biti objavljene na službenoj oglasnoj ploči, kao i na cilju.
Vremensko ograničenje za žalbu teče od trenutka ovog objavljivanja.
- 617.2.2 Objavljivanje neslužbenih vremena na cilju i startu, zajedno sa pisanim i glasom objavljenim diskvalifikacijama, može zamijeniti objavljivanje na službenoj oglasnoj tabli. U ovom slučaju, može se odlučiti da se žalbe mogu uložiti i verbalno Sudiji, odmah na cilju ili najkasnije 15 minuta nakon objavljivanja diskvalifikacije, a žalbe podnešene nakon ovog roka smatraju se ništavnim i poništenim. Kapiteni timova moraju biti unaprijed obaviješteni.
- 617.3 Službeni rezultati**
- 617.3.1 Službene rezultate čine vremena takmičara koji nisu diskvalifikovani.
- 617.3.2 Kombinovani rezultati izračunavaju se zbrajanjem vremena iz svake discipline koja čini kombinaciju. (ili zbrajanjem bodova po trkama)

- 617.3.3 Ako dva takmičara imaju isto vrijeme ili isti broj bodova, takmičar sa višim startnim brojem biće odštampan prije na listi službenih rezultata.
- 617.3.4 Lista službenih rezultata mora sadržavati:
- naziv kluba ili saveza koji organizuju trku,
 - naziv takmičenja, mjesto, disciplinu i kategoriju (muškarci ili žene),
 - datum održavanja trke,
 - sve tehničke podatke, kao što su naziv staze, visina starta i cilja, vertikalni pad, FIS homologizacijski broj i, za spust i super G, dužinu staze,
 - imena i državljanstva članova Žirija,
 - za svaku vožnju, imena i državljanstva postavljaju staze i predvozača, broj vrata (Veleslalom i Super G broj promjena smjera) i vrijeme starta,
 - vrijeme, snježne uslove na stazi i temperaturu zraka na startu i cilju,
 - sve detalje koji se tiču takmičara, redosljed u cilju, startni broj, broj koda, ime, prezime, državu (po mogućnosti i klub), vrijeme i bodove,
 - startni broj, broj koda, ime, prezime i državu takmičara koji nisu startovali, nisu završili trku ili su bili diskvalifikovani u pojedinim vožnjama,
 - nazive službenih servisnih kompanija, naprimjer, kompanije za mjerenje vremena, kompanije za kompjuterske usluge itd.
 - Codex i F vrijednosti,
 - obrazac za obračun dodatka,
 - potpis Tehničkog delegata.
- 617.3.5 Države moraju biti označene FIS kodom od tri velika slova (Vidi FIS Bilten).

618 FIS bodovi i učešće na FIS takmičenjima
 Prema referentnim pravilima "Pravila za FIS bodovanje" koji su integralni dio ICR pravila.

619 Ceremonija dodjele nagrada
 Ceremonija dodjele nagradane ne može se održati prije završetka trke i prije nego što to dozvoli tehnički delegat. Organizator ima pravo da predstavi vjerovatne pobjednike prije ovog vremena. Ovo predstavljanje je nezvanično i organizuje se na mjestu različitom od mjesta ceremonije zvanične dodjele nagrada.

620 Startni redosljed
 Za FIS svjetski kup i FIS kontinentalne kupove mogu se izdati specijalna pravila.

621 Grupna izvlačenja i startni redosljed

621.1 Klasifikaciju takmičara koji su prisutni vrši Žiri.

621.2 Za klasifikaciju takmičara koristi se FIS lista sa FIS bodovima. Ako se takmičar ne pojavljuje na posljednjoj važećoj listi sa FIS bodovima, on će biti svrstan u grupu takmičara bez bodova. U svim sumnjivim slučajevima, odlučuje Žiri.

621.3 Startni redosljed takmičara u svim alpskim takmičenjima određen je njihovim FIS bodovima (spust, slalom, veleslalom i super G). Za prvu grupu od najviše 15 najboljih prisutnih takmičara, bez obzira na državljanstvo, startni redosljed biće određen žrijebom.
 U slučaju izjednačenosti bodova na 15 mjestu, prva grupa će biti proširena saglasno broju takmičara se istim brojem bodova. Svi ostali takmičari startovaće prema redosljedu njihovih FIS bodova. Svi takmičari bez FIS bodova biće žrijebani u zadnjoj grupi. Ako je među prvih 15 prisutnih takmičara, razlika između jednog i sljedećeg takmičara suviše velika, Žiri može odrediti broj takmičara u prvoj grupi. Ostali će startovati prema redosljedu njihovih FIS bodova.

621.3.1 *Dječija takmičenja*
 Grupiranje se ne vrši prema bodovima već prema pripadnosti naciji. Mjesta će biti izvučena prema naciji a ne prema individualnim imenima. Vođe timova će dostaviti sekretaru takmičenja imena takmičara koji će se staviti u slotove.

621.3.2 *Redosljed starta na državnim prvenstvima*
 Kao zamjena za član 621.3 u slučaju državnih prvenstava žiri može dozvoliti da se izbor startnih brojeva radi na sljedeći način:
 Za slalom i veleslalom grupa od prvih 15 najbolje rangiranih po važećim FIS bodovima dijeli se u dvije podgrupe (1 – 7; 8 – 15). Startni brojevi se poslije izvlače duplim žrijebom unutar ovih podgrupa.
 Za spust i Super G grupa od prvih 15 najbolje rangiranih po važećim FIS bodovima bira svoje startne brojeve u rasponu startnih brojeva od 1 – 30.
 Ostatak startnih brojeva unutar raspona 1 – 30 će se izvlačiti od preostalih takmičara plasiranih među prvih 30 po trenutno važećim FIS bodovima.
 Svi ostali takmičari strtaju prema svojim FIS bodovima.

- 621.4 Ako je broj takmičara bez FIS bodova preveliki, Žiri ih mora podijeliti u nekoliko grupa. U tom slučaju, svaka zemlja najavljuje kojoj grupi želi da pripada pojedini njen takmičar. Redosljed startivanja u svakoj grupi izvlači se odvojeno. Žiri će, gdje god je to moguće, voditi računa o saznanjima sa službenih treninga u spustu i mora podijeliti takmičare iz više zemalja u grupe bez bodova pravedno. Po pravilu, svaka zemlja koja je prijavila takmičare bez FIS bodova stavlja jednog takmičara u prvu grupu takmičara bez FIS bodova.
- 621.5 Žiri ima pravo da mijenja startni redosljed ako smatra da uslovi na stazi to obezbjeđuju.
- 621.6 Žrijebanje se mora obaviti na dan prije trke. Za noćne trke, črijebanje se mora obaviti prije podneva na dan trke.
- 621.7 Prva grupa za treninge u spustu mora se žrijebati svaki dan.
- 621.8 Žrijebanje (za prvu grupu i grupe bez bodova) mora se obaviti na sastanku kapitena timova. Preporučuje se dvostruko žrijebanje: istovremeno žrijebanje startnih brojeva i imena takmičara.
- 621.9 Redosljed startovanja u izvanrednim uslovima**
U izvanrednim uslovima, Žiri može promijeniti redosljed startovanja u trkama spusta, veleslaloma ili super G (kada pada snijeg, i sl.). Grupa od najmanje 6 takmičara, unaprijed imenovanih, startuje prije startnog broja 1. Ovih 6 takmičara izvlači se žrijebom između najmanje 20 % takmičara sa startne liste. Oni će startovati obrnutim redosljedom u odnosu na njihove startne brojeve.
- 621.10 Redosljed startovanja u drugoj vožnji**
- 621.10.1 Na takmičenjima sa dvije vožnje, redosljed startovanja za drugu vožnju određen je rezultatskom listom prve vožnje izuzev za prvih trideset mjesta.
- 621.10.2 *Za prvih 30 mjesta redosljed startovanja je sljedeći:*
- 30-ti na rezultatskoj listi startuje kao prvi,
- 29-ti na rezultatskoj listi startuje kao drugi,
- 28-ti na rezultatskoj listi startuje kao treći,
- 27-ti na rezultatskoj listi startuje kao četvrti, ...
- prvi na rezultatskoj listi startuje kao trideseti.
od 31 nadalje prema rezultatskoj listi prve vožnje. Ako je više od jednog takmičara rangirano kao 30-ti, takmičar sa nižim startnim brojem starta prvi.
- 621.10.3 *Redosljed starta u drugoj vožnji na FIS takmičenjima*
Žiri ima pravo da odluči najkasnije jedan sat prije starta prve vožnje da li će broj prvoplasiranih iz prve vožnje koji se okreću za start druge vožnje biti smanjen na prvih petnaest.
- 621.10.4 Startna lista za drugu vožnju mora biti publikovana na vrijeme i na raspolaganju zvaničnicima na startu za drugu vožnju.
- 621.11 Žiri može odobriti kompjutersko izvlačenje brojeva. Predstavnik svake zemlje je dužan da potpiše ekipnu prijavu na sastanku vođa timova prije nego se žrijebanje izvrši uz pomoć kompjutera.
- 621.12 Ukoliko je takmičar prijavljen i žrijeban za učešće na jednom takmičenju i zatim napusti to takmičenje da bi nastupio na nekom drugom takmičenju, neće mu biti dozvoljen povratak i nastup na prvom. FIS zvaničnik će obavijestiti Vijeće FIS-e o svim duplim prijavama za sankcionisanje.
- 622 Startni intervali**
- 622.1 Regularni intervali**
U spustu, veleslalomu i super G takmičari će startovati u normalnim intervalima od 60 sekundi; za slalom vidi član 805.1. Žiri može odrediti različite intervale.
- 622.2 Specijalni startni intervali**
Startni intervali u spustu, super G i ako je potrebno, u veleslalomu, mogu se mijenjati pod sljedećim uslovima:
- 622.2.1 Produženje vremena mora biti korišteno za osjetljive TV prenose interesantnih dijelova čitave staze.
- 622.2.2 Maksimalni startni interval za prvih 30 takmičara (startni brojevi od 1-30) može odrediti Žiri.
- 622.2.3 Startni interval ne može biti manji od 40 sekundi u spustu i super G i 30 sekundi u veleslalomu.
- 622.2.4 Ostale izuzetke od članova 622.2.2 i 622.2.3 može napraviti jedino vijeće FIS (Svjetski kup: U skladu sa pravilima svjetskog kupa).

623 Ponovna vožnja**623.1 Preduslovi**

- 623.1.1 Takmičar koji je ometen dok je vozio mora se odmah nakon incidenta zaustaviti i zahtijevati od bilo kojeg člana žirija da ponovi vožnju. Ovaj zahtjev može uložiti i kapiten tima kojem pripada ometeni takmičar. Takmičar mora doći do cilja niz stazu pored piste.
- 623.1.2 U posebnim situacijama (npr. u slučaju da nedostaju vrata ili drugih tehničkih nedostataka) Žiri može narediti ponovnu vožnju.
- 623.1.3 Ukoliko je takmičar zaustavljen žutom zastavicom, on ima pravo na ponovljenu vožnju, pod uslovom da žiri procijeni da je to moguće sa organizacionog gledišta. Žiri treba omogućiti da ponovljeni start tog takmičara se desi prije posljednjeg takmičara na startnoj listi (vidi 705.2, 705.3)

623.2 Osnove za intervenisanje

- 623.2.1 Blokiranja staze od strane službenih lica, gledalaca, životinja ili drugih prepreka.
- 623.2.2 Blokiranje staze od strane takmičara koji je pao i nije se dovoljno brzo povukao sa staze.
- 623.2.3 Objekti na stazi kao što su izgubljeni skijaški štapi ili skija prethodnog takmičara.
- 623.2.4 Aktivnosti službe prve pomoći koje ometaju takmičara.
- 623.2.5 Odsustvo vrata koje je oborio prethodni takmičar i koja nisu odmah zamijenjena.
- 623.2.6 Drugi slični incidenti izvan volje i kontrole takmičara, koji uzrokuju značajan gubitak brzine i produžavanje vozne linije i u skladu s tim utiču na vrijeme takmičara.
- 623.2.7 Problemi u radu sistema za mjerenje vremena.
- 623.2.8 Prekid spust trke od strane službenog lica u "žutoj zoni".

623.3 Važenje ponovne vožnje

- 623.3.1 U slučaju da Sudija ili drugi član Žirija nisu u mogućnosti da odmah ispituju službena lica ili da ocijene opravdanost ponovne vožnje, da bi izbjegli kašnjenje za takmičara, ono mogu dozvoliti uslovnu ponovnu vožnju. Ova vožnja će biti važeća ako je potvrdi Žiri.
- 623.3.2 Ako je takmičara već diskvalifikovan prije incidenta koji mu omogućava ponovnu vožnju, ponovna vožnja nije važeća.
- 623.3.3 Uslovna ili definitivno potvrđena vožnja ostaje važeća čak i ako se pokaže da je sporija od one ometane.
- 623.3.4 Ako se pokaže da je zahtjev za ponovnom vožnjom neopravdan, takmičar će biti diskvalifikovan.

623.4 Vrijeme starta ponovne vožnje

- 623.4.1 U slučaju fiksnih startnih intervala, takmičar može starovati u fiksnom intervalu, nakon što se prijavio sudiji na startu i u skladu sa odlukom sudije na startu.
- 623.4.2 U slučaju nefiksnih startnih intervala provodi se postupak u skladu sa propisima iz člana 805.3.

624 Prekid vožnje ili treninga

Ako prekinuta vožnja ne može biti završena istog dana, tretiraće se kao završena vožnja.

624.1 od strane Žirija

- 624.1.1 da bi se dozvolilo održavanje staze ili ravnopravniji uslovi i ujednačena staza za sve takmičare.
- 624.1.2 zbog nepovoljnih ili neujednačnih vremenskih ili snježnih uslova
- 624.1.2.1 Trka će ponovo početi, čim radovi na stazi budu završeni i ako su se vrijeme i snježni uslovi promijenili tako da osiguravaju normalno takmičenje.
- 624.1.2.2 Ponovljeni prekid takmičenja, naređen zbog istih razloga mora dovesti do njegovog završetka. Spust, super G, kao i jedna vožnja u slalomu ili veleslalomu ne može trajati duže od četiri sata.

- 624.2 Kratki prekid**
Svaki član Žirija je ovlašten da samostalno i na zahtjev sudije na vratima naredi kratki prekid vožnje.
- 625 Završetak takmičenja**
- 625.1 od strane Žirija**
- ako su takmičari značajno izloženi vanjskim ometajućim uticajima
- ako se stvore različiti uslovi ili ako izgleda da se više ne može garantovati pravilno vođenje trke.
- 626 Izvještaj**
U svim takvim slučajevima, podnosi se detaljan izvještaj FIS uredu i nacionalnom skijaškom savezu koji organizuje takmičenje. Izvještaj mora sadržavati dobro argumentovanu preporuku, da li da se završeno takmičenje bude uzeto u obzir za FIS bodove ili ne.
- 627 Zabrana starta**
Takmičaru će biti zabranjeno da nastupi na bilo kojem FIS međunaodnom takmičenju ukoliko:
- 627.1 nosi i/ili znakove na odjeći i opremi (čl. 206.7) ili se ponaša nesportski u startnom prostoru (čl. 205.5).
- 627.2 prekrši pravila FIS u pogledu opreme (čl. 222) i komercijalnih oznaka (čl. 207).
- 627.3 odbije da se podvrgne medicinskom pregledu zahtjevanom od FIS (čl. 221.2.).
- 627.4 trenira na stazi koja je zatvorena za sve takmičare (čl. 614.1.4).
- 627.5 nije nastupio na najmanje jednom treningu spusta sa mjerenjem vremena (čl. 704.8.3).
- 627.6 ne nosi zaštitnu kacigu koja odgovara pravilima o takmičarskoj opremi (čl. 707, 807, 907, 1007), ili nema stopere na svojim skijama (čl. 606.3).
- 627.7 je bio eliminisan u prvoj vožnji (čl. 607.4).
- 627.8 je prekršio pravila 627.1 – 627.7
Ako je takmičar startao na takmičenju a žiri kasnije utvrdi da je prekršio jedno od ovih pravila, žiri mora isto takmičara kazniti.
- 628 Kazne**
Kazna će biti razmatrana od strane žirija ukoliko takmičar:
- 628.1 prekrši pravila reklamiranja i opreme (čl. 207.1)
- 628.2 promjeni startni broj na nedozvoljen način (čl. 608.1)
- 628.3 ne nosi zvanični startni broj prema pravilima (čl. 613.6, 613.7, 805.3.1, 805.4, 1106.3)
- 628.4 skija kroz vrata ili vježba pored staze izvodeći okrete paralelne onima postavljenim u stazi (čl. 904)
- 628.5 nije spreman da starta na vrijeme ili pogrešno starta (čl. 613.6, 613.7, 805.3.1, 805.4, 1106.3)
- 628.6 krši pravila starta ili starta na način koji nije dozvoljen prema pravilima (čl. 613.3)
- 628.7 zahtjeva ponovnu vožnju za koju se dokaže da nije imao pravo (čl. 623.3.2)
- 628.8 nastavi voziti stazu nakon što je promašio vrata (čl.614.2.2)
- 628.9 ne prođe cilj u skladu sa članom 615.3
- 628.10 skine skije prije nego što pređe "crvenu liniju" (čl. 206.5)
- 628.11 ne napusti ciljni prostor kroz zvanični izlaz sa kompletnom opremom koju je koristio na takmičenju (čl. 615.1.7).
- 628.12 nosi skije na zvanične ceremonije (čl. 206.6)
- 628.13. Primi pomoć sa strane tokom takmičenja (čl. 661.3).

- 629 Diskvalifikacije**
Takmičar će biti diskvalifikovan ukoliko:
- 629.1 učestvuje u trci pod lažnim identitetom,
- 629.2 ako ugrozi sigurnost osoba ili imovine ili zaista nanese povrede i štetu.
- 629.3 ne prođe kroz vrata korektno (čl. 661.4)
- 640 Protesti**
- 640.1 Žiri može prihvatiti protest samo ukoliko je temeljen na fizičkom dokazu.
- 640.2 Žiri može dozvoliti reviziju svoje prethodne odluke samo ukoliko postoji novi dokaz koji je u vezi sa originalnom odlukom žirija.
- 640.3 Sve odluke žirija su finalne osim onih koje donose se na proteste iz člana 641. ili na koje su moguće žalbe prema čl. 647.1.1
- 641 Tipovi protesta**
- 641.1 Protiv dozvola za takmičare ili njihove takmičarske opremu,
- 641.2 Protiv staze ili uslova na njoj,
- 641.3 Protiv takmičara ili zvaničnog lica tokom trke,
- 641.4 Protiv diskvalifikacija,
- 641.5 Protiv mjerenja vremena,
- 641.6 Protiv uputa žirija ili tehničkog delegata
- 642 Mjesto podnošenja protesta**
Različiti protesti podnose se na sljedećim mjestima:
- 642.1 Protesti u skladu sa članovima 641.1 - 641.5 i 641.7 na mjestu onačenom na službenoj oglasnoj tabli ili na mjestu najavljenom na sastanku kapitena timova.
- 643 Krajnji rokovi za podnošenje**
- 643.1 Protiv dozvole za nastup takmičara:
- prije izvlačenje startnih brojeva.
- 643.2 Protiv staze i uslova na njoj:
- najkasnije 60 minuta prije početka trke.
- 643.3 Protiv takmičara ili takmičarske opreme ili protiv službenog lica zbog nepravilnog ponašanja tokom takmičenja:
- u roku od 15 minuta nakon što je posljednji takmičar prošao kroz cilj.
- 643.4 Protiv diskvalifikacije zbog nepravilne vožnje:
- u roku od 15 minuta nakon izricanja diskvalifikacije.
- 643.5 Protiv mjerenja vremena:
- u roku od 15 minuta nakon objavljivanja liste sa neslužbenim rezultatima.
- 643.6 Protiv svih uputa žirija:
- odmah i ne kasnije od roka za podnošenje protesta prema čl. 643.4
- 644 Forma protesta**
- 644.1 Propisi se po pravilu podnose u pismenoj formi.
- 644.2 Kao izuzetak, protesti u skladu sa članovima 641.3, 641.4 i 641.5 mogu biti uloženi i verbalno (član 617.2.2).

- 644.3 Protesti moraju biti detaljno obrazloženi. Dokaz mora podnešen i bilo koja činjenica mora biti uključena.
- 644.4 100 CHF ili protuvrijednost u drugoj valuti mora biti deponovana sa podnošenjem protesta. Ovaj depozit se vraća ako se protest usvoji; u protivnom on ide na račun organizatora ili u FIS.
- 644.5 Strana koja je uložila protest može ga povući prije objavljivanja odluke Žirija. U tom slučaju, depozit u novcu mora biti vraćen. Povlačenje protesta nije međutim moguće kada je Žiri ili član žirija, iz vremenskih razloga, onijeli privremenu odluku, tj. odluku "sa rezervom".
- 644.6 Protesti koji nisu uloženi na vrijeme ili su uloženi bez protestne takse, neće biti razmatrani.
- 645 Ovlaštanje**
Ovlaštenje za podnošenje protesta imaju:
- nacionalni skijaški savezi,
- treneri i
- vođe timova.
- 646 Rješavanje protesta od strane Žirija**
- 646.1 Žiri se sastaje da razmotri proteste na unaprijed određenom mjestu i fiksnom vremenu koje je najavio.
- 646.2 U razmatranju protesta protiv diskvalifikacije (član 661.4), sudija na vratima, ako je potrebno i sudije sa susjednih vrata ili druga uključena službena lica, skijaš koji je u pitanju I kapiten ili trener tima koji ulaže protest, biće pozvani da prisustvuju.
Pored toga, bilo koji traženi dokaz kao što je videotraka, fotos, film treba biti pregledan.
- 646.3 Kod glasanja o protestu, prisutni su samo članovi Žirija. TD predsjedava sjednicom. O toku sjednice vodi se zapisnik kojeg potpisuju svi članovi Žirija za pravom glasa. Odluka zahtijeva većinu glasova članova Žirija sa pravom glasa, a ne samo onih prisutnih. U slučaju jednakog broja glasova, odlučuje glas Tehničkog delegata.
Primjenjuje se princip slobodnog vrijednovanja dokaza. Pravila na kojima se zasniva odluka biće primjenjena i interpretirana na takav način da su fer postupci koji vode računa o održavanju discipline, garantovani.
- 646.4 Odluke se objavljuju odmah nakon postupka postavljanjem na službenu oglasnu tablu sa iskazanim vremenom objavljivanja.
- 647 Pravo žalbe**
- 647.1 Žalba**
- 647.1.1 Ona može biti podnešena:
- protiv odluka Žirija koje se tiču novčanih kazni prema čl 224.10,
- protiv odluke Žirija da završi trku (čl. 625),
- protiv preporuke žirija da se prekinuto takmičanja boduje,
- protiv liste sa službenim rezultatima. Ovaj tip žalbe treba biti usmjeren isključivo na očigledne I dokazane greške u obračunu.
- 647.1.2 Sve žalbe moraju biti podnešene FIS Savjetu.
- 647.1.3 *Vrijeme podnošenja*
- 647.1.3.1 Žalbe protiv odluka Žirija moraju se podnijeti u roku od 24 sata nakon njihovog objavljivanja,
- 647.1.3.2 Žalbe protiv liste sa službenim rezultatima trebaju biti dostavljene Vijeću FIS-e od strane FIOS ureda u roku od 30 dana, uključujući dan trke.
- 647.1.4 *Odluke o žalbama donose:*
- Komisija za žalbe
- FIS Savjet.
- 647.2 Odloženi efekat**
Podnešeni dokazi (protest, žalba) ne mogu uzrokovati odlaganje žalbe.
- 647.4 Podnošenje**
Svi dokazi moraju biti u pisanom obliku da bi bili prihvaćeni. Dokazi moraju biti uključeni. Kasno podnešeni dokaz mora biti odbačen od FIS Ureda.

650 Pravila o homologiranju staza**650.1 Opšti principi**

Sva takmičenja mogu se održati samo na stazama koje je odobrila FIS. Izuzeci se mogu odobriti na zahtjev.

Izuzetke i odstupanja u tehničkim podacima može odobriti jedino FIS Savjet.

Nacionalni skijaški savez i Podkomitet za alpske staze daju prijedloge. Odobreni izuzetci važe od dana odobravanja dok se ne povlačenja odobrenja.

650.2 Podnošenje zahtjeva

Zahtjev za homologiziranje staze podnosi se podkomitetu za alpske staze preko odgovarajućeg nacionalnog skijaškog saveza.

650.3 Primaoci zahtjeva

Uz zahtjev moraju biti priložena sljedeća dokumenta u četiri primjerka i poslana ili data inspektorima po jedna kopija za:

650.3.1 Predsjednika Podkomiteta za alpske staze,

650.3.2 Odgovarajući nacionalni skijaški savez,

650.3.3 Klub organizator,

650.3.4 Inspektora zaduženog za pregled.

650.4 Dokumenti

Zahtjev za homologiranje staze mora biti praćen sa sljedećih 6 dokumenata:

650.4.1 Opis staze koji sadrži:

- naziv staze
- geografsku lokaciju staze
- startna tačka iskazana u metrima nadmorske visine
- ciljna tačka iskazana u metrima nadmorske visine
- vertikalni pad iskazan u metrima
- površinska dužina staze iskazana u metrima
- prosječan nagib, maksimalan nagib, minimalan nagib (u novim stepenima ili procentima)
- mogućnosti prevoza povrijeđenih takmičara izvan staze
- moguće snabdijevanje vodom slalom staze
- moguća mjesta za slijetanje helikoptera
- instalacije za vještački snijeg
- opis pristupnih objekata za startni i ciljni prostor i vertikalnog transporta sa kapacitetom na sat (osoba)
- opis startnog i ciljnog prostora uključujući detalje o terenu, izgledu i objektima za novinare, radio i tv komentatore, i gledaoce, i opis skloništa za takmičare na startu i cilju
- opis mjesta koja zahtijevaju sigurnosnu mrežu
- označavanje mjesta za smještaj zvučnika
- opis mogućnosti za pomoćne piste, za tehničke servise, tehničko osoblje i sl.
- evakuciono rastojanje do najbliže bolnice u kilometrima
- opis komunikacionog sistema i raspoložovog broja linija, poželjno sa mrežnim dijagramom koji pokazuje:
 - podzemne kablove
 - stalne zračne kablove
 - privremene zračne kablove
 - presjeke linija
 - broj utičnica duž satze
 - veze između ciljnog prostora i ureda trke
 - veze između ciljnog prostora i press centra
 - detalje o raspoloživim radio uređajima
 - veze između startnog i ciljnog prostora
- kontakt adresa sa brojevima telefona, e-maila i faksa.

650.4.2 Kartu, minimalnog razmjera 1 : 25.000 sa konturnim linijama i iscrtanom stazom na njoj.

650.4.3 Profilnu skicu u razmjeri 1 : 5.000 koja pokazuje vertikalni pad i dužinu staze (konture u istoj razmjeri).

650.4.4 Statistiku količine snijega na stazi (za zimske olimpijske igre i FIS svjetska prvenstva tokom prethodnih deset godina, za ostale trke tokom prethodnih pet godina).

650.4.5 Veliku i noviju fotografiju na kojoj je označena staza. To mora biti originalna fotografija, a ne grafičko predstavljanje iz prospekta. Veličina fotografije mora biti najmanje 18x24 cm. Poželjno jhe da je fotografija napravljena sa suprotne padine. Ako to nije moguće tada će kosa fotografija iz zraka imati isti efekat.

650.4.6 Skicu cijele staze (1 : 5000) sa unešenim svim detaljima, kao što su stubovi liftova, grupe drveća, vlažne sekcije, krivine, presjeci linija, informacije o usponima, nazive dijelova staze i planinskih kuća. Namjena skice je prvenstveno da pruži

inspektor su sažetu informaciju o aktuelnom stanju staze, svim planiranim poboljšanjima, kao i lokacijam sigurnosnih mreža.

650.5 **Određivanje inspektora**

Predsjednik Podkomiteta za alpske staze proučiće zahtjev za homologiranje i odrediti inspektora da ispita stazu. Inspektor za spust staze ne može biti iz zemlje koja zahtijeva prvu homologizaciju. Inspektor za entry league staze ne može biti iz zemlje koja zahtijeva prvu homologizaciju.

Staze predložene za homologizaciju moraju zadovoljavati tehničke zahtjeve iz čl. 701, 801, 901, 1001, 1102 i 1103.

Dovoljno prostora mora biti obezbijeđeno na spust, veleslalom I super G stazama, na stazi ili putu za pomoć i na samoj takmičarskoj stazi, za evakuaciju povrijeđenih takmičara tokom takmičenja.

650.6 **Postupak homologizacije**

650.6.1 *Podnosilac zahtjeva*

Čim su traženi dokumenti spremni u četiri primjerka, klub podnosilac zahtjeva će poslati zahtjev za homologaciju preko nacionalnog skijaškog saveza predsjedniku Podkomiteta za alpske staze ili će ih uručiti, sa pristankom nacionalnog skijaškog saveza, tokom inspekcije na licu mjesta inspektor koji će kopije prosljediti na pravo mjesto.

U isto vrijeme nacionalni ski savez mora uplatiti iznos koji odgovara 150 CHF FIS uredu.

Ova suma pokriva administrativne troškove. Klub podnosilac zahtjeva mora isplatiti roškove putovanja i boravka direktno inspektor. Troškovi puta od njegove kuće do staze i nazad obračunavaju se na sljedeći način:

Po danu putovanja, 100 CHF za administrativne troškove.

Karta za voz: prva klasa

Putovanje u vlastitim kolima: 0.70 CHF po kilometru

Avionska karta: ekonomska klasa

650.6.2 *Nacionalni skijaški savez*

Zahtjev za homologaciju kojeg je pripremio klub podnosilac zahtjeva mora biti odobren i potpisan od strane nacionalnog skijaškog saveza i prosljedjen predsjedniku Podkomiteta za alpske staze. Ako inspektor naredi da se izvrše samo manja poboljšanja na stazi, tada se do 31. oktobra tekuće godine mora podnijeti izvještaj inspektor o stanju staze nakon izvršenja tih poboljšanja. Za veće radove, inspektor određuje da li će se izvršiti dodatna inspekcija. Staze za koje se utvrdi da ne odgovaraju FIS specifikacijama i koje nisu homologirane do 31. oktobra* tekuće godine, ne mogu se koristiti za takmičenja tokom sljedeće zime. Ova takmičenja će biti brisana iz Međunarodnog skijaškog kalendara.

*)= Za južnu hemisferu do 30. aprila

650.6.3 *Inspektor*

Nakon što je primio zahtjev za homologaciju od podnosioca zahtjeva, preko njegovog nacionalnog skijaškog saveza, predsjednik Podkomiteta za alpske staze odrediće inspektora. Inspektor odmah uspostavlja kontakt sa podnosiocem zahtjeva i dogovara vrijeme inspekcije, a kopiju dopisa šalje odgovarajućem nacionalnom skijaškom savezu. Inspektor će primiti četiri kopije dokumenata za homologaciju za inspekciju na licu mjesta. Nakon njegove inspekcije, on piše izvještaj i crvenom bojom označava na planu staze mjesta koja se moraju popraviti. Nakon provjere svih ostalih dokumenata, on šalje tri kopije predsjedniku Podkomiteta za alpske staze. Kasnije, on će ih pregledati i ratifikovati, te po jednu kopiju dostaviti svakom od sljedećih:

- odgovornom nacionalnom skijaškom savezu,

- podnosiocu zahtjeva.

- Jedan primjerak ostaje inspektor.

Ostavljeno je diskreciono pravo inspektor da odluči da li će, pored ljetne, biti potrebna i druga zimska inspekcija, s obzirom na različite uslove u zimskom periodu. Ova inspekcija se primjenjuje zbog sigurnosnih propisa i postavljanja mreža.

650.6.4 *Izdavanje FIS homologacijskog certifikata*

Ako je inspekcijski izvještaj pozitivan i nisu potrebni daljnji radovi, predsjednik Podkomiteta za alpske staze poslaće originalni primjerak homologacijskog certifikata podnosiocu zahtjeva, a kopije odgovarajućem nacionalnom skijaškom savezu i FIS uredu. Certifikat sadrži ime i tip staze i njene tehničke podatke. Registracioni broj certifikata pokazuje ukupan broj homologiranih staza, mjesec i godinu izdavanja homologacijskog certifikata. Certifikat će se izdati samo ako su plaćene sve obaveze.

650.6.5 *Isticanje važnosti zahtjeva za homologaciju*

Ako zahtjevani radovi nisu izvršeni u roku od pet godina od izvršene inspekcije i homologacija ne može biti odobrena, staza koja je u pitanju biće brisana sa liste neriješenih zahtjeva za homologaciju.

650.6.6 *Rok važnosti FIS homologacijskog certifikata*

650.6.6.1 *Za spust i super G staze*

Certifikat važi pet godina od dana njegovog izdavanja. Nakon toga mora se izvršiti ponovna homologacija.

650.6.6.2 *Za slalom i veleslalom staze*

Certifikat važi deset godina od dana njegovo izdavanja. Nakon toga mora se izvršiti ponovna homologacija.

- 650.6.6.3. Homologacijski certifikat važi sve dok nije došlo do prirodnih ili vještačkih promjena ili promjena u pravilima i zahtjevima.
Prirodne promjene su erozija, klizišta ili nagomilavanje zemljišta. Vještačke promjene su izgradnja zgrada, liftova, skloništa, parkova, ulica ili staza itd.
- 650.6.7 *Obavezni izvještaj*
Nacionalni skijaški savez koji je predložio homologaciju staze mora podnijeti izvještaj Podkomitetu za alpske staze kada se izvrši bilo koje od zahtijevanih poboljšanja na stazi.
- 650.6.8 *Objavljivanje*
FIS Ured objavljuje listu svih homologiranih staza.
- 650.6.9 *Odnos između homologacije, snijega i vremena kao i posebnih uslova*
Organizator se ne može u potpunosti osloniti na FIS homologaciju, već mora voditi računa o prevladajućim snježnim i vremenskim uslovima, tj. homologirana spust staza može biti nepogodna za održavanje spust trke kada snijeg nije dovoljno dubok, kada je neodgovarajuća površina snijega, gusta magla, jake snježne padavine, oluja ili kiša.


655 Takmičenja pod vještačkim svjetlom

- 655.1 Održavanje takmičenja pod vještačkim svjetlo je dozvoljeno
- 655.2 Osvjetljenje mora zadovoljiti sljedeće specifikacije:
- 655.2.1 Nivo svjetlosti na bilo kojem dijelu staze ne smije biti manji od 80 luksa, mjereno paralelno sa terenom. Osvjetljenje mora bit što je moguće ujednačenije.
- 655.2.2 Reflektori moraju biti tako postavljenida svjetlost ne mijenja topografiju piste. Svjetlo mora pokazati takmičaru pravu sliku terena i ne smije mijenjati dubinu i preciznost opažanja.
- 655.2.3 Svjetlo ne smije bacati takmičarevu sjenku na liniju vožnje i ne smije zasljepljivati takmičara.
- 655.3 TD zajedno sa žirijem mora unaprijed provjeriti da li svjetlost odgovara pravilima. Organizator mu mora obezbjediti mjerač svjetlosti sa korekcijom.
- 655.4 TD mora podnijeti dodatni izvještaj o kvalitetu osvjetljenja.

660 Uputstva za sudije na vratima

661 Kontrola prolaska (objašnjenje)

Spust, veleslalom i super G



661.1 Svaki sudija na vratima dobija kontrolni karton sa nepropusnim pokrivačem kada je to neophodno sa svaku vožnju sa sljedećim podacima:
- Ime i prezime sudije na vratima,
- Broj ili brojevi vrata za koje je on odgovoran
- Oznaka vožnje (prva ili druga)

661.2 Ako takmičar ne prođe ispravno kroz vrata (u paralelnom slalomu oznaku vrata) u skladu sa čl. 661.4, sudija na vratima mora odmah jasno zabilježiti u kontrolnom kartonu sljedeće:
- Startni broj takmičara.
- Broj vrata na kojima je učinjena greška.

661.2.1 Crtež počinjene greške je esencijalan.

661.3 Sudija na vratima mora takođe paziti da takmičar ne prima pomoć sa strane (napr. u slučaju pada) (čl.628.13). I najmanja pomoć sa strane donosi diskvalifikaciju. Ovakva greška mora biti takođe unešena u kontrolni karton.

661.4 Ispravan prolazak

661.4.1 Takmičar je ispravno prošao kroz vrata kada su oba vrha njegovih skija i oba stopala prošli liniju vrata. Ako takmičar izgubi skiju, bez počinjene greške tj. ako nije zajašio slalomski štap, tada vrh preostale skije i oba stopala moraju proći liniju vrata.
Ovo pravilo takođe važi kada se takmičar mora popeti natrag do vrata.

661.4.1.1 Linija vrata u spustu, veleslalomu i super G, gdje se vrata sastoje od dva para štapova sa banerima između njih, je zamišljena najkraća linija između dva unutrašnja štapa na nivou snijega (čl. 661, sl.1).

661.4.1.2 Linija vrata u slalomu je zamišljena najkraća linija između štapa oko kojek se okreće i vanjskog štapa (čl. 661, sl.2).

661.4.1.3 U slučaju da takmičar pomakne štap iz njegove vertikalne pozicije prije nego što su oba vrha takmičarevih skija i oba stopala prošla liniju vrata, vrhovi skija i stopala i dalje moraju proći originalnu liniju vrata (označenu na snijegu).

661.4.2 U paralel slalomu, prolaz je ispravan ako su oba vrha skija i oba stopala prošli sa vanjske stran oznake vrata u pravcu okreta (čl. 661, sl 3).

662 Značaj zadatka sudije na vratima

- 662.1 Svaki sudija na vratima treba izvanredno poznavati takmičarska pravila. Od sudije se traži da slijedi upute žirija.
- 662.2 Odluka koju donese sudija na vratima mora biti jasna i nedvosmislena i sudija na vratima mora označiti pogrešku samo kada je ubijeđen da je pogreška učinjena.
- 662.3 Sudija na vratima se može konsultovati sa sudijom na susjednim vratima da bi potvrdio svoje zabilješke. On čak može tražiti, preko člana Žirija, da se trke na kratko prekine, tako da on može provjeriti tragove na stazi.
- 662.4 Kada susjedni sudija na vratima, član žirija ili zvanični video kontrolor napravi izvještaj koji se tiče takmičara koji se razlikuje od odgovornog sudije na vratima, žiri može slobodno interpretirati taj izvještaj sa ciljem moguće diskvalifikacije takmičara ili odluke vezane za protest.

663 Davanje informacija takmičaru

- 663.1 Takmičaru je, u slučaju greške ili pada, dozvoljeno pitati sudiju na vratima da li je uradi grešku. Sudija na vratima, ukoliko je upitan, mora informisati takmičara ako je počinio grešku koja dovodi do diskvalifikacije.
- 663.2 Takmičar je sam u potpunosti odgovoran za svoje akcije i poštujući to on ne može smatrati odgovornim sudiju na vratima.

664 Trenutno objavljivanje diskvalifikacijske greške

- 664.1 Žiri može donijeti odluku da sudija na vratima odmah signalizira diskvalifikacijsku grešku podizanjem zastavice posebne boje, zvučnim signalom ili drugim sredstvima koja je obezbijedio organizator (čl. 670 video control).
- 664.2 Sudija na vratima mora zabilježiti sve pogreške na svom kaertonu neovisno o trenutnom objavljivanju.
- 664.3 Sudija na vratima je obavezan da da informaciju članu Žirija na njegov zahtjev.

665 Zadaci sudije na vratima po završetku 1. i 2. vožnje

- 665.1 Glavni sudija na vratima (ili njegov asistent) je dužan da sakupi sve kontrolne kartone sudija na vratima odmah nakon svake vožnje i da ih preda sudiji na cilju.

666 Zadaci sudije na startu po završetku takmičenja

- 666.1 Svaki sudija na vratima koji je zabilježio diskvalifikacijsku grešku ili koji je svjedok incidentu koji je imao za posljedicu ponavljanje vožnje mora biti na raspolaganju žiriju sve dok svi protesti nisu razmotreni.
- 666.2 Tehnički delegat je odgovoran da da slobodno sudiji na vratima koji čeka da ga Žiri pozove.

667 Dodatne dužnosti sudije na vratima

- 667.1 Od sudije na vratima se može tražiti da obavlja druge dužnosti nakon što obavli svoje zadatke uključujući:
- Zamijeniti štapove na vratima, poderane ili nestale zastavice,
- 667.2 Sudija na vratima treba pomagati u čišćenju staze i odstraniti sa staze sve oznake koje su postavili takmičari ili treća lica.
- 667.3 Takmičar koji je ometan tokom vožnje, odmah se mora zaustaviti i to prijaviti najbližem sudiji na vratima. Sudija mora upisati u kontrolnu kartu sve okolnosti pod kojima se desio incident i to staviti na raspolaganje Žiriju na kraju 1. ili 2. vožnje.

668 Mjesto i pomoć sudije na vratima

- 668.1 Sudija na vratima mora biti postavljen tako da može ispravno posmatrati teren ili vrata i dijelove staze koje treba da nadgleda, dovoljno blizu da može brzo reagovati, ali i dovoljno daleko da ne ometa takmičara. Mora stajati u bezbjednoj zoni.
- 668.2 Organizatori su obavezni da obuku sudije na vratima tako da budu lako prepoznatljivi. Metod identifikacije se mora razlikovati od boje zastavica na vratima.

- 668.3 Sudija na vratima treba biti na svojoj pozicije mnogo prije starta vožnje. Preporučuje se organizatorima da obezbjede sudije na vratima sa adekvatnom zaštitnom odjećom kao i osvježanjem tokom vožnje.
- 668.4 Bilo kakva oprema koju zahtjeva sudija na vratima da bi obavljao svoju dužnost treba biti obezbjeđena.
- 669 Broj sudija na vratima**
- 669.1 Organizator je odgovoran za obezbjeđenje dovoljnog broja kompetentnih sudija na vratima koji su u stanju da ovaljaju svoju dužnost.
- 669.2 Organizator mora obavijestiti Žiri o broju raspoloživih sudija na vratima za trening i posebno za trku.
- 669.3 Na zimskim olimpijskim igrama, FIS Svjetskim prvenstvima i FIS Svjetskom kupu, broj sudija na vratima na stazi određuje žiri..
- 670 Video kontrola**
Kad organizator ima tehničku opremu za službenu video kontrolu, Žiri može odrediti službenog video kontrolora. Dužnosti službenog video kontrolora su da osmatra pravilan prolazak takmičara kroz vrata.
- 680 Štapovi**
Svi štapovi koji se koriste u alpskim disciplinama opisani su kao slalomski štapovi i podijeljeni su na nesavijljive I savijljive štapove.
- 680.1 Nesavijljivi štapovi**
Okrugli, istovjetni štapovi sa promjerom između minimalnih 20 mm i maksimalnih 32 mm bez zglobova dozvoljeni su kao nesavijljivi štapovi. Moraju biti takve dužine da, kada se postave, budu oko 1.80 m izvan snijega i moraju biti napravljeni od kompaktnog materijala koji se ne komada (plastika, plastificirani bambus ili materija sa ličnim svojstvima).
- 680.2 Savijljivi štapovi**
Savijljivi štapovi imaju zglob sa federom. Oni moraju zadovoljavati FIS specifikacije.
- 680.2.1 *Korištenje savijljivih štapova*
Savijljivi štapovi moraju se koristiti za sva alpska takmičenja u FIS kalendaru izuzev u spustu. Upotreba savijljivih štapova na spustu može biti zahtjevana od stran žirija.
- 680.2.1.1 *Slalom*
Slalomski štapovi moraju biti obojeni u plavo ili crveno. Štap oko kojeg se okreće mora biti savijljiv.
- 680.2.1.2 *Veleslalom i super G*
U veleslalomu i super G koriste se dva para slalomskih štapova, a svaki par nosi baner. Baneri moraju biti pričvršćeni ili vezani tako da se mogu otrgnuti ili skinuti sa jednog štapa. Štap oko koga se okreće mora biti savijljiv.
- 680.2.2 FIS specifikacija za savijljive štapove
Svi detalji u pogledu konstrukcije i funkcionalnosti savijljivih štapova su regulisani u važećim FIS specifikacijama za savijljive štapove
- 690 Zastavice za Veleslalom i Super G (GS, SG)**
Zastavice moraju biti u skladu sa FIS Specifikacijom za sve veleslalome i Super G objavljene u FIS kalendaru. Lista homologiranih zastavica je objavljena na FIS web stranici. I dalje važe članovi 901.2.2 i 1001.3.2.
- 690.1 Skidanje u slučaju udara**
U praksi je cilj da se zastavica otkaçi u slučaju da se u nju zaplete (udari) takmičaru. Tokom testiranja u laboratorijama, simulirano je dejstvo udara od m=70 kg i brzine 75km/h. U ovakvom slučaju zastavica mora otpusti 10 puta od 10 udara.
- 690.2 Bez skidanja tokom normalnog udara u kapiju**
Tokom normalnog udara, zastavica se ne treba otkaçiti sa štapa. Tokom laboratorijskih testiranja sa udarom u kapiju 70 cm iznad snijega, brzinom od 75 km/h i m=70kg. Tokom tri seta testiranja, očekuje se da će biti 30 ponavljanja i udara a da se zastavica ne otkaçi.
- 690.3 **Propuštanje vjetra**
Zastavica mora biti napravljena od vjetropropusnog materijala.
- 690.4 **Oglašavanje na zastavicama**
Oglašavanje na zastavicama ne mije smanjiti vjetropropusnost i mehanizma oslobađanja.

3. Dio**Posebna pravila za različite discipline****700 Spust****701 Tehnički podaci**

701.1 Vertikalni pad

701.1.1 Staze za muškarce

Za Zimske olimpijske igre, Fis Svjetska prvenstva, FIS Svjetski kup i FIS Kontinentalne kupove

- 800 m (u izuzetnim slučajevima 750 m, za kontinentalne kupove 550 m) - 1100.

Za sve druge FIS trke:

- 500 m - 1100 m (juniori 700 m)

701.1.2 Staze za žene

Za sva takmičenja:

- 500 do 800 m

701.1.3 Entry league takmičenja:

U jednoj vožnji:

- minimum 400 do 500 m

U dvije vožnje

- minimum 350 do 500 m

Staza mora biti homologirana za Spust sa oznakom startnih i ciljnih pozicija za entry league.

701.2 Dužina staze

Dužina staze treba da se izmjeri mjernom trakom ili točkom I odštampana na startnoj i rezultatskoj listi.

701.3 Vrata

701.3.1 Vrata za spust se sastoje od 4 slalomska štapa i dvije zastavice.

701.3.1.1 Staze su označene crvenim ili plavim vratima (vidi 701.3.2).

701.3.1.2 Ukoliko i muškarci i žene koriste istu stazu, dodatna vrata za žene moraju biti označena plavom bojom.

701.3.2 Za zastavice se koristi pravougaoni komadi tkanine, otprilike 0.75 m širok i 1 m visoki. Oni se moraju pričvrstiti na štapove tako da ih takmičari mogu što je lakše moguće prepoznati. Umjesto crvene tkanine može se koristiti tkanina svjetleće narandžaste boje. U slučajevima kada je sigurnosna mreža iste boje kao zastavice na vratima (crvena ili plava) i gdje se vrata ne mogu jasno vidjeti zbog takve pozadine alternativna boja zastavica može se koristiti (crvena ili plava).

701.3.3 Širina vrata mora biti najmanje 8 m.

702 Staze**702.1 Zajednička pravila za spust staze (za muškarce i žene)**

Spust staze za Zimske olimpijske igre, FIS Svjetska prvenstva i FIS Svjetski kup moraju biti posebno pregledane, pri čemu se, uz tehničke podatke, pažnja mora usmjeriti na to da ove staze ne samo da moraju zadovoljiti uslove već moraju biti i tehnički zahtjevne, kao i pogodne za medije.

702.2 Opšte karakteristike staza

Spust karakterišu pet komponenti tehnika, hrabrost, brzina, rizik i kondicija. Mora biti omogućeno skijanje spust stazom od starta do cilja sa različitim brzinama.

702.3 Posebni propisi za izgled staze

Prirodne neravnine na tlu mogu biti ostavljene kako jesu.

Pristupi rubovima ili padovima koji vode skokovima moraju teći ravnomjerno sa blagim padom. Na vanjskim stranama krivine moraju se planirati sigurnosne instalacije ukoliko je to potrebno.

Ove staze moraju normalno biti široke oko 30 m. Inspektor koji je zadužen za homologaciju staze određuje da li je ta širina dovoljna i ako je potrebno može narediti njeno proširenje. On takođe može dozvoliti širinu manju od 30 m zavisno do linije i zahtjeva terena, sve dok prostor staze prije i poslije suženja to dozvoljavaju. Prepreke na koje mogu naići takmičari pri napuštanju staze moraju biti što je moguće bolje zaštićene sa visokim zaštitnim mrežama, sigurnosnim ogradama, spužvama, snježnim zidovima, slamom u vrećama ili sličnim prigodnim sredstvima ako je potrebno, zajedno sa navlakama. Nezaštićene vezane bale slame ne smiju se koristiti.

- 702.4 Transportna sredstva**
Pristup startu mora biti obezbijeđen pomoću lifta ili "Shuttle" servisom.
- 703 Postavljanje staze**
- 703.1 Postavljanje vrata**
- 703.1.1 Vrata moraju biti postavljena tako da ocrtavaju željenu liniju trke.
- 703.1.2 Prije teških skokova ili teških prolaza brzina mora biti kontrolisana pomoću odgovarajućeg postavljanja staze gdje je to moguće.
- 703.1.3 Na mjestima gdje vanjski štapovi moraju biti uklonjeni unutrašnji štap služi kao vrata.
- 703.2 Priprema i pregled staze**
- 703.2.1 Za sva spust takmičenja navedena u FIS kalendaru, staza za trku mora biti potpuno pripremljena i spremna za trku prije prvog pregleda Žirija. Ona mora biti raspoloživa sa svom opremom kako je to navedeno u tehničkom uputstvu ili homologacijskom izvještaju, ili kako je dogovoreno između organizatora i FIS prije dolaska timova.
- 703.2.2 Prije početka treninga na prvi dan službenog treninga, mora se obaviti pregled od strane Žirija zajedno sa tehničkim savjetnikom ako je prisutan i u principu sa vođama timova ili trenerima.
- 703.2.3 Prije starta prvog zvaničnog treninga takmičara treba da ogledaju kompletnu stazu noseći startne brojeve. Vrijeme ogleda određuje žiri.
- 703.2.4 članovi Žirija moraju na raspolaganju da prime zahtjeve i sugestije u vezi sa stazom, treningom itd. , od takmičara i trenera.
- 704 Službeni trening**
Za trening u spustu na Zimskim olimpijskim igrama , FIS Svjetskim prvenstvima, FIS Svjetskom kupu i FIS Kontinentalnom kupu mogu se donijeti specijalni propisi.
- 704.1 Obaveza učesća**
Službeni trening čini neodvojivi dio takmičenja. Takmičari su obavezni da učestvuju na treningu. Ako su dozvoljene zamjene, one takođe moraju učestvovati na službenom treningu.
- 704.2 Trajanje**
Tri dana trebaju biti predviđena za pregled i službeni trening.
- 704.2.1 Žiri može odobriti smanjenje na dva trenažna dana ili najmanje jednu trening vožnju.
- 704.2.2 Nije obavezno da se službeni treninzi održe uzastopnih dana.
- 704.3 Pripreme za trku**
Svi uređaju (start, staza ciljni prostor) moraju biti potpuno spremni kao za trku na prvi dan službenog treninga.
- 704.3.1 Sve prepreke za kontrolu publike moraju biti postavljene.
- 704.4 Prva pomoć i medicinski servis**
Prva pomoć i medicinski servis moraju biti potpuno operativni tokom čitavog treninga.
- 704.5 Prednost na vertikalnom transportu koji vozi na start**
Organizatori moraju obezbijediti da takmičari i posebno službeno osoblje imaju osiguran prioritet na sredstvima vertikalnog transporta da bi bili u mogućnosti da koriste vrijeme treninga bez čekanja.
- 704.6 Brojevi za trening**
Za sve službene trening vožnje takmičari moraju nositi startne brojeve kao i na trci.
- 704.7 Startni redosljed**
Sudija na startu ili službeno lice određeno od strane Žirija moraju provjeriti u startnoj listi da takmičari startaju prema redosljedu trening brojeva, kao i da se održava startni interval od najmanje 40 sek.
- 704.8 Mjerenje vremena na treningu**
- 704.8.1 Tokom najmanje jednog od dva posljednja dana treninga vrijeme se mora mjeriti.

- 704.8.2 Zabilježena vremena u različitim vožnjama jednog dana treninga moraju biti objavljena isticanjem liste rezultata sa treningu ili preko zvučnika. može se koristiti oglasna tabla. U svakom slučaju vremena moraju biti data vođama timova najkasnije na sastanku vođa timova.
- 704.8.3 Takmičar mora učestvovati na najmanje jednoj trening vožnji sa mjerenjem vremena.
- 704.8.4 U slučaju pada, ili zaustavljanja ili preticanja tokom trenažne vožnje, takmičar mora napustiti stazu. Nastavljanje vožnje niz spust stazu tokom tekućeg treninga nije dozvoljeno. On se, međutim, može kretati do cilja ivicom staze.
- 704.8.5 U slučaju atmosferskih promjena (snježnih padavina i sl) između zadnjeg trenažnog dana i dana trke, može se organizovati pregled staze za takmičare na dan trke u pratnji članova Žirija.
- 704.8.6 Kad god je to moguće, jedan trening se mora održati u isto vrijeme dana u koje je predviđena i trka.

705 **Žute zone**

705.1 **Ogled staze**

Žiri može ako treba, uspostaviti žute zone za trening i trku. Ono moraju biti opremljene sa žutim ili žuto/crnim zastavicama kojima se može mahati da bi se upozorio sljedeći takmičar. Zone moraju biti određene prije prvog pregleda staze i moraju biti prepoznatljive takmičarima.

705.2 **Trening**

Kada je takmičar zaustavljen u treningu unutar žute zone, on ima pravo da ponovo starta od tačke gdje je bio zaustavljen. Na zahtjev takmičara, odgovarajući član Žirija može mu dozvoliti ponovni start, ako je to moguće sa stanovišta organizacije i potrebnog odgađanja. U tom slučaju takmičar je odgovoran da se javi startnom sudiji prije posljednjeg takmičar, inače će dozvola za ponovni start biti povučena.

705.3 **Trka**

Kada je takmičar zaustavljen tokom trke on ima pravo na ponovni start pod uslovom da Žiri smatra to mogućim sa organizacionog stanovišta. Žiri osigurava da takmičar koji ponavlja starta prije zadnjeg takmičara na startu.

705.4 **Obaveza**

Kada je takmičaru signalizirano žutom zastavicom on se mora odmah zaustaviti ili će biti diskvalifikovan.

705.5 **Naredbe**

Na naredbu "start stop!" startni sudija mora odmah zatvoriti start. Na naredbu "start stop, zastavica stop!" ("start stop, flag stop!") startni sudija mora odmah zatvoriti start. Sudija na startu mora odmah odgovoriti preko radio veze da je start zatvoren, i reći broj takmičara koji je posljednji startao kao i broj takmičara koji je zadržan na startu ("potvrđujem start je zatvoren, broj 23 na stazi, broj 24 na startu"). Član žirija koji je tražio "start stop" je odgovoran za traženje žute zastavice koja je neophodna da se zaustavi takmičar na stazi.

706 **Izvođenje spusta**

706.1 **Spust u jednoj vožnji**

Spust će se održati u jednoj vožnji.

706.2 **Spust u dvije vožnje**

- 706.2.1 Ako topografija tla ne dozvoljava spust sa traženim vertikalnim padom kako je propisano Međunarodnim pravilima skijaških takmičenja, može se organizovati spust u dvije vožnje.
- 706.2.2 Vertikalni pad mora biti najmanje 450 m.
- 706.2.3 Plasman će se odrediti sabiranjem dvije vožnje. Koristiće se pravilo "Startni redosljed za drugu vožnju" (čl.621.10).
- 706.2.4 Sva pravila za za spust važe za trke u dvije vožnje. Žiri će odlučivati u slučajevima problema izazvanih stazom, treningom i dvije trke.
- 706.2.5 Obje trke moraju biti vožene u istom danu.
- 706.2.6 Svaki nacionalni skijaški savez može izvesti dvije spust trke u dvije vožnje bez obračuna specijalnih kazni.

707 **Zaštitna kaciga**

Svi takmičari i predvozači u spustu su obavezni da nose zaštitnu kacigu koja odgovara specifikacijam za takmičarsku opremu. Kacige koje se koriste u FIS sportovima moraju biti specifično dizajnirani i proizvedeni za pojedinu disciplinu i morasju imati CE oznaku i biti u skladu sa priznatim i odgovarajućim standardima kao što su: CEE 1077 or US 2040, ASTM F2040, SNELL S98 ili RS98, itd.

- 800 Slalom**
- 801 Tehnički podaci**
- 801.1 Vertikalni pad**
- 801.1.1 Staze za muškarce*
 Za zimske olimpijske igre, FIS svjetska prvenstva I FIS svjetski kup:
 - 180 - 220 m
 Za sve ostale FIS trke:
 - 140 - 220 m
 U zemljama u kojima se ne mogu ostvariti staze sa ovalnim vertikalnim padom, Podkomitet za alpske staze može smanjiti minimalni vertikalni pad za slalom na 120 m.
- 801.1.2 Staze za žene*
 Za zimske olimpijske igre, FIS svjetska prvenstva I FIS svjetski kup:
 - 140 - 220 m
 Za sve ostale FIS trke:
 - 120 - 200 m
- 801.1.3 Staze za djecu*
 - Djeca I: maksimum 120 m
 - Djeca II: maksimum 160 m
- 801.1.4 Enrty Leagu takmičenja, žene i muškarci:
 - 80 do 120 m (muškarci 140)
 Takmičenja u 3 vožnje:
 - minimum 50 m
- 801.2 Vrata**
- 801.2.1 Slalomski vrata se sastoje od dva slalomski štapa (čl. 680).
- 801.2.2 Uzastopna vrata se moraju smjenjivati po boji, plavoj i crvenoj.
- 801.2.3 Vrata moraju biti najmanje 4, a najviše 6 m široka. Razmak između dvoja vrata unutar kombinacije (kratka i duga vertikala) ne smije biti manji od 0.75 m.
 Razmak između štapova oko kojih se okreće kod uzastopnih otvorenih ili zatvorenih vrata ne smije biti manji od 6 m, i ne veći od 13 m. (vrijedi za sve kategorije/nivoa).
 Izuzetak Djeca 1 i 2 ne veći od 12 m.
 Lukovi (banana ili lakat) moraju imati razmak od najmanje 12 m i maksimalno 18 m od okretnog štapa do okretnog štapa
- 801.2.4 *Broj promjena pravca*
 Za zimske olimpijske igre, FIS svjetska prvenstva, FIS svjetski kup, FIS kontinentalne kupove, Entry League trke i dječije trke:
 30% - 35% visinske razlike, + / - 3 promjena pravca.
- 802 Staze**
- 802.1 Opšte karakteristike staze**
- 802.1.1 Na zimskim olimpijskim igrama I FIS svjetskim prvenstvima staza mora biti postavljena na padini sa stepenom nagiba od 33 do 45%. Pad može biti čak i ispod 33%, ali smije prelaziti 52% samo na kratkim dijelovima staze.
- 802.1.2 Idealna slalomski staza, imajući u vidu gore specificirani pad I stepen nagiba, mora uključivati i seriju zavoja postavljenih tako da omogućuje takmičaru da kombinuje brzu vožnju sa skladnim i preciznim okretima.
- 802.1.3 Slalom mora dozvoljavati brzo izvođenje svih okreta. Staza ne smije zahtijevati akrobatska znanja nespojiva sa normalnom tehnikom skijanja.
 Ona mora biti tehnički smišljena kompozicija figura primjerenih terenu, vezana pojedinačnim i višestrukim vratima, dozvoljavajući tečnu vožnju, ali i testirajući najranovrsnije skijaške tehnike, uključujući promjene pravca sa vrlo različitim radijusima.
 Vrata nikad ne smiju biti postavljena samo niz liniju pada, već tako da zahtijevaju i neke pune okrete, prošarano sa skretanjima.
- 802.1.4 *Priprema staze*
 Slalomski takmičenja moraju se voziti na pisti koja je što je moguće tvrda. Ako pada snijeg tokom trke, šef staze mora osigurati da se on utaba ili, ako je moguće, ukloni sa staze.

802.2 Širina
Staza mora normalno biti široka 40 m, ako se na istom terenu postavljaju obje vožnje.

803 Postavljanje staze

803.1 Postavljači staze

803.1.1 Pregled slalomske padine
Pregled mora izvršiti postavljач staze prije nego što postavi stazu. Slalom mora odgovarati prosječnim sposobnostima prvih 30 takmičara.

803.2 Broj vrata i kombinacija vrata

Slalom mora sadržavati horizontalna (otvorena) i vertikalna (zatvorena) vrata, kao i minimum od jedne i maksimum od tri vertikalne kombinacije koje se sastoje od troja do četvera vrata i od najmanje tri "šnala"-kombinacije. Slalom treba imati minimalno jedan a maksimalno 3 luka (banana, lakat).

803.2.1 Djeca


- Djeca I: Maksimalno 2 šnala kombinacije (kratke vende) I maksimalno 1 vertikalna kombinacija sastavljena od maksimalno 3 vrata (duga venda).
- Djeca II: Maksimalno 3 šnala kombinacije I maksimalno 2 vertikalne kombinacije sastavljene od 3 do maksimalno 4 vrata.

Staza ne bi trebala da ima posebne tehničke teškoće.

Saviljivi štapovi moraju biti lagani štapovi (radijusa 25 – 28.9 mm).

803.3 Vrata i Kombinacija vrata

Najvažniji tipovi vrata i kombinacija vrata su: : otvorena vrata, zatvorena vertikalna vrata, vertikalne kombinacije, šnala (kratka vertikala) i lukovi (banana, lakat).



- 803.4 Postavljanje**
U postavljanju slaloma moraju se poštovati sljedeći principi:
- 803.4.1 Izbjegavanje monotonih serija standardiziranih kombinacija vrata.
- 803.4.2 Vrata, koja primoravaju takmičare na iznenadno oštro kočenje moraju se izbjegavati, jer ona smanjuju tečnost vožnje bez povećavanja težine koju moderni slalom mora imati.
- 803.4.3 Preporučljivo je da se prije teške kombinacije vrata postave bar jedna vrata koja dozvoljavaju takmičaru da skija kroz tešku kombinaciju pod kontrolom.
- 803.4.4 Nije preporučljivo da se teške figure postavljaju na samom početku ili kraju staze. Posljednja vrata moraju biti prilično brza, tako da takmičar prođe cilj dobrom brzinom.
- 803.4.5 Posljednja vrata ne smiju biti blizu cilja; ona moraju usmjeriti takmičara prema srednjem dijelu cilja. Ako širina padine tako zahtijeva, zadnja vrata mogu biti zajednička za obje staze, obezbjeđujući da se očuva propisano smjenjivanje plavih i crvenih vrata.
- 803.4.6 Slalom štapovi moraju biti učvršćeni (zavrnuti) od strane šefa staze ili njegovog asistenta odmah nakon što su postavljena tako da postavljач može nadzirati tu operaciju.
- 803.5 Provjera slalom staze**
Žiri mora provjeriti da je staza spremna za trku kada ju je postavljач postavio, obraćajući posebnu pažnju da li su:
- slalomski štapovi čvrsto pričvršćeni (prišarafljeni),
 - vrata postavljena po pravom redosljedu boja,
 - označene pozicije štapova,
 - brojevi na vanjskim štapovima postavljani u pravom redosljedu,
 - štapovi dovoljno visoko iznad snijega,
 - dvije slalomske staze dovoljno udaljene jedna od druge kako bi se izbjegla zabuna kod takmičara,
 - rezervni štapovi korektno postavljani da ne smetaju takmičarima,
 - start i cilj u saglasnosti sa čl. 613 i 615.
- 804 Ogled staze**
- 804.1 Staza mora biti u idealnom voznom stanju od vremena kada takmičari počnu ogled i takmičari ne smiju biti ometani od radnika na stazi. Žiri odlučuje o načinu ogleda. Takmičari moraju nositi startne brojeve. Oni ne smiju skijati pripremljenom stazom ili kroz vrata. Nije im dozvoljeno da ulaze na stazu bez skija.
- 804.2 Apsolutno je bitno da postoji pripremljena padina za trening blizu starta.
- 805 Start**
- 805.1 Startni intervali**
Start u slalomu se odvija u nepravilnim intervalima. Šef mjerenja vremena i obračuna rezultat ili njegov specijalni pomoćnik govore starteru kada svaki takmičar treba da starta u saglasnosti sa Žirijem. Takmičar na stazi ne mora proći cilj prije nego što starta sljedeći takmičar.
- 805.2 Startni redosljed**
- 805.2.1 U prvoj vožnji startuje se prema startnim brojevima.
- 805.2.2 Za drugu vožnju vidi čl. 621.10.
- 805.3 Startni znak**
čim je starter primio naredenje za sljedeći start, on upozorava takmičara sa "Ready", "Attention", "Achtung" i nekoliko sekundi kasnije daje startni znak "Go!", "Partez!", "Los!". Takmičar mora startovati u roku od 10 sekundi od ove naredbe.
- 805.3.1 Takmičar se mora pojaviti na startu najkasnije jedan minut nakon što je bio pozvan od strane službenog lica. Ranije startno vrijeme do koga je došlo zbog nedolaska prethodnog takmičara mora se uzeti u obzir. Startni sudija može međutim, dozvoliti kašnjenje koje je po njegovom mišljenju izazvano "višom silom". U sumnjivim slučajevima on može dozvoliti takmičaru tzv. uslovni start ubacujući ga u normalni startni redosljed. Startni sudija će donijeti potrebne odluke.
- 805.4 Ispravan i pogrešan start**
Svaki takmičar mora startovati u skladu sa članom 805.3, inače će biti diskvalifikovan.

806 Izvođenje slaloma**806.1 Dvije vožnje**

Slalom uvijek mora biti odlučan sa dvije vožnje na dvije različite staze. Staze se moraju koristiti jedna nakon druge redosljedom koji odredi Žiri. Podjela takmičara u dvije grupe koje startaju istovremeno na obje staze nije dozvoljena. Kad god je moguće, obje vožnje se moraju održati u istom danu.

806.2 Ograničenja u drugoj vožnji

Žiri ima pravo da smanji broj takmičara u drugoj vožnji na polovinu, pod uslovom da je obavještenje o tome dato u pozivu ili istaknuto na službenoj oglasnoj tabli prije nego što je trka počela i na sastanku vođa timova prije izvlačenja startnih brojeva.

806.3 Video i filmska kontrola

Na zimskim olimpijskim igrama, FIS svjetskim prvenstvima I FIS svjetskom kupu, Organizacioni komitet mora obezbijediti snimanje na video tako da cijeli slalom može biti snimljen. Na drugim trkama iz Međunarodnog skijaškog kalendara, video I filmska kontrola se preporučuje.

807 Zaštitna kaciga

Svi takmičari i predvozači u spustu su obavezni da nose zaštitnu kacigu koja odgovara specifikacijam za takmičarsku opremu. Kacige koje se koriste u FIS sportovima moraju biti specifično dizajnirani i proizvedeni za pojedinu disciplinu i moraju imati CE oznaku i biti u skladu sa priznatim i odgovarajućim standardima kao što su: CEE 1077 or US 2040, ASTM F2040, SNELL S98 ili RS98, itd.

900 Veleslalom**901 Tehnički podaci**

901.1 *Staze za muškarce*
- 250 – 450 m.

901.2 *Staze za žene*
- 250 – 400 m.

901.1.3 Za zimske olimpijske igre, FIS svjetska prvenstva i FIS svjetski kup minimalan vertikalni pad je 300m (Muškarci i žene).

901.1.4 *Staze za Djecu*
- Djeca I: maksimalno 250 m
- Djeca II: maksimalno 250 m u slučaju dvije vožnje i maksimalno 300 m u slučaju samo jedne vožnje.

901.1.5 *Entry League Muškarci i žene*
- 200 – 250m

901.2 Vrata

901.2.1 Veleslalom vrata se sastoje od 4 slalomska štapa i dvije zastavice.

901.2.2 Vrata moraju biti naizmjenično crvena i plava. Baneri trebaju biti najmanje oko 75 cm široki i oko 50 cm visoki. Oni su pričvršćeni između štapova tako da je donja ivica banera najmanje 1 m iznad snijega i moraju biti podložni cijepanju i kidanju (vidi čl. 680.2.1.3).

901.2.3 Vrata moraju biti široka najmanje 4, a najviše 8 m široka. Razmak između dva najbliža štapa dvije uzastopne kapije ne smije biti manji od 10 m. Za zatvorena vrata, zastavice moraju biti oko 30 cm široke i približno 50 cm visoke.

901.2.4 Veleslalom se mora postaviti na sljedeći način:
11 – 15 % vertikalnog pada u metrima = broj promjena pravca zaokružen na cijeli broj.
Djeca: 13 – 15% vertikalnog pada.
Entry League: 13 – 15% vertikalnog pada.

- 902 Staze**
- 902.1 Opšte karakteristike staza**
 Teren mora biti talasast i brdovit ako je moguće. Staza bi trebala normalno imati širinu od oko 40 m. Inspektor ovlašten za homologaciju staze odlučuje da li je širina odgovarajuća i, ako je potrebno, naređuje njeno proširenje. On može takođe dozvoliti širinu manju od 40 m zavisno od linije i zahtjeva terena, tako dugo dok to dijelovi staze prije i poslije suženja dozvoljavaju.
- 902.2 Priprema staze**
 Staza mora biti pripremljena kao za spust. Dijelovi staze na kojima su vrata i gdje takmičari mijenjaju pravac moraju biti pripremljeni kao u slalomu.
- 903 Postavljanje staze**
- 903.1 Postavljanje**
 U postavljanju staze za super G moraju se imati u vidu sljedeći principi:
- 903.1.1 Prva vožnja treba da bude postavljena dan prije trke. Obje vožnje mogu biti postavljene na istoj stazi ali druga vožnja mora biti drugačije postavljena.
- 903.1.2 Stručno korištenje terena pri postavljanju veleslaloma je, u većini slučajeva, čak i važnije nego u kod slaloma, pošto su kombinacije okreta manje važne zbog većeg razmaka između vrata i širine istih. Zbog toga je bolje da se postavljaju uglavnom jednostruka vrata, uz što je moguće bolje iskorištenje terena. Kombinacije mogu biti postavljene, ali uglavnom samo na nezanimljivom terenu.
- 903.1.3 Veleslalom se sastoji od različitih dugih, srednjih i kratkih okreta. Takmičar bi trebao da ima slobodu u izboru svoje najbolje linije između vrata. Puna širina staze treba biti korištena gdje god je to moguće.
- 903.1.4 Postavljač staze pri postavljanju staze za djecu treba obratiti posebnu pažnju na fizičke sposobnosti takmičara.
- 904 Ogled staze**
 Staza će biti zatvorena za trening na dan takmičenja. Vrata moraju biti postavljena najmanje jedan sat prije starta trke. Takmičarima je dozvoljeno da prouče stazu nakon što je ona postavljena, ili penjući se na skijama ili spuštajući se polako pored staze. Žiri odlučuje o načinu ogleda. Skijanje kroz vrata ili vježbanje okreta paralelnih postavci staze je zabranjeno. Takmičari moraju nositi svoje startne brojeve.
- 905 Start**
- 905.1 U prvoj vožnji prema startnim brojevima (čl. 621.3 i 622).
- 905.1 Startni redosljed za drugu vožnju prema čl. 621.10.
- 906 Izvođenje Veleslaloma**
- 906.1 Veleslalom se mora uvijek voziti u dvije vožnje (žene i muškarci). Druga vožnja može biti vožena na istoj padini ali postavka vrata mora biti drugačija (preštekana). Kad god je to moguće, obje vožnje se trebaju održati istog dana.
- 906.2 Veleslalom za djecu I se izvodi u jednoj vožnji. Veleslalom za djecu II može biti održan u dvije vožnje. Djeca moraju nositi kacige koje su u skladu sa specifikacijom za takmičarsku opremu.
- 906.3 Video kontrola
 I za veleslalom se primjenjuje čl. 806.3 – ukoliko je to moguće.
- 907 Zaštitna kaciga**
 Svi takmičari i predvozači u spustu su obavezni da nose zaštitnu kacigu koja odgovara specifikacijam za takmičarsku opremu. Kacige koje se koriste u FIS sportovima moraju biti specifično dizajnirani i proizvedeni za pojedinu disciplinu i morasju imati CE oznaku i biti u skladu sa priznatim i odgovarajućim standardima kao što su: CEE 1077 or US 2040, ASTM F2040, SNELL S98 ili RS98, itd.


- 1000 Super G**
- 1001 Tehnički podaci**
- 1001.1.1 Staze za muškarce*
- 400 - 650 m
- 1001.1.2 Staze za žene*
Za zimske olimpijske igre, FIS svjetska prvenstva i FIS svjetske kupove:
- 400 - 600 m
Za sva druga FIS takmičenja:
- 350 - 600 m
- 1001.1.3 Staze za Djecu*
Djeca I: minimalno 225 m, maksimalno 350 m
Djeca II: minimalno 250 m, maksimalno 450 m
- 1001.1.4 Entry League Muškarci
- 350 – 500m
- 1001.2 Dužina staze**
Dužina staze mora se izmjeriti sa mjernom trakom (metrom) ili točkom ili GPS-om i mora biti objavljena u startnoj i rezultatskoj listi.
- 1001.3 Vrata**
- 1001.3.1 Super G vrata sastoje se od četiri slalomska štapa (čl. 690) I dvije zastavice.
- 1001.3.2 Vrata moraju biti naizmjenično crvena i plava. Baneri trebaju biti najmanje oko 75 cm široki i oko 50 cm visoki. Oni su pričvršćeni između štapova tako da je donja ivica banera najmanje 1 m iznad snijega i moraju biti podložni cijepanju i kidanju (vidi čl. 680.2.1.3).
- 1003.3.3 Vrata moraju biti široka najmanje 6, a najviše 8 m široka mjereno od unutrašnjeg do unutrašnjeg štapa na otvorenim vratima i najmanje 8, a najviše 12 m za verikalna vrata. Baneri su pričvršćeni na način da se mogu poderati i otkinuti.
- 1001.3.4 Super G mora biti postavljen na sljedeći način: 10% vertikalnog pada = maksimalan broj vrata, odnosno promjena pravca. Ukoliko je visinska razlika između 400 i 500 m minimalno 32 promjene pravca moraju biti postavljene, a ukoliko je visinska razlika između 500 i 600 m, minimalno 35 promjena pravca mora biti postavljeno za muškarce. Mora biti postavljeno minimalno 30 vrata za žene.. Minimalan broj vrata (Muškarci: 35, Žene: 30) odnosi se samo na ona vrata koja zahtijevaju promjenu pravca.
Ukoliko žene i muškarci koriste istu stazu (isti start i cilj), pravilo za muškarce je važeće i za žene (32 ispod 500 m i 35 iznad 500m visinske razlike).
Razmak između štapova oko kojih se okreće na dvojna uzastopna vrata mora biti najmanje 25 m (izuzetak: čl. 1003.1.1).
Djeca I i II: minimum 8% vertikalnog pada a maksimalno 10% vertikalnog pada.
Entry League Muškarci: minimum 10% vertikalnog pada
- 1002 Staze**
- 1002.1 Opšte karakteristike staza**
Teren mora biti talasast i brdovit ako je moguće. Staza bi trebala normalno imati širinu od oko 30 m. Inspektor ovlašten za homogaciju staze odlučuje da li je širina odgovarajuća i, ako je potrebno, naređuje njeno proširenje. On može takođe dozvoliti širinu manju od 30 m zavisno od linije i zahtjeva terena, tako dugo dok to dijelovi staze prije i poslije suženja dozvoljavaju.
- 1002.2 Priprema staze**
Staza mora biti pripremljena kao za spust. Dijelovi staze na kojima su vrata i gdje takmičari mijenjaju pravac moraju biti pripremljeni kao u slalomu.
- 1002.3 Slobodno skijanje na takmičarskoj padini**
Takmičaru mora biti data mogućnost da slobodno skija na zatvorenoj takmičarskoj padini prije nego što je staza postavljena, ako je to moguće.
- 1003 Postavljanje staze**
- 1003.1 Postavljanje**
U postavljanju staze za super G moraju se imati u vidu sljedeći principi:

- 1003.1.1 Preporučuje se postavljanje vrata koje omogućava najbolje korištenje terena. Kombinacije vrata prema čl. 803.3 dozvoljene su u malim brojevima. Razmak između uzastopnih štapova oko kojih se okreće u ovom slučaju može biti manja od 25 metara, ali mora biti najmanje 15 m.
- 1003.1.2 Super G mora sadržavati ranovrsne duge i srednje okrete. Takmičar mora biti apsolutno slobodan da odabere svoju liniju između vrata. Nije dozvoljeno postavljanje samo niz liniju pada padine.
- 1003.1.3 Gdje teren to dozvoljava moraju biti postavljeni skokovi.
- 1003.1.4 Dječiji Super G treba da se postavi u formi koja varira. Osnovna forma treba da se sadrži od skokova i elemenata glajta (klizanja). Izbor staze i postavke vrata treba da prati brzinu i nivo dječijeg skijanja. Okreti treba da su radijusa kao i u veleslalomu. Djeca treba da se priviknu na jednu kontrolisanu brzinu i da usavrše sposobnost glajtanja (klizanja).
- 1004 Ogled staze**
- 1004.1 Takmičari imaju pravo da prouče konačnu postavku staze na dan trke skijajući sa strane staze malom brzinom ili bočno kličući kroz vrata (ogled). Takmičari moraju nositi startne brojeve.
- 1004.2 Žiri određuje metod ogleda.
- 1004.3 Trebalo bi da se održi tening vožnja na stazi za djecu bez mjerenja na dan trke.
- 1005 Start**
Starni redosljed i startni interval utvrđuje se prema čl. 621.3 i 622.
- 1006 Izvođenje super G**
Super G se izvodi u jednoj vožnji.
- 1007 Zaštitna kaciga**
Svi takmičari i predvozači u spustu su obavezni da nose zaštitnu kacigu koja odgovara specifikacijam za takmičarsku opremu. Kacige koje se koriste u FIS sportovima moraju biti specifično dizajnirani i proizvedeni za pojedinu disciplinu i morasju imati CE oznaku i biti u skladu sa priznatim i odgovarajućim standardima kao što su: CEH, DIN 1077, ASTM F2040, SNELL S98 ili RS98, itd.
- 1008 Žute zone**
Čl. 705 primjenjuje se i u super G.
- 1100 Paralel takmičenja**
- 1101 Definicija**
Paralel trka je takmičenje u kojem dva ili više takmičara voze istovremeno jedan pored drugog niz dvije ili više staza. Postavljanje staza, konfiguracija tla i priprema snijega moraju biti što identičniji.
- 1102 Vertikalni pad**
Vertikalni pad staze mora biti između 80 i 100 m. Mora biti između 20 i 30 vrata, ne računajući start i cilj. Vrijeme vožnje za svaku trku mora biti između 20 i 25 sekundi.
Djeca I: maksimalno 60 m i 12 – 15 vrata
Djeca II: maksimalno 80 m i 15 – 22 vrata.
- 1103 Izbor i priprema staze**
- 1103.1 Izaberite padinu dovoljno široku da dozvoli dvije ili više staza, poželjno blago udubljenu (koja dozvoljava pregled staze sa jedne tačke). Varijacije terena moraju biti iste preko površine padine. Planovi staze moraju imati isti profil i iste teškoće.
- 1103.2 Preko cijele širine izabrane padine, snijeg mora biti ujednačeno tvrd, pripremljen slično kao na stazi za slalom, tako da se mogu ponuditi isti uslovi za vožnju na obje staze.
- 1103.3 Lift uz stazu je neopohodan kako bi se obezbijedilo da se trke odvijaju glatko i brzo.
- 1103.4 Staza mora biti potpuno zatvorena ogradama. Preporučuje se da se ogradi mjesto rezervisano za trenere, takmičare i servisere.
- 1104 Staze**
- 1104.1 Svaka staza je označena serijom vrata, štapova ili oznaka krivina; svaka oznaka vrata sastoji se od dva slalomska štapa sa trakom širokom oko 30 i visinom oko 70 cm razvučenom između njih i pričvršćenom tako da se može poderati ili otkinuti.

- 1104.2 U slučaju kada imamo samo dvije staze, štapovi i zastavice su crvene na lijevoj stazi idući prema dolje, i plave na drugoj stazi. Ako ima više od dvije staze, organizator mora koristiti različite boje za druge staze, zelenu ili narandžastu. Donja ivica trake mora biti najmanje oko 1 m iznad snijega.
- 1104.3 Isti postavljatelj postavlja staze i osigurava da su identične i paralelne. On mora osigurati da staza teče glatko i da ima raznovrsne krivine (vrlo izražene krivine) i da staza zathjeva promjenu ritma. Ni u jednom slučaju ova trke ne smije ličiti na dugu pravolinijsku vožnju od vrha do dna.
- 1104.4 Prva vrata u svakoj stazi moraju biti postavljena na najmanje 8, a najviše 10 m od starta.
- 1104.5 Neposredno pred ciljnu liniju, poslije zadnje oznake vrata, razdvojenost dviju staza mora biti dobro definisana tako da one usmjeravaju svakog takmičara prema srednjem dijelu cilja gdje je to moguće.
- 1105 Razmak između dvije staze**
Razmak između dvije odgovarajuće oznake (od štapa za okretanje do štapa do okretanje) ne smije biti manji od 6 m i ne veći od 7 m. Razmak između startnih vrata mora također biti isti.
- 1106 Start**
- 1106.1 Startni uređaj**
Dvoja zglobna vrata svaka 100 cm široka i 40 cm visoka. Startni blok (iza skija) mora biti pokriven teflonom da bi se zaštitile skije. Težina svakih zglobnih vrata je 30 kg. Otvaranje vrata: Električna kontrola (akumulator 24 v). Sistem za zatvaranje mora koristiti elektomagnet tako da startni pucanj otvara istovremeno zglobna vrata (prema vani). Ovim startnim sistemom može se upravljati i ručno.
- 1106.2 Žiri i starter će zajedno kontrolisati start. Startni znak može biti dat tek nakon što je Žiri dao takmičarima dozvolu za start. Bilo koji startni sistem može biti upotrebljen uz uslov da taj sistem garantuje istovremeni start.
- 1106.3 Pogrešan start**
Diskvalifikacija će se desiti:
- 1106.3.1 ako takmičar nema bar jedan vrh skije koji dotiče zglobna vrata,
- 1106.3.2 ako takmičar nema oba skijaška štapa postavljena na označenim mjestima.
- 1106.4 Startna komanda**
Prije nego što starter izda komandu sa "Reday - Set" ili Attention - Pret" ili "Achtung - Bereit" i potom opali hitac iz startnog pištolja koji otvara zglobna vrata, on mora provjeriti da li su takmičari spremni tako što će takmičara koji startuje u crvenoj stazi pitati "Red ready?" ili "Rouge pret?" ili Rot fertig?", a takmičara u plavoj stazi "Blue ready?" ili "Bleu pret?" ili "Blau fertig?". Samo nakon što su oba takmičara odgovorila sa "yes" ili "oui" ili "ja", starter može izdati startnu komandu.
- 1106.5 Ako jedna ili oba vrata startnog uređaja vudu jasno blokirana zbog mehaničke greške, start mora biti ponovljen.
- 1107 Cilj**
- 1107.1 Ciljni prostor mora biti simetričan. Linija u cilju mora biti paralelna sa linijom na startnom mjestu.
- 1107.2 Svaka ciljna linija je označena sa dva štapa povezana platnenom trakom koji formiraju cilj. Svaki cilj mora biti najmanje 7 m širok. Unutrašnji štapovi ciljnih prostora postavljeni su jedna pored drugog.
- 1107.3 Potrebno je postaviti vizuelnu granicu prilaza ciljevima i izlaza iz njih.
- 1108 Žiri i postavljatelj staze**
- 1108.1 Žiri se sastoji od sljedećih članova:
- tehnički delegat,
- glavni sudija i
- šef staze.
- 1108.2 Postavljatelj staze određuje Žiri takmičenja (ako ga nije odabrala FIS). Prije postavljanja paralelnih staza, on mora izvršiti pregled i proučiti stazu u prisustvu Žirija i lica odgovornih za stazu (šef trke i šef staze).
- 1109 Mjerenje vremena**
- 1109.1 Pošto je start istovremen, samo će se bilježiti razlika u vremenima među takmičarima u cilju. Sa više električnih očiju i automatskim ispisom, prvi takmičar koji prekine jedan od signala pokreće hronometar i ima vrijeme "nula", sljedeći takmičar zaustavlja hronometar i dobija vremensku razliku u 1/1000 sekunde u odnosu na prvog takmičara.

- 1110 Izvođenje paralelnog takmičenja u dvije vožnje**
Svaki meč između dvojice takmičara sastoji se od dvije vožnje, a dvojica takmičara mijenjaju staze u drugoj vožnji.
- 1110.1 Broj takmičara**
U finalnom takmičenju ne smije biti više od 32 takmičara. Ovi takmičari mogu biti direktno prijavljeni ili biti 32 plasiranih iz kvalifikacionih takmičenja.
- 1110.2 Određivanje parova**
- 1110.2.1 Formira se 16 parova, ili nakon završetka prethodnih izbornih trka ili u skladu sa njihovim opštim plasmanom u FIS svjetskom kupu ili FIS kontinentalnim kupovima u tom trenutku, ili prema njihovim vrijednostima (u FIS bodovima), na sljedeći način:
Grupe čine:
- | | |
|----------|-------------------------|
| 1. i 32. | 9. i 24. |
| 2. i 31. | 10. i 23. |
| 3. i 30. | 11. i 22. |
| 4. i 29. | 12. i 21. |
| 5. i 28. | 13. i 20. |
| 6. i 27. | 14. i 19. |
| 7. i 26. | 15. i 18. |
| 8. i 25. | 16. i 17. (vidi tabelu) |
- 1110.2.2 Takmičari dobijaju brojeve od 1 do 32 kako su rangirani i zadržavaju ih do kraja trke.
- 1110.2.3 Startni redosljed; prema redosljedu u datoj tabeli, od vrha do dna. Sve grupe voze uzastopno svoju prvu, pa zatim drugu vožnju. Niži startni broj spušta se prvo niz crvenu stazu, a viši niz plavu stazu. U drugoj vožnji to je obrnuto. Isti sistem se primjenjuje u svim eliminacijskim trkama, kao i u finalu.
- 1110.2.4 Takmičari mogu pregledati stazu od vrha do dna na skijama. Pregled traje 10 min.
- 1110.2.5 Šesnaest pobjednika ostaju kao rezultat prve eliminacije. Drugim riječima, oni koji su, u svojim grupama, ostvarili manji total u dvije vožnje ili moguće dva puta nula.
- 1110.2.6 Takmičarima će biti dozvoljena jedna i samo jedna trening vožnja na jednoj od dvije staze prije početka trke.
- 1110.3 Druga vožnja**
- 1110.3.1 Šesnaest kvalifikovanih takmičara startuje prema startnom sistemu u parovima odozgo prema dolje.
- 1110.3.2 Ove trke se takođe voze u dvije vožnje. Osmoro se kvalifikuje za četvrtfinale.
- 1113.3 Ako se rezultati paralelnog takmičenja računaju za ukupan plasman kao što je FIS svjetski kup, tada konačna pozicija za 9 i 15. mjesto određuje na osnovu rezultata u drugoj eliminacijskoj vožnji. Takmičari će biti plasirani po redosljedu polazeći od manje razlike u vremenu dobijene u drugoj eliminacijskoj vožnji. Ako ima eliminiranih takmičara, vrijednovanje se vrši na osnovu broja vožnji ili vožnji kroz vrata.
- 1110.4 Četvrtfinale**
- 1110.4.1 Osmo kvalifikovanih takmičara startuju prema startnom sistemu u parovima odozgo prema dolje.
- 1110.4.2 Za četvoricu takmičara koji su izgubili trke plasman na 5, 6, 7 i 8. mjesto se određuje na osnovu vremenske razlike svakog od ovih takmičara u odnosu na pobjednika.
- 1110.5 Polufinale i finale**
- 1110.5.1 Četvorica kvalifikovanih takmičara startuju prema startnom sistemu u parovima odozgo prema dolje.
- 1110.5.2 Poraženi iz polufinalnih trka voze prvu vožnju za 3 i 4. mjesto prije nego što finalisti voze svoju prvu vožnju, zatim polufinalisti voze drugu vožnju i onda finalisti svoju finalnu vožnju.
- 1111 Kontrola trka**
Sudije na vratima smještene su sa strane staza. Svaki sudija je snabdjeven sa zastavicom koja po boji odgovara boji staze koju kontroliše (crvena ili plava). Ova zastavica se koristi da bi se odmah upozorio Žiri o diskvalifikaciji u njegovom dijelu staze. Službeno lice (sudija) sa žutom zastavicom je smješten na otprilike pola puta niz stazu gdje odmah sudi o diskvalifikaciji sudije na vratima podizanjem žute zastavice u pravcu staze na kojoj je bila pokazana diskvalifikacija. Podizanje žute zastavice potvrđuje diskvalifikaciju takmičara.
- 1112 Diskvalifikacije**

- 1112.1 Razlozi za diskvalifikaciju su sljedeći:
 - pogrešan start (čl. 1106.3),
 - prelazak iz jedne staze u drugu,
 - ometanje protivnika, namjerno ili ne,
 - prolazak jednom skijom unutar vrata ili štapa, a drugom izvan,
 - okret koji nije izveden vanjskom stranom vrata,
 - neprolazak kroz cilj.
- 1112.2 Ako oba takmičara padnu u prvoj ili drugoj vožnji bilo koje runde, prvi takmičar koji uspješno stigne do cilja plasiraće se u sljedeću rundu. Ako nijedan takmičar ne završi trku, onaj koji je uspješno skijao dužio dio staze plasiraće se u sljedeću rundu.
- 1112.3 Takmičar koji ne prođe kroz cilj ili je diskvalifikovan u prvoj vožnji ne starta u drugoj vožnji.
- 1113 Slalomska pravila**
 Sva slalomska pravila važe, uključujući potrebni homologaciju staze, kao i takmičarska pravila.



4. Dio

”NEDOSTAJE IZ ORIGINALA”
Pravila za Kombinaciju, KO sistem i Timska takmičenja

1250 FIS bodovi za trku

1250.1 Formula za izračunavanje bodova za trku dozvoljava iskazivanje u bodovima vremenske razlike između pobjednika i svih drugih klasificiranih takmičara.

1250.2 Formula za izračunavanje bodova za trku je sljedeća:

$$P = F * T_x / T_o - F \text{ ili } P = (T_x / T_o - 1) * F$$

gdje su:

P: bodovi trke

To: vrijeme pobjednika u sekundama

Tx: vrijeme klasificiranog takmičara u sekundama

1250.3 F vrijednost za različite discipline (spust, slalom, veleslalom, super G) objavljuje FIS ured za aktuelnu sezonu (napr. Bilten, tačnost, komentar, Pravila o FIS bodovima).

1250.4 Bodovi su potrebni za utvrđivanje ranga trke na osnovu FIS bodova takmičara, za utvrđivanje dodatka za trku.

1260 FIS bodovi

1260.1 FIS bodovi takmičara prijavljenih FIS utvrđuju se u skladu sa pravilima koje je odredio Podkomitet za klasifikaciju alpskih takmičara.

1260.2 Lista sa FIS bodovima određenim na osnovu ovih pravila, čini osnovu za podjelu takmičara prema bodovima. Odgovarajući komentar je dio ovih takmičarskih pravila i biće obnavljan svake godine.

1260.3 Korištenje FIS bodova

FIS bodovi se posebno koriste za:

- utvrđivanje kvota na takmičenjima (npr. čl. 1270 i Kup pravila),
- kao osnova za grupisanje i žrijebanje takmičara za trke i treninge,
- utvrđivanje dodatka trke (u vezi sa bodovima trke).
- utvrđivanje dodataka za status povrede i zbog profesionalnih obaveza, itd.
- utvrđivanje kvalifikacija za postojeće takmičarske kategorije.

1270 Učešće na FIS takmičenjima

1270.1 Kvote nacionalnih skijaških saveza za učešće na takmičenjima iz Međunarodnog skijaškog kalendara su sljedeće:

1270.1.1 *Na zimskim olimpijskim igrama i FIS svjetskim prvenstvima*
 Prema pravilima MOK i “Organizacija FIS svjetskih prvenstava”.

1270.1.2 *FIS Svjetski kup, FIS kontinentalni kupovi i FIS trke:*
 Prema odgovarajućim pravilima.

1270.1.3 *Kvota pravilo za takmičenja žena*
 FIS kvote za takmičenja žena koristiće se kad ima više od 140 prijavljenih takmičarki.

1270.1.4 *Specijalne kvote*
 FIS Savjet može odobriti specijalne kvote za određene zemlje, regije ili kontinentalne kupove. Nacionalni skijaški savezi upućuju poseban zahtjev FIS Uredu prije jesenjeg sastanka. Za južnu hemisferu: prije proljetnog sastanka.

1270.1.5 *Osnovne kvote za Savez organizator*
 Detalji prema Pravilima o FIS bodovima.

1270.2 Kvalifikacijska kvota za svaki nacionalni savez se izračunava prema listi FIS bodova objavljenoj na početku takmičarske sezone na sjevernoj hemisferi. Kvote se izračunavaju za svaki nacionalni savez koristeći najuspješnije discipline za svaku zemlju. Detalji su usklađeni sa Pravilima o FIS bodovima.

1270.3 *Za alpska takmičenja broj takmičara ne smije prelaziti 140.*
 Ako poštujući odobrene kvote po zemljama i osnovne kvote za zemlje organizatore broj takmičara pređe 140, to je dozvoljeno. Ako broj takmičara ne dostiže 140, nacionalni skijaški savez koji organizuje trku može dopuniti svojim takmičarima do maksimuma od 140 takmičara.

Disciplina		Takmičenje>	ZOI	WC	EC	FIS	DJECA
SPUST	Ž	visinska	500 - 800				
		br. vrata	prema potrebi				
		zastavice	1 x 0.75 m	crvene (plave)			
	M	zastavice	1 x 0.75 m	crvene			
		br. vrata	prema potrebi				
		visinska	800 (750) - 1000	550 - 1100	500 - 1100		
SLALOM	Ž	visinska	140 - 220	120 - 200		I. 120 m II. 160 m	
		br. vrata	Broj promjena pravca mora biti = 30 – 35 % od visinske razlike +/-3				
	M	br. vrata					I. 120 m II. 160 m
		visinska	180 - 220	140 - 220	140 - 220		
VELESALOM	Ž	visinska	300 - 400	250 - 400		I. 250 m II. 300m	
		br. vrata	11 - 15 % visinske razlike = broj promjena pravca				13 - 15 %
	M	zastavice	0.75 x 0.50 m / crvene i plave				
		br. vrata	11 - 15 % visinske razlike = broj promjena pravca				I. 250 m II. 300m
	M	visinska	300 - 450	250 - 450			
		SUPER G	Ž	visinska	400 - 600 eventualno 2 skoka	350 - 600 eventualno 2 skoka	
br. vrata	10% visinske - minimum 30 promjena pravca Ukoliko je na sitoj stazi sa muškarcima onda važe pravila kao za muškarce				8-10%		
M	zastavice		0.75 x 0.50 m / crvene i plave				
	br. vrata		10% visinske - minimum 35 (32*) promjena pravca 400 – 500m visinske = min. 32 promjene pravca 500 – 650m visinske = min. 35 promjene pravca				I. 225 - 350 m II. 250 - 450
visinska	400 - 650 eventualno 2 skoka						
PARALEL (čl 1100)	M		visinska	80 - 100			
		br. vrata	20 - 30				
		zastavice	0.3 x 0.7 m crvena staza i plava staza				

Revidirano 14. novembra 2007. Edin Terzić